

Виктор Напалков

О, Енмай!..





Виктор Напалков

# *О, Енмой!..*

*Кывбуръяс, поэмаяс*

*Верстьöлы, том йöзлы,  
челядьлы*



Сыктывкар  
Издательство «Эском»  
2007

**Н 27 Напалков В.Е.**

**О, Енмӱй!.. Кывбуръяс, поэмаяс. – Сыктывкар:  
Издательство «Эском», 2007. – 256 с.**

Виктор Напалковӱн нимыс уна во нин тӱдса лыд-дысьысьяслы. Тайӱ небӱгас пыртӱма сылысь водзтӱ гиж-лӱм да выль кывбуръяссӱ. Найӱс быттӱӱ эськӱ гижӱма раминик горӱн кылысь кывъясӱн, но та сайын мыччысьӱ гижысь, кодӱ сӱлӱмсяньыс майшасьӱ олӱмын лоӱмторъ-яс вӱсна. Быд кывбурын кылӱ морт, чужан му, коми парма дорӱ помасьлытӱм муслун. Поэт Виктор Напалков тӱчӱма кывбуръяс, кодъяс матыссаӱс да гӱгӱрвоанаӱс верстыӱ йӱзлы да быдмысь войтырлы. Тайӱ небӱгыслӱн ыджыд коланлуныс нӱшта на и сыын, мый сӱйӱн вермасны вӱдит-чыны школаясын коми литература урокъяс нуӱдӱгӱн.



## **Көрлөн кольö сюрис, гижысьлөн - гижöдъясыс**

Тэчи выль керка – кывбурьясысь. Дона лыддысьысь, кора тэнö пыравны госьтитны тайö керкаас. Сылы сеті ним – «О, Енмöй!..» Пыр да öтлаын варовитыштам няня-сола пызан сайын чай юигмоз.

Книга чужан луно менам син водзö сувтіс татшöм серпас. Со, тэ листалан тайö небöгсö, син пырыд нуодан сэтысь строкаяссö – мыйкö, дерт жö, пукясясь сёлöм вылад, а мыйкö, гашкö и, оз. И таын нинöм абу лёкыс. Öд сёрнитöны кык разной морт: тэ, лыддысьысь, и книгагсö гижысь. И быдторйын да век öти кывйö воны он вермы. Кыкнаннyslөн олöм вылас аслас видзöдлас, оз öткодя донъявны олöмсö. Сэсся и, йöз радейтöны оз öткодь сыланкывъяс, оз öткодь дзоридзяс, оз öткодь рöмъяс.

Водз тулыссянь сёр арöдз ме ола Эжва катыдын, Джемжим деревняын. Öшинювса град йöрын көмтöг тапъя-


лігөн кок пыдѡснам кыла чужан муѡйлысь шоныдлунсѡ;  
кыла малямушъяслысь ёся зыньгѡмсѡ; сэзь войясѡ ним-  
кодяся лыдтѡм кодзула Утка туйѡн. Миян керкасянь куим-  
сѣ воськов сайын тшака-вотѡса гулыд ягъяс; лунвывла-  
дорас чериа на Важ Эжва. Быд дзоридзын и лѡбач дзоль-  
зѡмын, рытъя кыаын и асяя шондѡын, чарда-гыма зэрын  
и пельтѡ чунѡдана лѡньлунын эм.... Поэзия. Быд морт  
аддзѡ да кылѡ поэзиясѡ ас ногыс. Ас синмѡн аддзѡм  
рѡмъяссѡ и пырта аслам кывбуръясѡ. Пырта сѡдз, мед  
гижѡдѡй лои гѡгѡрвоана школаын велѡдчысьлы и студент-  
лы, верстьѡлы и ныр йылас ѡчкиа пѡль-пѡчлы. Корскорѡ  
паныдасьлѡны ѡтногаджык шуѡмъяс, ѡткодъ образъяс –  
и таын, бара жѡ, нинѡм абу лѡкыс. Книга-керкасѡ авто-  
рыс тѡчис важ и выль керъясысь – важѡн нин гижѡм и  
дзик на талун сочинитѡм строкаясысь. Чайта да, быд лыд-  
дысьсысь аддзас книгасысь аслыс лѡсялана кывбуръяс.

Ме гѡжа нин нѡм джын – йѡзѡда статьяяс, кывбуръ-  
яс, повесьтъяс, романъяс. О, Енмѡй, мыйта нин гѡжи! Но и  
мед: кѡрлѡн кѡ кольѡ сюрис, гѡжысьлѡн мед кольѡны гѡ-  
жѡдъясыс. Пасибѡ, лыддысьсысь, эн вѡвлы тѡ веськодъѡн  
менам книгаяс дѡнѡ да. Та йылысь висьталѡны меным  
воѡм писъмѡяс. «...Олан-вылан, Виктор Егѡрович! Ыста  
тѡн зѡв ыджыд пѡсь поклон. Атгѡ тѡныд шань гѡжѡдъ-  
яссъыд, ставыс мен воѡ сьѡлѡм вылѡ. Ме арлыда нин, но  
радейта лыддыны коми книгагъстѡ, коми газет-журналтѡ. Ас-  
лым шулывла: кокѡй слабмис туй юж тальѡмысь; киѡй –  
кепысь-носки кыѡмысь; синмѡй – Виктор Напалковлысь  
гѡжѡдъяс лыддѡмысь... Дыр на эн пѡрысьмы да уна на  
гѡж...» (М.В.Попова. Кебанъѡль посѡлок, Кулѡмдѡн район).  
Пасибѡ, Маргарита Васильевна!

*И сѡдз, дѡна лыддысьсысь, кора пыравны шойччыны  
кывбуръясысь тѡчѡм квайт вежѡса менам керкаѡ.*

**Автор.**

Чижан мой,  
свёлёмиорой



\* \* \*

Лыдтөм кодзулөн пөртмасьысь енэж  
Югыд синъяссө войбыд оз кунь.  
Менсьым унзильос бара нин венө  
Асья кыакөд кыпөдчысь лун.

Гора кывъясысь кывбуръяс видза,  
Чусмөм мөвпъясысь найос ог кы,  
Медым йөзыслөн сьолөмөдз йиджас  
Менам гөлөслөн йөлөга шы.

\* \* \*

Дона Рөдина — паськыд чужан му,  
Ассьым мамос моз көсья сывъявны,  
Муса нывлы моз тэныд чужтыны  
Ыджыд бурсиөм сыланкывъясөн:  
Медым юрсиыд өвтіс шондїөн,  
Банйөм вом дорыд — рудзөг нянь көрөн,  
Алөй бандзибйыд — гожся шоныдөн,  
Ыджыд моросыд — юмов мам йөлөн,  
Уджач киясыд — мулөн ньылөмөн;  
И став мир пасьта медым нималін  
Няня-сола шань олөм-вылөмөн.

## МЕНАМ ПАРМА

Кисьмөм льөм сингъаса, коляоз вом дора,  
Бандзибгъад кыалөн ворсөдчысь сер.  
Быдтан да лелькуйтан ныв-питө моздорад,  
Дзоридзгъас быдтө кыз тувсовгъа эрд.

Мойдын кодь мичлуннад ылөдз зэв тыдалан, —  
Тэтөг ме сьөлөмлы ог аддзы ин.  
Йөлөгга горөн тэ, донаой, шыалан —  
Важгъа зырянкалөн радейтчанін.

## ТУЙӨ МӨДИС ШОНДИ

Асыввывсянь туйө мөдіс  
Шонді,  
Йөзлысь сингъас долымөдіс  
Шонді;  
Өшингъасын ворсө-йөктө  
Шонді,  
Лысва вылысь вота-өкта  
Шонді;  
Эжва кывтчөс лөня уйө  
Шонді,  
Еджыд гулю гөптысь юө  
Шонді;  
Нэмгъас ыпйө тшынтөм бинас  
Шонді,  
Вошан вөрө — туйсө индас  
Шонді;  
Коми муөс эн тэ кедзовт,  
Шонді,  
Югөргъаснад йөзлысь сьөлөм  
Шонты.

## КОР МЕ ВОА ЧУЖАНИНӨ

Чужан сиктыд — кага потан.  
Чужан сикт мен быттьö рай.  
Эжва шлывгö паськыд ота,  
«Öввö» сьылö вадоркай.

Чужан сиктыд — мамлөн гөлöс,  
Пöрысь пöчлөн важся мойд.  
Янсöдчигад, көть и чöла,  
Гортад колян синва войт.

Кор ме воа чужанинö,  
Нимкодöйла ышмö лов.  
Менам сьölöм сэки инын,  
Сэссия-й унаыс оз ков.

\* \* \*

Ывла вылыс быттьö көзöд —  
Ыркыд руөн пöльтö.  
Көнкө туйын локтö Көдзыд...  
Кыз нö Мороз-пöльтөг?

Медводз вөр-ваыскöд сійö  
Пöся чолöмасыс:  
Дорас юяс зумыд йиön,  
Поньталас лым пасьön.

Еджыд чöвлун ваяс сьöрсыйс,  
Унмовсясны эрдьяс.  
Кыас тöлысьлөн шöвк шöртысь  
Öшиньясö серьяс.

Сэсса аслас чорыд киён  
Китё пёся кутлас,  
Мый и вурун кепысь пиын  
Чуныыд весиг турдлас.

\* \* \*

Сэтшөм лөнь, мый тиньгö весиг пеляд,  
Сьөлөм сьылö югыд сьыланкывъяс.  
Кодзувъясыс — быттьö посни челядь —  
Куткыртчöны енэжыслөн сывъяс.  
Мулысь воксö —  
Марс планета аддза,  
Со Венера —  
Мулөн воча чойыс.  
Тöлысь джын сэн — быттьö паркын качай,  
Качайтчö көн Мороз-пöлькөд войыс.

\* \* \*

Лым улысь бара мездысьöны муяс.  
Ру пиөд келö мөдлапöвса вөр.  
Ас чужан муой во гөгөр мен муса,  
Но тувсов муслун сьөлөмө оз төр.

Бадь кустьяс пөвстын кылö шорлөн сяльгөм,  
Ю вылын тулыс поткөдлө лөз йи.  
Шөвк шылыыд юрсö мыччö берба-бая,  
Кольк кышысь быттьö петö чипанпи.

\* \* \*

Кыпыд сьолёма, дзулькыйсы эбёса  
Локтё тулысыс миян Войвылө,  
Зарни шердынысь паськыд эрдъясö  
Шондi югöрсö содзнас коялө.

Тулыс-гöстяöй мойдса платтьоа:  
Гөгөр вералө, ворсö бисерөн.  
Сылөн томлунысь, лöсьыд статьяунысь  
Весиг кельдыштö тöлысь-исерга.

Сылөн лов шыысь ставөн кыламö  
Ас ног шудаа сьолём шоналём.  
Тулыс восьлалө лэбач сьылёмөн,  
Лыддьö нимкывъяс ныла-зонмалы.

Шоныд зэр бёрти нимкодъ кöдзысьлы —  
Петö ыб вылө кыпыд сьолёмөн.  
Туём Эжваын шондi кöчасьö,  
Гöрдлө ывлаыс көрт вöв гөлөсөн.

Воліс тулысыс лунвыв саридзсянь  
Паськыд бордъяса еджыд дзодзөгкөд.  
Тулыс восьлаліс миян парматі  
Киас льём пулөн еджыд дзоридзён.

\* \* \*

Тулысыс дзоридзьяс гожёмлы вöзйис.  
Пармалөн оз орлы нэмчöжся мойд.  
Кельыдлөз бордъясөн кокниа öшйис  
Куньлытём синьяса дженьыдик вой.

Кыаыс садьмас да сывкнитас югөр —  
Ывланас пöттöдзыд радлыны пет!

Эжвао чөвтлан кө самавтөм вугыр,  
Кудриа кымөр сэсь пысаяс тэд.

Сөстөма мыссьөма, мыччысьө шонді,  
Лысваон пөртмасьө юбокса видз.  
Енэжыс быттьөкө паськыд лөз зонтик,  
Шевгөдө юр весьтө воймывтөм мич.

Вый сывдан пөраө йөз дыр оз узыны,  
Видз вылын жуоны верстьө и том.  
Сьөлөмнас войтырыс некор оз усьны,  
Гортнысө вежлывлө кырыывса чом.

Весьт кузя гожөмыс тэрыба рөдтіс.  
Чужөмө ляскысис войвывса гож.  
Чардбиысь дугдіс нин потласьны вөртас,  
Дзоргө гөрд синъясөн пельсь пу вож.

\* \* \*

Талун ывла кага дум кодь сөстөм,  
Енэжлөн лөз рөмыс юод кывтө.  
Эжва вылын шонді бипур өзтө,  
Ныв-зонмыскөд радөсь джыдж и пыста.

Нюжөдчөма видз крут берег дорөдз,  
Коса шыысь чуналөма пельыд.  
Гөгөр дзоридз. Гыалө шөвк дзоридз —  
Ясли-садын быттьө варов челядь.

Рытторулын юргө гажа сьылан,  
Йөлөгаон лэбзьө Эжва пөлөн.  
Том йөзыслөн сьөлөмысь ме кыла,  
Кызди тіпкө гожөмлөн пөсь сьөлөм.

Киын сөн кодь, лөз да чукля,  
Вөрөд кывтö ёльыс.  
Ывла гажнас морөс чукъя,  
Көть и оз съыв колип.

Ягыс горнича кодь югыд,  
Нитшкыс — сълөн кудри.  
Рыжöй понтшак берин вылас  
Коялö со пудри.

Тані сиасълöма коркö  
Сиктса мужикулов.  
Сирöд чöвлун менö корö  
Öнi татчö пувла.

Тонö коз пу — быттьö батьöй —  
Чöс туй вылас шойччö.  
Киын чуман, мышкын пестер,  
Муна сылы воча.

Асья руыс табак тшын моз  
Коз пусяньыс кыптö.  
Лысва пиын мыссьöм пелысь  
Ловъя биөн ыпйö.

Ёльыс бокын — быттьö дöва —  
Бадь пу кисьтö синва.  
Лöсьыд жö нин — абу öвад,  
Коддзан, оз ков вина.

Кисьмöм пувъя дзулөн отыс  
Сотö-ёрö синьяс.  
Арлы соддзас койö вотöс  
Ассьыд югыд киньяс.

## НЮРЫН

Вөр-пу йылөд шондi уйө,  
Миянкөд жө вотчө.  
Сiмөм нюрыс турипувйын  
Көдзыд биөн сотчө.

Сэсся волiс кынөмпөтла  
Азым өшкамөшка,  
Турипувсө зiля өктiс  
Сизим рөма көшас.

Оз ков танi ау!-кайтны,  
Шөпкөдчөмыд кылө.  
Гожөмыслөн сьылан ваймис,  
А ме — сьыла.

\* \* \*

Зарни корйыс өти бөрся мөд  
Пельпом вылө бергалiгтыр усьө.  
Вотөсысь да тшакысь арыс пөт,  
Лун югыдыс регыдджыкөн кусө.

Чужан муысь быттьө бөрдiгтыр  
Ылө-ылө шлывгө тури кельөб.  
Лэбачьяслы киөн өвта дыр,  
Янсалам өд бара вель дыр кежлө.

Арлысь лов шы сьөлөмөй пыр видз, —  
Нэм чөж коля пармалөн өд пиөн.  
Арся сөдз поэзиялөн мич  
Гулыд ягын ыпйө гажа биөн.

Съывны кутас пышкай лунысь-лун  
И оз падмөд сійөс слөт ни, пуж ни.  
Ылі муө сійө тась оз мун:  
Өти сиктын пышкайыскөд чужлім.

Гажөдасны менө съөла-тар  
Гортө кольысь лэбачьяслөн хорын.  
Өтитор мен жаль: со рыжөй ар  
Кывбур гижигкості лоис дзорөн.

## **ДЗОДЗӨГЪЯС**

Кымөр сайсянь со горзөны дзодзөгъяс,  
Кузь туй вуджигөн вынсяліс борд.  
Туйсө лунвылө индісны кодзувъяс,  
Бөрсө лэбигөн төдөны горт.

Өшинь-өдзөстөм налөн көть позъясис,  
Чужан муыслөн шонтас пось сыв.  
Гөснеч пыддиыс юсь-дзодзөг гозъяс  
Татчө вайөны выль съыланкыв.

Медым му вылын олөм эз помасьлы,  
Найө быдтысьны локтөны век.  
Посни пиянсө вердөны вомсьыныс —  
Нёньпом кага кодь лэбачпи сэк.

Да и йөзыс өд нырчөны сы ради,  
Водзө томмөдны мед вольной свет,  
Челядь гөлөсөн йөлөга кыпыда  
Став му пасьтаыс юраліс мед.

## СЬӨЛӨМ ЮАЛӨМ ВЫЛӨ ВОЧА КЫВ

- Кодыр медгажа тэн вольной светас?
- Зөлөт-кага кор мам морос бердас.
- Медся мичаон мый лыддян, пиук?
- Шондi югорысь пестом яр бипур.
- Енэж вевт улас мый медся муса?
- Кок ув му, кодi Пармаон шусьö.
- Кутшом сыланкыв меднебыд шыа?
- Лэбач гөлөсөн сылө кор кыа.
- Кодыр овлан тэ зумышөн, норөн?
- «Война» кывйысь кор Му шарыс дзормө.
- Земля-матилы мый эськө сиин?
- Шондiбанос мед некор эз вины!

## ДАЧАЫН

### 1.

Асья шондикод ывлао пета,  
Черон тотшконы татон и сэн.  
Кыла: градвывса омидз и сэтөр  
Кекеначоны корьяснас мен.

Найос юктала дэбыдик ваон,  
Кыз быд ловьялөн — косьмө жö горш.  
Өвтö татөнi муон да маон,  
Тырмө татөнi гажлун и гож.

Быттьö мазилөн пелькиник позъяс —  
Лун-лун кыпалö вьль керка сруб.  
Киад черыд кө кокниа ворсö,  
Тайö уджыс тай зэв на и люб.

Кодзувкотъяс моз мырксьöны йöзыс,  
Лунтыр сьölöмыд шондi кодь яр.  
Пышкай купайтчö енэжса лöзас,  
Быдмö Морово — кодзувкоткар.

## 2.

Енэжа-му костас сэтшöм чöv,  
Лöньлунсö көть босьт да көшысь ю.  
Шоныд пася шойччö көдзыд төв,  
Кöч бöж шарпа узьö Кылым ю.

Ыркыдысла чужöм сотчö дон,  
Керка нитшкөн пышкай дöмлö поз.  
Йöрын öзйö гöрд бантика жонь —  
Мыччысьöма быттьö град выв оз.

## ПЫЖЫН

Шондi жарсö солькйöдлöны джыджъяс,  
Жбыръялöны миян весьтын дзик.  
Гöтырöйкөд кывтам ветки пыжын.  
Али ачыс катö чужан сикт?

Шыльыд видзьяс шевкнитöмны сывсö,  
Кövдум кодьöсь турун юръяс со.  
Орччөн кызьяс — быттьö мудзöм нывъяс —  
Куртöм бöрын кокньöдöны лов.

Налы шонді кыё зарни кёса,  
Морёснысё ыркёдыштё төв.  
Налы енэж койё югыд лёзсё,  
Эжва юыс на водзын со шёвк.

Лэбач тивзём сёлёманым сидзё,  
Гөгөр ворсё гожёмыслөн нюм.  
Венеч улё сувтём ныв кодь мича  
Берегсянныс өвтчө чужан му.

Өвтчө-ссылё быттьёкё жар-птица,  
А ме быттьё лыддя-кывза мойд,  
Кён ме — сар, а гётырöй — саритса,  
И кён лёжыс абу весиг войт.

\* \* \*

Шонді помаліс лунтыръя удж,  
Бівла лоис кыз пёдалём книга.  
Чужан му, öні личёдышт мудз,  
Менам пельпомё мыджссышт тшöтш кинад.

Сьод чернила кодь шевкнитчис вой,  
Гижан перёос чуткыла сэтчö,  
Медым кывбурö вөр-валён мойд  
Югыд строкаён зумыда зэвтчис.

Вөлі гожёмыс ыркыд,

но жаль:

Öдйö восьлаліс тшайпода кокнас.  
Парма йөктö нин арся важ вальс,  
Өвтчö кияснас, назöдчö вомнас.

Менам сьолөмөй ланьтөма чөв,  
Кывзө кадыслысь гөлөссө-горсө.  
Кылө пос помын шычкиртө төв,  
Дзедьсьөм гожөмсө быдлаысь корсьө.

Сөмын вой төлыс корсьысьө весь,  
Видзө весьшөрө ассьыс вын-эбөс:  
Көдзыд төлыс мед эз кынтав, эз,  
Аслам кывбурө гожөмсө дзеби.

## ОЛӨМ

Важөн помасис чарөма мартыс,  
Шонді азыма синъясөс ёрө.  
Кыздлөн пөльтчөны томиник гарьяс,  
Быттьө нывкалөн гөрддзасьө морөс.

Ывла өтарө югидөн туис,  
Кыздлөн пудпаса чужөмыс кельдө,  
Небыд төв улын ружтыштлө пуыс —  
Сьөкыд чужтыны мездор тыр челядь.

Со и сьавкмуни-чужис выль петас,  
Примит, матушка кыддзөй, пөсь чолөм.  
Тайө пөралы мөд ним кө сетны,  
Эськө сеті ме ним сылы: Олөм!

\* \* \*

Гажа ягьясті дыр ветлөм бөрын  
Койтысь дозмөрөс пищальысь лыи.  
Вөрлысь сёрнисө орөдіс шөри  
Гора йөлөга омлялігыри.

Месянь неылын сулалысь пожом  
Видчан гөлөсөн дугдывтөг шувгис.  
Воддза радлуной кытчөкө вошис, —  
Быттьө пармаыс ме вылө увгис.

Öти сьылысьөн гольмис ас вөр-ва,  
Матын шогалис-бөрдис мөд сьылысь.  
...Сэксаень пищальөн ог нин ме вöрав,  
И ог каитчы ни öти сыысь.

### **ЗЭР БÖРЫН**

Юяс вомөн водзö келіс  
Көмтөм кока шоныд зэр...  
Быттьө нывбабалөн морөс,  
Кыпъялыштö мыссьөм эрд.

Шонді югөръясысь бипур  
Лыдтөм дзоридз öзтіс сэн.  
Медся бура сьылөм кузя  
Лэбач котыр паніс вен.

Небыд вом доръяса төвру  
Окалө быд турун сі.  
Нимлунö моз гажөдчöны  
Бобув, чирк и малязі.

Аслам быттьө тшөтш жö нимлун:  
Сывъяс кутлө менö эрд.  
Да и со став ловъя лолыс  
Меным петкөдлө концерт.

\* \* \*

Луннас ывла вöлі син ни пель —  
Шутьялігтыр йöктіс ышмөм пурга,  
Локтіс рытыс — шыльöдчöма, пельк,  
Со и гулю небыд лымйын кургö.

Енэжыслөн быттьö аслас ГЭС:  
Лыдтөм биөн югзьöдіс став ывла.  
Войыс пуксис сэтшөм лөнъ да сэзь,  
Кодзувъяслөн кок шы весиг кылö.

## АСЫВ

Эжва шыньгö — абу гыа,  
Берег дорас пу оз дзуртышт.  
Асылыслы шонді кыö  
Зарни югөръясысь юркытш.

Асыв — тэрыб, шань и мелі,  
Гажыс, майбыр, юр выв тырыс:  
Югыд лысва пөвстгі келö  
Лэбачьяскöд сьылігтырйи.

Со и воис льөм пу дорöдз,  
Пөртмасьö код еджыд пухөн.  
Тані гөгөр ловъя дзоридз,  
Асыв öвтö кампет дукөн.

Шонді сылы юркытш сетіс,  
Льөм пу козьналіс шөвк фата.  
Асыв — быттьö том невеста —  
Эжва юöд водзö катас.

## **БАБА ГОЖӨМ**

Сылөн син лыскыс — шонділөн югөр,  
Лөзөн ойдөм сөдз енэжыс — син.

Аслас мичлунён сюрс ногөн юргө,  
Оз ков, майбырлы, тшапитчанін.

Гөгрөс морөса кыз пу со вөччөм —  
Шонді югөрысь кольта кодь дзик.

Джуджыд думъясө вөр-ваыс вөйтчө,  
Кыпыд свадьбаысь гажмылас сикт.

Страда помасис. Муыс со шойччө.

Быттьө ыркөдчө нёньюдчысь ань.

Усьысь коръясын томлунным сотчө

Баба гожөм кодь мича да шань.

Мичсө кутлыны сывъясөс вості,

Но сэк сьөлөмөй друг лоис няр:

Баба гожөмсө моздорас босьтіс,

Менсьым юасьтөг пышйөдіс ар.

## **ЫВЛА ЮГДӨМСӨ ВИДЗӨДАМ ВАЙӨ**

Энө узьөй водз асывсө, энөй,

Ывла югдөмсө видзөдам вайө.

Чөскыд уннытө отчыд көть венөй,

Шонді петөмсө эн прөзевайтөй.

Регыд кыаыс енэжын садьмас,

Вөр-ва весьтасө шевкнитас бордсө.

Лэбач чукөрлөн пансяс пось свадьба,

Ылөдз паськалас гажөдчан гор сэк.

Көнкө шондыс локтө на туйын,  
Зарни петельсө мыччыны дасьтө.  
Сюра төлысьыс кыгчөкө уйө,  
Быгтьө сур юан яндөва-тасьтi.

Энө узьой водз асывсө, энөй:  
Мича лун сийө аскөдыс вайө.  
Чөскыд уннытө өтчыд коть венөй  
И ті воланныд муывывса райө.

## КУЛӨМЬЮ

Кулөм — юыслөн нимыс,  
Коть и зэв адзысь синмыс:  
Джуджыд Тимансянь сийө  
Сюртчө Эжвалөн сывйө.

Абу паськыд ни джумъя,  
Гачтөг вомөныс вуджан.  
Көсьян — изъяссө лыдды  
Войся кодзувъяс пыдди.

Көсьян — шондiсө шыльөд, —  
Визув сийөс оз кылөд.  
Өшкамөшкакөд танi  
Коркө сёрнияс панлi.

Нывкөд берегас важөн  
Рыгъяс колявлім гажөн.  
Сылысь малавлi пөся  
Рудзөг кольта кодь көса.

Быгтьө нимкыла ваыс —  
Овлө чөскыдджык маысь.

Матӱг позьӱ на овны,  
Ватӱг — сьӱкыд тай ловлы.

Кӱть и нимыс тай — Кулӱм,  
Сійӱ паськыда тулӱ.  
Лэбзьӱм водзвылас юсьыс  
Васӱ юлӱны юсьяс.

Пыдӱ пармаын юыс  
Индӱ кыйсьысьлы туйсӱ.  
Коркӱ ми-вокыс кулам,  
Сӱмын оз кувлы Кулӱм.

### **ЧЕРИ КОТЫРЛӱН СОБРАННЬӱ**

Рытьявылыс Эжва дорӱ лэччи,  
Каньлы мында вугралыштӱ кельчи.  
Чигья чери кытчӱкӱ тай ланьтӱм,  
Гашкӱ, муӱ тупкӱса собранньӱ?

Чукӱртчисны, гашкӱ, гуся йирас  
Сын и ёдӱ, ёсьтӱм пиня сирьяс.  
Важӱнсянь ӱд налӱн ӱти сёрни:  
Олан гажйыс воссяс налы кор нин?

Вӱйӱм ютшыс ваын уна сӱсьмӱ,  
Зарни сьӱмыс черияслӱн сӱмӱ.  
Коньӱръясӱй воӱмны нин матӱ  
Уна сикас ядохимикатысь.

Туска синма лоӱма пӱ ляпа,  
Юр висьӱмӱн пӱддязӱк тшӱтш лябӱ...  
Чери моз кӱ чӱв овны ми кутам,  
Оз нин ковмыв чери керан пуртыд.

Тырмас сэсса берек пөлөн педзны,  
Каньлы нуа зептын куим кельчи.  
Жар-птицаён юё пуксис шонді,  
Менам съёлём водзё мыйкё ёнтіс.

## **РЫТГОРУВ**

Лёз синма төвру турун пөвстө водё.  
Кыз войся стөрөж — оз вод бобөнянь.  
Вөр сайсянь рытыс пуксьё-локтё подөн  
И ачыс сійё парма кодъ жё шань.

Со енэж пөрччө өшкамөшка вөнсьө,  
Со саялө нин шондыслөн нюм.  
И кывлө тайё гожся ловъя лөняс  
Кыз сьылө, шогсьө, сералө дзор му.

## **МЕДВОДДЗА ПУЖ**

Асья ывла выв, аддза, шогалө:  
Ловъя дзоридзьяс эрдын кельдісны.  
Думысь шыльөда, пөся окала  
Чужан муойлысь дзормөм пельдінсө.

## **ЭЖВА ДОРЫН**

Ывла югыдлөн саймовтчис рөмыс,  
Рыгыс регыдөн шевгөдіс борд:  
Пуксис төдлытөг ю весьтө рөмыд,  
Быттьө төдлытөг пөрысьмис морт.

Эжва берегө ломзьөді бипур,  
Востым рөмаөн лоис лөнь вой.  
И дыр видзөді ыпъялысь би пыр  
Ыпйысь томлунос — во бөрся во.

\* \* \*

Ог көсйы лоны трачкакылысь гымөн,  
Сет ассыд гөлөстө мен, дзольгысь ёль.  
Ог көсйы лоны Эжва вывса гыөн,  
Код ас бөрсяыс кок туйсө оз коль.

## **МУ**

Тэнө нёнялам, бомбитам, кералам...  
Шонді гөгөрыс дыр-ө нө бергалан?  
Тэнсьыд шогтө кө кылісны дзоридзьяс,  
Ме моз найө тшөтш сэк эськө дзормисны.

## ЛӨЗ ПАРМАЛӨН ВИСЬТ

Вөр-ваын мортыдлөн арлыдыс вунлө,  
Воом сию иддзысь на юрси көть дзор...  
Тыртөм ноп-мешөкөс пукта юр улө,  
Кывзышта пармалысь сёрнитан гор.

Вежөдөм коръяскөд качайтчө лысва,  
Кыаыс пуяслысь пальөдө ун.  
Шонділысь югөръяс кокалө пыста,  
Гылыда сывны мед сэсса кузь лун.

Челядь моз долыда сералө ключ ва,  
Визув ю веркөсөс серлөдлө ком.  
Сир дука сынөдыс веськөдө мудзтө,  
Вунөдлан татөні банька и чом.

Төвруыс — нывкалөн небыдик лов шы.  
Енэжыс — кельыдлөз бумага лист.  
Чөдлачысь вөчөм чернилаөн пожөм  
Енэжас гижө лөз пармалысь висьт.

## ЛЭБӨНЫ ЮСЬЯС

Енэжті сыланкыв исковтө нор, —  
Юсьяслысь прөщайтчан өвтөмсө аддза.  
Мусаяс бара нин эновтад горт,  
Туйвизыныд сыланьө, көні лун саридз.

Йөз муө лэбзыны мен көть оз ков,  
Морөсын сьөлөмлы мыйлакө дзескыд...  
Кымөръяс пөвстын мед эз мудзлы лов,  
Сынөдса вөлөкыс лои мед веськыд.

Ог көрит тiянӧс, ни ӧти ог,  
Аскӧдныд нуад кӧть войвылысь гожӧм.  
Нырщиктӧ кузь туйын оз нюкырт шог, —  
Йӧктысь яр кодзувъяс оз лэдзны вошны.

Жальлунӧй ас пытшкӧ весиг оз тӧр, —  
Регыд нин дзевсянныд енэжтас сайӧ...  
Быдтысьны локтигад, донаяс, бӧр  
Пармаӧ шоныдсӧ сьӧрсьыныд вайӧй.

## НЁЛЬ ПӖДРУГА

Нель пӧдруга — нель кыз пу —  
Дзольгысь шор бокин эм.  
Орчӧн сувтӧмны сідзи,  
Быттӧ йӧктӧны мем.

Быттӧ во гӧгӧр нимлун —  
Еджыд платтьӧась пыр.  
Тугъя дзоридза киӧн  
Меным ӧвтӧны дыр.

Муса нывлы моз сиа  
Налы долыд, кузь нэм, —  
Натӧг му вылас эськӧ  
Мыйкӧ эз тырмы мем.

\* \* \*

Тан шонді мыськө ассьыс алөй бансө.  
Тась васө юө төдса-й, төдтөм морт.  
Сёр рытын йөктө лыдтөм кодзув тани  
Да зарни дзирдөн ворсө дзик быд войт.

Сөдз, сялыгысь ключыс некодыр оз надзмыв,  
Му гыркыйсь петө гажа сьылігтыр.  
Ме сылысь мичсө нывлөн синмысь аддза,  
Ме сылысь гөлөс төда пырысь-пыр.

Ключ дорын частө веськөддывла мудзөс, —  
Сы горөн сьывны көсйыссьө тшөтш мем.  
Мед сөмын помөдз вынөй менам судзсис  
Ключ ва моз сөдза овны өти нэм.

\* \* \*

Кья петігөн, көканөй, көк.  
Висьтав, кымын во овны ме кута...  
Сөмын эн тунав мен омоль рөк,  
Бөрья лолыштгөдз лоа мед шуда.

Көкөй, көканөй, тунав кузь нэм.  
И мед нэмөй эз чискав, а өзйис.  
Колө унатор вевъявны мем,  
Медым збыльмөдны ассьым став көсйөм.

Төдса гөлөстө, көканөй, сет.  
Джуджыд пу йывсянь горөдды збоя:  
Көть и некор эг эскывлы тэд,  
Ичөт дырйи моз лыддя ме вояс.

## ПИЛИТИСНЫ ПОЖӨМ

Сывтыръя пожөм ружтовкерис дойссыс,  
Лым пиö усис — быттьö водіс гортъяс.

Кытш бөрся кытш со сылөн вундасінас —  
Кыдз быттьö мортолөн сөстөм восьса синъяс.

Зэв жаль мен вöлі сё арöса пуыс,  
Код менам пöль моз восьса синмөн куліс.

## ӨШКАМӨШКА

Өшкамөшка — быттьö зарни подков —  
Енэжа-му костас дорис кодкө.

Өтар помыс сикт горувса юын,  
Котөртла тшөтш сөстөм васö юны.

Сылөн рөмысь ва веркөсыс банйис,  
Часлы тані мыська чужөмбанös.

Көть и төда — томлун оз лок выльысь,  
Век жö кора өтитор ме сылысь:

— Өшкамөшка, эн жалит мен мичтö,  
Гусьöникөн войт мында көть вичмөд.  
Сэки, гашкө, вöлисьт тырмас вынöй  
Көть нин өтчыд сизим рөмөн сывны.

Сьод кымөр кыптіс асыввывсянь  
 Да өшйис джуджыд пуяс йылө.  
 Яг лоис быттьө шоныд пывсян,  
 Көн вөрлөн корөсясьом кылө.

Вель дыр нин пукала коз улын,  
 А зэрыс оз и думайт кобны.  
 И орччөн сьökыд пестер куйлө,  
 Көн чукийөн кисьмөм чөд и, гоб и.

...Зэв сөстөм лои вөрса сынөд  
 И шаньмө сьөлөм чөскыд көрсьыс,  
 Öд яглысь лов шысө и вынсө  
 Тшөтш гортө содтөд нуа сьөрысь.

## ДЗОРМЫСЬ САД

Шонді мыччысьлө зэв шоча,  
 Югөр лёдзьясөн оз кой.  
 Пожөм вылысь менам содзө  
 Киссьө коль, кызд синва войт.

Прөщайтчыны гожөмыскөд  
 Сылы, буракө, зэв жаль.  
 Регыд тубыртас ёсь лысьяс  
 Лымйысь кыөм небыд шаль.

Улөдз лэччө сьökыд кымөр —  
 Енэжыслөн пашкыр тош.  
 Көдзыд төв ныр улын сырмө  
 Öйысь корья кызд пу вож.

Татчö, быттьö полысь попö,  
Дзебсясигтыр локтö ар.  
Сэсса уна еджыд бобув  
Ваяс аскöдыс октябр.

Садным рыгнас вöлі рыжöй,  
Асывнас нин сійö дзор...  
Аслад арлыдысь он пышйы,  
Арся сад моз дзормö морт.

### **1987 ВОСЯ ЯНВАР 11 ЛУН**

Дзуртысь тюпеня шычкиртö войпель,  
Пашляк лыйсьöмысь сыркмунолö сикт.  
Коклябөрöдыс гыөрзьöм тополь  
Беддя косіник дедö кодь дзик.

Коми войпельыс збыльысь тай дурмис,  
Быттьö юöма кодздöдан морс.  
Весиг йөлöга шöвк бöжа ур моз  
Корсьö дзебсянін — пожöм пу горс.

Весиг, тödöмысь, ош төвъян жыръяс  
Ниртö лапанас турдалöм пель.  
Татшöм кöдзыднад ассыс кузь нырсö  
Сöмын оз кынтав дзор Мороз-пöль.

Войвыв саридзсянь пöлясьö тöлыс,  
Лэбач гөлöс оз некутшöм кыв.  
Гортö öшинь пыр вöзйысьö тöлысь,  
Мед эз кынмы сэн карнана ныв.

## ЧУЖАН МУ ЙЫЛЫСЬ КЫВ

Лымйысь платтё — кок улөдзыд төлын,  
Тулысын тэ — дзоридзьяса му.  
Гожся войё сьылё югыд чөвлун.  
Рудов чышгьян кышö арся лун.

Тöлысь гуга, шондi бана нылөн,  
Коми муой, тэнö шуа вай...  
Нормö тай и менам сьыланкылöй:  
Бырö тэын звер-пöткалы рай.

Öтка конда дзуртö керас шöрын,  
Быгтё увгö внукуыс вылö дед.  
Ветлö сэнi нор гөлöса төвру,  
Быгтё ачыс бөрдö кушмөм эрд.

Оз сэн кывлы увтыштöмыс понлөн,  
Руч ни тулан, дозмөр сэн оз ов.  
Шуштöм ягö төвруыскöд волö  
Сё восайса вöралысьлөн лов.

Морт гөлөсөн сийö быгтё корö,  
Ми коддьöммысь корö öтитор:  
«Ныв-пиыдлы кольöй, дона ёртгяс,  
Сьöла-тарлысь мусукасян гор!»

## ПЕЛЫСЬ

Пөжөм йөв кень рөма вөлі луныс,  
Кисьмөм вотос көрөн өвтіс муыс,  
Кодыр вайи тэнө арся вөрысь  
Моровоо, керкадорса йөрө.

Садиті да — гөгйөдз на и вөлін,  
Пушыд лымйыс тупкис тэнө төлын.  
Парма-мамыд кынмалөмысь видзис,  
Шоныд зэр тэн тулысылон вичмис.

Шонді югөр кояліс тэн гожөм,  
Медым быдмин уна розья вожөн.  
Воис кад — и лоин өшинь улын  
Зарни молля верстыө пелысь пуөн.

Кор мен долыд — сэк тэ кыа рөма,  
Артмас кывбур — сэки шонді рөма,  
Кор мен йирмөг — сэк тэ бипур рөма,  
Кодыр шог мен — сэк тэ рана рөма.

Гөгөрвоам тэкөд өта-мөдөс,  
Кыкнанным өд коми парма рөдысь.  
Югыд рөмтө коркө...коркө нуа  
Аслам синмын менө дзебан гуө.

## ГЫМ

Муыслысь кыла ме нораа ружтөмсө,  
Быттьөкө кыз муө дзебөны кодөскө...  
Гымалө гораа, гымалө шуштөма,  
Быттьөкө горт вевтас му көмөк колскөдө.

## МӖДАР ЮГЫД

Занавессӧ восьтіс войся енэж,  
Кулӧмъяслӧн сэн пӧ оланіныс...  
Куньтырасьысь кодзувъясыс сэні  
Кулӧм йӧзлӧн быттӧ ловъя синъяс.

## ДОН ТЫ ДОРЫН

Ӗнӧдз понита бура:  
Кливзіс Дон нюрын тури.  
Гашкӧ-й, ас ногыс сьыліс,  
Но мен бӧрдӧм шы кыліс.

Водзын пӧртмасис-ӧзйис  
Паськыд Дон тыыс лӧзӧн.  
Сэтчань шлывгисны юсьяс  
Кыськӧ ылі йӧз муысь.

Ловъя серпасыс тайӧ  
Меын ӧнӧдз эз ваймы.  
Буретш первойысь сэтӧн  
Ачым лолі поэтӧн.

Кор ме велӧдчи Донын,  
Колис ок уна во нин...  
Сӧмын турилӧн гӧлӧс  
Ӗнӧдз нормӧдлӧ сьӧлӧм.

## ТӨЛЫСЬ

1.

Кельыд биа төвся вой...  
Енэжодыс төлысь кывтö —  
Быттьö дöва чужом вывті  
Кывтö кодзыд синва войт.

2.

Эн пет войпукны тарыт, ныланöй.  
Аддзан, төлысь джын сöмын чусалö.  
Сэк пö нывбаба аддзö мусасö,  
Гöгрöс төлысь кор югзö ывлаын.

3.

Пожом пу, кияссö кыз пулань мыччиг,  
Щукин моз сьылігтыр кывбуръяс лыддö.  
Кусыня төлысьлань судзöдчö кыддзыс,  
Юрас мед пуктыны гребенка пыдди.

4.

Рытгорув енэжыс — быгалом шаль.  
Ойбыртөм вөр весьтö төлысьыс öшйис —  
Енмыслөн морöсын быттьökö öзйис  
Бронзаысь кисьтөм медаль.

5.

Рыгыс лым пиö келöма  
Төлысь югөрөн мыссьыны.  
А ме шурөдчысь корөсьөн  
Лэчча пывсянö пывсьыны.

Йизьом енэжыс лоома вильыд:  
 Усьо кодзув то сэні, то тани.  
 Тöлысь гыөртөм синьяссö тильö,  
 Утка туй\* кузя локтö мем паныд.

Эзысь конькиа — енэжсö юждö,  
 Кодзув котырсö кокниа ордйö...  
 Ывла кöдзыдыс чöсöдö чужöм,  
 Пыра шоныдөн оналысь гортö.

Пукся гижны ме гижтöм на книга,  
 Лэпта вылөджык лампаысь петель.  
 Ачым öнi судья и защитник,  
 Öшиньсайса сэзь войыс — свидетель.

## ИЮНЬ 29 ЛУН ДИНО КЫВ

О, чужан лун! Ло ньöжмыдджыкөн туйын.  
 Тэ кымын тэрыб, сьөлөм сымын нор.  
 Кыдз тувсов Эжва — сы моз кöсья туны  
 И паськыдджыка шевкнитлыны борд.

Мед рөднöй мулысь сьөлөм тiпкөм кылi  
 И олом гысьыс бөрö ме эг коль.  
 Мед вөр-ваыскöд öти хорын сьылi  
 Да менсьым гөлос кылiс яг и ёль.

О, чужан лун! Тэ туйын сувтовкерлы,  
 Со мыйта дзоридз — манитчышт вай сэн.

---

\* Утка туй — Млечный путь.

Öд арлыд пиам вель нин пыдö келі,  
А пöрысьлуныс оз ков мен ни тэн.

А мыйöн восьтан менсьым керка öдзöс,  
Мен медся дона козинсö тэ сет —  
Содз тырнад мыччы енэжлысь лöz сöдзсö  
Да Эжва бокса дзоридзысь букет.

Вöч сідз, мед кыліс йöзлөн шуда серам,  
Эз куслы мед на сьölöмысь любов,  
Эз тыртöммыв мед кага чужтан керка,  
А сэсса ловлы унджыкыс оз ков.

## АСЛЫМ

Дерт, олöмыслысь öд он тывйышт ни он кут,  
А овны колö сідз, мед лунъяссö тэ ордын.  
Морт кийн ыджыд власьт — ас киад аслад шуд,  
Тэ восьлав сöмын сідз,  
эз нитшсяв мед ас ордым.

Öд весиг сімö ёль, кор воштö ассьыс туй,  
Сэк ковтöм сылөн ва:

он веськöд горш ни нинöм.

Тэ олөм гысьыс эн, эн некор бокö уй,

Тэ — морт, а абу гыч, код олö нюйтаинн.

## **БОБӨНЯНЯ МУ**

Енэжыс зэв сөдз, сэн абу кымөр чир,  
Быттьö мамö пожъялöма сийöс.  
Дзоридз вылысь мелі шонді дзирд  
Чукөртöны мудзлытөм скөр зияс.

Эжва бокса бобөняня му  
Быттьö мойдса сера пызан дөра.  
Ма дуксö тась содзнад гумлав-ю,  
Пось нянь пыдди шондисö көть шөрав.

Бать-мамөйлөн му водзын ме дась  
Гижысьөн и гөрысьөн пыр лоны,  
Ен водзын моз чөвтны пернапас  
И нэм помөдз сылөн төждөн овны.

## **ПЫВСЯН**

Из горъя пывсян — быттьökö медпункт:  
Сэн вир-яй шонтан, босьтан крепыд ун.  
Эм небыд корось — аслыссяма врач,  
И сыөн асьтö шөтан швич да швач.

Веж парма-вөрөн өвтö корось кор,  
Кос жарөн ыпйö ваөн койөм гор.  
И лысьөм небзьö лекарствотөг тан —  
Ок, лосьыд жö нин тан, ерөмакань!

\* \* \*

Юлань нывкөсөн пласьт куйлө видз,  
Көні гажмылан коддзөдан суртөг.  
Кокни паськөма аньяслысь мич  
Азым синьясөн сьөлөмө курта.

Нывлөн көса моз гы бөрся гы  
Визьөн куйлөны кос турун лөдзьяс.  
Гөгөр пельястө чунөдан шы,  
Вөр-ва югьялө яр шонді водзас.

Эстөн чөвтысьяс. Кывлө ёсь мат.  
Яра гөрдлөны юр кыскысь вөвьяс.  
Зорөд пиньясыс, со, вит-ө-квайт,  
Быттьө морөсө сатшкысьөм ньөвьяс.

Ывла ымралө. Енэжыс сөдз.  
Ставөн видз вылын — верстьö и томьяс.  
Кильчө пос вылас пукалө пөч,  
Шонді югөрсө няклялө вомас.

# ЙӖЛАКӖДЖЫН

Воча вок

Васька Миш Ёгорлы

Куим лун нин — абу полысь —  
ВӖр керкаын ола.  
СӖмын тані — карса олысь —  
Парма пиӖн лола.

Вота ельдӖг гажа ягас  
ЛибӖ тыын кыйся.  
Чечча сэк, кор унзіль асыв  
ЛысваӖн на мыссьӖ.

Чорыд вольпась вылас ланьтлам  
ВойыскӖд ми кыкӖн.  
Узыны эськӖ, ерӖмакань,  
Тані небыд нывкӖд!

ЙӖолакӖджӖн шусьӖ тыыс,  
Бура шедӖ чери.  
Рыгьявылыс бипур шыас  
Куритчигмоз кера.

ПӖртйӖ пукта сир да пӖддяз,  
Пуа чӖскыд юква.  
КӖть и лунтыр нокся-жӖдза,  
Ки-кокӖй оз юкав.

Войся руыс вӖр-ва весьтӖ  
КыськӖ кунь-кань локтіс.  
Кокни шебрас улӖ дзевсис  
ТылӖн букыш отыс.

Свякйö би кинь бöрся би кинь,  
Трачкöдчö кос конда.  
Ачыс арыс бипур дорын  
Чужöмбансö шонтö.

\* \* \*

Овлö кывбур — то кыпыд, то нор,  
Кöни олöмыс син водзад сувтö.  
Пукся кывбуръяс гижны ме кор,  
Тшöтш и понйöй сэк рифмаөн увтö.

Быд эпохалөн аслас поэт.  
Кутшöм олöмыс, сэтшöм и кывбур.  
Öни гижысьыд уна, и, дерт,  
Кодкö — бипур, а кодкö и — шырби.

Быд районуын эм уна поэт,  
Оз сюр весигтö сы мында шырсьысь,  
Кöть и гижан удж мортöс оз верд,  
Синсьыд би петмөн лун-вой кöть мырсьы.

Гижан удж — сйö зэв сьöкыд удж,  
Кöть и сыысь, дерт, кыд оз гаддясь.  
Шуда сйö, код гижны оз куж,  
Коді челядылы вöчалö дадыяс.

Джуджыд кывбурыд вөрзьöдö лов,  
«Коми ань» сьылан оз чусмы нэмсö.  
Коркö чужас-ö выль Ген. Юшков —  
Тöдö та йылысь öтнасөн Енмыс.

## КОДИ МЕ?

Вөвлі нация — комиён шусис,  
Тагья сурусь эз воштывлы садьсö.  
Кыйсиг-вöраліг банькаын узьліс,  
Некор весьшөрö эз лотлы кадсö.

Весиг шунысö оз кыпты лолöй:  
Юан висьöмөн коми сикт висьмис.  
Джынсьыс унджык көн коми морт оло  
Колис Куломдін, Кörtкерöс, Изьва.

Чинö вужвойтыр, чужан кыв бырö,  
Коми бать-мамлөн ныв-пиыс рочмö.  
Татшöм дивöыс нюжалас дыр-ö?  
Лоö сёр, кодыр вежөрөн очмам.

Карад рочасьö пöрысь и, том и,  
Найдик понйöй и, суседлөн каньыс...  
Пашпорт серти ме абу нин коми,  
Пашпорт серти кө, ме — россиянин.

## ÖШИНЬ УВ ЙÖРЫН

«Василей» гаж быттьö öшинь ув йöрын:  
Ливкйöдлö пышкай и чиркъялö чирк.  
Дзоридзьяс öвтöны чöскыд ма көрөн,  
Öшиньын пöртмасьö яр шондi дзирд.

Вежöдысь туруна луг саяс, эстөн,  
Эзысьён лöсталö Эжвалөн от.  
Коддзöдан сынöдсьыс ас чужан грездын  
Водкатöг, «Троятöг» пöt ме и код.

Петук кодъ збодер ме өшинь ув йöрын,  
Гажысла сьöлөмöй рифмаөн тыр.  
Велöдча олөмсö перöөн гөрны,  
Велöдча йөз синмö видзöдигтыр.

Шоныда, югыда шондiыс лэччö,  
Дзормыштöм кымöрыс — пöльöлөн тош.  
Шондiыс петгöдз, лöз тöдчигөн чечча,  
Ывла выв лöзнас мед веськöдны горш.

\* \* \*

Алöй дөрöма асылыс лөнъ,  
Садьмөм кага моз сингьяссö тильö.  
Сöмын Джеджимью — пармалөн вөнъ —  
Баддя береггьяс костöдыс зильгö.

Мамлөн партук кодъ енэжыс лöз,  
Лысва дзирдгьяса туруна эрдыс,  
Кöни асывсö рөмидзтысь мöс  
Чукля сюр пырыс нёньюдö-вердö.

Көнкö ылын зэв көкышглö көк,  
Пыр мен этшаджык лыддьöдлö вояс.  
Жаль, но мортыдлөн сэтшөм нин рök:  
Бытён воасны югдывтöм вояс.

Зарни синлыска пуксьö на лун,  
Вайö Эскөм и Лача, и Муслун.  
Шоньд войыскöд воштiм ми ун.  
Рыггья кыаыс эз быггтьö-й куслы.

Кушмö ныр улысь чернила доз,  
А ме чигарка öтарö песта...

Ассым выль кывбур кагаос моз  
Тэныд, чужан му, моздорысь сета.

## **КЫЗЬ ÖТИÖД НЭМ**

Мороз-пöльöным ыджыд вын-эбöса,  
Пöся чеплялö ки-кок и ныр.  
Тöвся лунъясыс кыккокйыв лэбöны  
Кызьöд нэмыскöд панласигтыр.

Кызьöд нэм! Мый жö колян тэ йöзыслы?  
Коммунизмсыд со колис тшын-бус.  
А öд пöль-пöчным, бать-мамным öзйисны,  
Медым шудаөн век вöлі Русь.

Öнöдз көнсюрö мунöны войнаяс,  
Кылö гым шысö тшöтш Коми край.  
Гашкö, Енмыс на видзис да сы вöсна  
Земля-матиыс тшынйыв эз кай.

Енмыс сетас мед, — шуа ме вомтырөн, —  
Нянь да сов, би и ва тэн и мем.

Пуксысь Выль воөн, пармаса войтырöй!  
Видза олан, Кызь öтиöд нэм!

## СЛӨТИТӨ ЫВЛАЫС

Слөтитө ывлаыс. Ыджыд пач ломті.  
Видзөда, кыдзи сэн трачкөдчө пес...  
Сиктаным кок шытөг арся рыт локтіс.  
Бара на лун колис. Колис эз весь.

Клювзігтыр шывгисны төвйыны юсьяс,  
Прөщайтчан сьыланныс шыалис нор.  
Весигтө синваой төддытөг усис,  
Юр весьтти лэбачьяс лэбисны кор.

Юралысь юсьяс — нач Васька Лодыгин —  
Босьталө сьыланлысь кывьяс и глас.  
Төдсаыс кельөбас нөшта на кыкөн —  
Клювзөны кык композитор, кык Вась.

Тадзи жө юсьяс моз мунлі ме гортысь,  
Мунлі сьөд юрсиа, вои со — дзор.  
Гашкө и юсьясыс сы вөсна дзорось —  
Лолө со зновтны сө муса горт.

Гортын ме збыльвылө лола поэтөн,  
Пармаён, Эжваён лола ме тан.  
Бать пыдди, чужан сикт, кутыштла тэнө,  
Мам пыдди окышта пөрысьмөм бан.

...Вальмасы паччөрын, вуграла кань моз,  
Пельпомөн пемыдсө йөткала дыр.  
Думьясөй личкөны... Коркө и ланьта  
Войыслысь вом дорсө окалігтыр.

## ОЗЫРЛУН

### 1.

Озыр миян Коми муным  
Нефтьөн, из шомён и газён,  
Лөня шывгысь Эжва юён,  
Сыылысь лэбачьяслён гажён.

Озыр миян Коми муным  
Помтём енэжлён лөз мичён,  
Тшакён, чөдлачён и пувйён,  
Маён өвтысь шыльыд виддзён.

Озыр миян Коми муным  
Зарни киа востер йөзён,  
Гөтырпулён долыд нюмён,  
Льөмйён, өмидзён и озйён.

Озыр миян Коми муным  
Быг кодь еджыд небыд лымйён,  
Тундрашөрса шоныд чумйён,  
Ылөдз юргысь сыланкывйён.

Лышкыд овлө миян парма  
Көчён, туланён и урён.  
Шувгысь вöрыс — кыпыд, варов,  
Сöмын сёрнит ськөд бурён.

Уна миян озырлунным, —  
Ог кут лыддьöдлыны ставсö.  
Жаль, но озыр тшöтш ас муным  
Өнөдз дзормысь дөваясөн.

2.

Тöлын озыр ме лымъя эрдъясөн,  
Кöнi рытгорув кöин омлявлö.  
Нимкодъ сьöлöмлы, кодыр керкаын  
Пескөн ломтан да пачыд онялö.

Югыд шондiөн озыр тулысын,  
Кодыр пос помöдз ойдлö ытваыс,  
Кодыр окота пöся кутлыны  
Дзоридз вом дора сьылысь рыгъяссö.

Гыма зэръясөн озыр гожöмнас,  
Кодыр сыркмуналö ловъя вөр-ваыс,  
Кодыр чардбиыс уна вожъясөн  
Пемыд енэжсö вундö-шöралö.

Тшакөн-вотöсөн арнас озыр ме,  
Абу скуп миян войвыв парманым.  
Сэсся вой тöлыс аслас моздорын  
Ваяс шлякасö кыськö бара на.

Талун озыр ме коми кывнаным,  
Кодөн сёрнитлис пöльлөн пöльыс на...  
Нöшта ошйыся ставлы кывмөнъя:  
Тшöтш и озыр ме аслам гöльлунон.

## **ВОДЗÖ КЕЖЛÖ**

Ок-ок-ок! Коркö кулан кад воас...  
Дзормö юрси — нач пужъялö сад.  
Он и тöдлы, кыз лэбасны вояс,  
Локтас тöдлытöг син кунян кад.

Мыськӱй Джеджимъю ваӱн кор кула,  
Чужтӱм кӱйдыс кодъ медым эг ло.  
Мича веж лудсӱ вольсалӱй улам,  
Мӱдар югыдас радӱс мед лов.

Ловъя дзоридзӱн шебрӱдӱй менӱ,  
Чӱскыд дукъяссӱ исалӱ мед.  
Съылӱй молитва, тшӱктӱ кыз Енмыс,  
Вӱчӱй Ен нога лӱсьыдик крест.

Кора суйыштны юр улӱ кодзув,  
Медым югзьӱдӱс мен ывла сер.  
Шондӱ югӱрсӱ койыштӱй соддзӱн,  
Кулӱм съӱлӱмӱй эз ло мед нэр.

Дзебӱй Джеджимӱ, суас кор рӱкыс,  
Джуджыд нӱрысын шойнаыс сэн.  
Прӱстит, ёрт, тэнад петӱс кӱ лӱгыд,  
А став грексыс мед прӱститас Ен.

Талун съӱлӱмӱн ог на ме усь:  
Водзын олӱмӱй ой-ёй на кузь.

## **ВОШӱМА УН**

Песся вольпасын. Вошӱма ун.  
Помӱдз сотчис нин медбӱръя сиськӱй.  
Собӱ лым питӱ матысмысь лун.  
Лыйсьӱ пашлякыс — сыркмуналӱ сиктӱй.

Чуньӱн тӱльшта мудзыштӱм син,  
Кызди потанын тӱльшталӱ кага.  
Менам потанӱй со — чужанӱн:  
Косъмӱм юяс да кералӱм ягъяс.

Чечча вольпасысь. Төвся вой — кузь.  
Көтшас өшиньысь занавес восьта.  
Гөрба төлысьыс оз на жө узь,  
Быттьö кодзувсö енэжсьыс вотö.

Тонö йөраным выль керка сруб,  
Öти пельöс ме ачым тшöтш лöсийи.  
Öнi абу тан пошта ни клуб,  
Пеша вор дорö колины йöзыс.

Тонö чеп йылын омьялö пон —  
Митрей Ёгорлөн вөралан ёртыс.  
Öтнас туй кузя дзурликтö зон,  
Абу нылыс, мед кольöдны гортас.

Коркö кыпгъявлiс гажлуныс тан  
Пенö Яковлөн гудök шы улын.  
Öнöдз син водзын — мичаник, шань,  
Менам паметьын олысь том муслун.

Бөрö колины во бөрся во,  
Чужан сиктсалы эг ло ме зятьён.  
Но и лёк мортөн, чайта, эг ло,  
Джеджим пармаöй, таысь тэн аттьö!

Быттьö жугалём важ часi кыв,  
Öшинь дорын ме сулала шога.  
Кад нин помавны нор сьыланкыв.  
Кад нин вольпасьö — кынмисны кокъяс.

## ДЖЕДЖИМ

*Сикт весьтти Важ Эжвасö  
ныръялöмаöсь пурта тракторöн,  
мег вöчны сэтчö Шөръяг вөрпунктлы  
улыс склад. Юсö тшыкөгöмаöсь,  
а вöрсö абу и вайлöмаöсь.*

Воймöm стенъяса, пöрысьмöm сиктöй,  
Дзоля дырйи кодь век на тэ муса.  
Аслад пиыдлы мыччы вай китö,  
Тэнад сывйын мед коркö и куса.

Уна во тэнö аддзывлі вötön,  
Öнi синъясөн малыштны верма.  
Кöть и челядьдыр эз вöвлы пötön,  
Сэки юргыліс гажлун и серам.

Öнi тшötшъяяс ме моз жö дзорöсь,  
Кодкö юсьöма, кулöма кодкö...  
Часлы, лэччыла Важ Эжва дорöдз,  
Ваньö воккöд көн вуграсьлім коркö.

Аддзи серпассö – шемöсö уси,  
Эг куж виччысьны ме татшöмторсö:  
Кыгчö вошöма Важ Эжва юыс,  
Коді вердліс да юктавліс мортöс?

Со тай сыв пасьта кольöма сійö,  
Öдва лыбан нин пелыса пыжөн...  
Косьтам вужнымöс асланым киön,  
Ок и ёна жö тöлк-сямтöг ышмим!

Пуджи гач кокöс. Ю вомön келі.  
Мамöй ытшкывліс тан, мöдлапöлас.  
Öнöдз син водзын: косасö кеслö,  
Быттьö кыла тшötш мамöлысь гölös.

Эстчö кыз пуа томиник раскас  
Пöчкöд воывлі чегъявны корöсь.  
Гоб да иванчик корсявлі ягас,  
Юмов оз тусьяс öктывлі борсьыс.

Талун ачым ме челядь кодь бара,  
Челядь сингьясөн аддза ме сиктöс,  
Кöть и тырта нин квайтымын арöс  
Иван Насталөн медічöt пиыс.

Рыгыс вежöдöм туруна, шоныд,  
Небыд төврулы восьлала воча.  
Ылын вөр йылас öшалö шонді —  
Быгтьö кывбурам медбөръя точка.

\* \* \*

Югыд войыс быгтьö югыд вöt,  
Восьса синмөн тувсов войыс лэбö.  
Кутшöм лоö аскиыс — ог тöд:  
Локтысь луныс лыддытöм на небöг.

Мусö, гашкö, мыськас шоныд зэр,  
Гашкö, лунтыр кутас пöжны шонді.  
Аски асыв босьта пила-чер,  
Муна песла — кражъяла кос конда.

Öдзöс вугйö коля карнан-тас,  
Окота мен коми руөн овны.  
Сиктса войтыр ставныс меным ас,  
Напалков — став войтырыслөн овным.

Тані менам пöль-пöчөлөн вуж,  
Гожöм шöрын ачым тані чужлі.

Кыйны-вины сиктад кө он куж,  
Кутшөм нө тэ, сё лешакө, мужик.

Лун сьомөснас дзижалышта пыж,  
Важ Эжваысь ботайтышта чери.  
Посьодлас на уджыс менсьым мыш,  
Шуся көть поэт-пенсионерөн.

Рытгоровнас ломта пывсян пач,  
Лөдсала, мед лоө чөскыд жара.  
Корөсяся мудзтөдз швуч да швач,  
Жөник морт кодь лола сэки бара.  
...Мыйлакө оз кыскы менө карө?

\* \* \*

Кыдзи-й сьод няньысь, некор  
Чужан кывйысь ог умлы.  
Вердөм-удөмсьыд, аттьө,  
Копыр тэд, Коми мулы.

Тэнсьыд сынөдтө, парма,  
Кувтөдз юны ме кута.  
Тэнсьыд гыястө, Эжва,  
Строка костьясө пукта.

Енлөн куслытөм сиськыс —  
Югыд шондыс — öзйө,  
Вылын тювъялысь чикыш  
Сійос кокыштны көсйө.

Сылысь лэбачлысь, майбыр,  
Оз зырт олөмыс муссө.  
Көтшас лабичын каньным  
Мургө-шыльөдө уссө.

Век жö, сьöлöмын неджöг:  
Воштим аскиö лача.  
Миян грезданым олöм  
Талун дöмаса гача.

Быгтьö чоталöм вöвъяс,  
Водзö воськовным абу.  
Кага чужтöмысь полö  
Öнi том коми баба.

Лолö деливö сэки,  
Кодыр юксьö том гозъя,  
Кывбур пыдди кор лыддя  
Лёка рифмуйтöм проза.

Век жö, радейта олöм,  
Ассьым чöс туй и банька.  
Сöмын мустöмта мортöс,  
Кодi кык бана шаньга.

\* \* \*

Сьыланкывйыд енэжас мед качис,  
Вурунöс моз строкаестö лет.  
Сьылис весиг медым Енмыс ачыс, —  
Татшöм кывбур гиж меным, поэт.

Кышöдчисны сэни мед веж коръяс,  
Льöм дзоридзөн öвтис сэсянь мед,  
Сьялыгисны мед сэни варов шоръяс, —  
Татшöм кывбур гиж меным, поэт.

Юралис мед сэни енкай гөлöс,  
Шог-печальыс йöзлөн кылис мед,

Мортлөн моз мед тіпкис сәні сьөлөм, —  
Татшөм кывбур гиж меным, поэт.

Кывбурсяньыд өвтіс медем шоныд,  
Шоныдлунтө ассыд сылы сет.

Көдзыд дырйи оз кө менө шонты —  
Сэтшөм кывбур эн гиж мен, поэт.

\* \* \*

Кыккокийыв котөргысь вөв моз  
Тэрыба лэбөны вояс.

Господьой-енмөй, со бара,  
Бара нин чужан лун воис.

Гожъялөм чужөма гожөм  
Шонділысь югөръяс путшкө.

Гыөрысь арлыдөй кыө  
Эзысьөн дзирдалысь юркытш.

Ог көсйи чери моз лөня  
Енэжа-му костас овны.

Көсья ме медбөръя здукөдз  
Коса кодь лэчыдөн лоны.

Өтарө кытчөкө муна,  
Сьөлөмөй кытчөкө кыскө.

Кузь туйын абу ме өтнам —  
Котөргам сьөлөмкөд кыкөн.

Суөда лунсө и войсө,  
Котөрта, усьла и чечча.

Весигтө вуджөрөй мудзис,  
Колис туй чукыяс эстчө...

## О, ЕНМӨЙ!..

Ой, кутшөм дженьыд мортлөн олөм...

Быд мортлөн аслыс пөлөс рөк.

Ог кужой овны кокни лолөн

Да пыр на вочам уна грек.

Ог көрит ассыым олан туйос,

Коть уна шыбөль вөвлі сэн.

Пыр радейті ме чужан муос,

Ог пөрьясь — аддзө-кылө Ен.

И восьлала ме Кадкөд орччөн

Да сиа сылы сьыланкыв.

Коть гортын сёрнита ме рочөн,

Медмуса кывйыс — коми кыв.

Эг копрасьлы ме чинъяс водзын,

Дай копрасьнысө ог на-й куж.

Код дойдас менө — мынта водзос,

Өд мужичойөн весь эг чуж.

Ме көсья овны бур йөз кытшын,

Дай ачым абу на дзык руй.

Мед эськө менам морос пытшкын

Зэв дыр на сьялгис Джеджимью.

Мед кывтыдпомса паськыд эрдын

Скөр петшөр чишкавліс на кок.

Важ Эжва бокса чужан грездө

Ме кувны, ёртъяс, эг на лок.

Ен-образ водзө талун сувта

Дзор Джеджим грездса дзор поэт.

О, Енмөй! Кутшөм на ме шуда:

Ас синмөн аддза вольной сьвет.

## ВОЙПЕЛЬ

Войпельыс шутьяля — омьялӧ турӧб,  
Ывлаас син ни пель — петны оз позь.  
Гартласысь тӧвнырыс быттӧкӧ дурпоп,  
Став ловъя лолыскӧд нуӧдӧ кось.

Весиг дзор тӧлысьсӧ Войпельыд толтис,  
Сиктаным йӧрмис и мунны оз письт,  
Син водзысь сайӧдӧс енэжлысь отсӧ,  
Коскӧдзыс лым пиӧ вӧйтчӧдӧс сикт.

Атшалис тӧвнырыд, кок йывсьыс усис,  
Дзедбисис лым толаӧ веськӧдны ун...  
Мыйлакӧ менам тай сӧмын оз узьсьы:  
Мый бара-й ваяс мен аскиа лун?

Шуда-ӧ, шудтӧм-ӧ аскиа луныс?  
Водзвывтӧ та йылысь нинӧм он тӧд.  
Кодлыкӧ, гашкӧ и, шуӧма кувны,  
Кодлыкӧ гӧтрасьны — паськӧдны рӧд.

Гудыр кӧть олӧмыс, ог вошты лача,  
Виччыся сьӧлӧмӧс ышӧдантор.  
Донын и Джеджимын, Мысын и Парчын  
Вылӧдз на кыпалас шань коми морт.

Паськӧдӧс сывбордсӧ войся лӧнь лӧзыс,  
Тӧлысьыс — Зарни ань морӧсын кизь.  
Пасибӧ Енмыслы — югыда ӧзтис  
Енэж тыр пӧртмасьысь лӧз биа сись.

## ЛЕЛЬКУЙТЛІМ НЫЛӖС МОЗ

*(Сиктса трактористлӗн шогалӗм)*

«Тувсов лун — во вердӗ», —  
Шулӗма крестьянин, —  
«Кӗдза кӗ он эндӗд —  
Во чӗж олан няньӗн».

Сы вӗсна и ньылӗм  
Кисьтлім эгӗ скупа,  
Лелькуйтлім кыз нылӗс —  
Муӗс, мед эз дубав.

Асья кыа петӗ —  
Ми нин муяс шӗрын.  
Пажын сьӗрысь ветлӗ —  
Ульӗв да нянь шӗрӗм.

Рыгья шондӗ бердас —  
Шабашитам вӗлись.  
Дзоридзьяса эрдас  
Шойччылім бур пӗтысь.

Шудӗн тырліс сьӗлӗм,  
Восьласным кӗть дыгыд.  
Вылын ситеч дӗрӗм  
Соласьӗма, быгыд.

Локны гортад любӗ,  
Виччысьӗны танӗ  
Гӗтыръясным: Люба,  
Вера либӗ Анна.

Дзигӗдасны голи  
Шег кодь посни челядь:

Быдөн мыйкө дольö,  
Вашкөдö нин пеляд.

Пось тшай юны эштам  
Сьылысь самöварысь.  
Мöвпавлім ас кежын:  
Кутшöм лоö арыс?

Рудзöг пызя шаньга,  
Майбыр, эз вöв кыдья.  
Кыпыда и шаня  
Уджын зілис быдөн.

Муыс быттö сетіс  
Миянлы ён чужва:  
Кыдзи-й тувсов петас —  
Вöвлім пыді вужъя.

Та вöсна и вынным  
Морöс чукйөн пуис.  
Лунысь лунö шудным  
Ытва моз жö туис.

...Олём дзугсьöм бöрын  
Ставөн воим пикö.  
Меным кө он эскöй —  
Волöй миян сиктö!

## ЭНДӨМ МУ

*Лидия Ивановна Иванченковы,  
Кулөмгінса агроном-ветеранлы*

Сэки эз төдлы шойччөг ни мудзөм,  
Радліс сьөлөмыс ныв-агрономлөн,  
Кодыр му вылын шептасьліс рудзөг,  
Кодыр тулыс моз дзордзавліс томлун.

Бордья кымөр моз кывтісны вояс..  
Пөдтіс ёг турун муяс да видзьяс.  
Мисьтөм чужөма кад кыськө воис,  
Сиктсьыд оз нин сюр китыр сю идзас.

Кылө, төдөмысь, өтнасөн Енмыс,  
Кыдзи шогысла эндөм му бөрдө.  
Рудзөг за кодь жө косіник сэні  
Кокнас лысвасө нывбаба көвтө.

Паськыд ыб вывсө кытшовтіс синнас,  
Бөрдіс-ливкйөдліс юр весьтас пышкой.  
Аньыд лысвасө малыштіс кинас —  
Быттьө муыслысь синвасө чышкіс.

## ЮЛӨН ВИСЬТАСЬӨМ

Пармалөн сьөлөмсянь писькөдча ме,  
Бөрвылө кольёны нэм бөрся нэм.

Коркө ме вөвлі мича да том,  
Козьнавлі тіянлы сой кыза ком.

Мыш вылысь помнита мельнича пруд,  
Ид тусьтө изывлі уна сюрс пуд.

Вердлі да юктавлі, сетлі ме нур,  
Водзөссө эг босьтлы ни өти ур.

Берегын шувгыліс дозмөра яг,  
Кытөні юр выв тыр вотос и тшак.

Ытванам нёньюдлі пуяслысь вуж,  
Во гөгөр парма-вөр эз вөвлі руш.

Мыссьөдлі сөдз ванам йөра и ош,  
Туйдөдлі кыйсьысьөс, медым эз вош.

Коми кыв вөвлі мен медмуса кыв,  
Комиөн сьывліс мен шань коми ныв.

Окасьлі төврукөд — вөвлі ме збой,  
Гыяснам некодлы эг вөчлы дой.

...Ставыс тай кывтөма, оз нин кат бөр,  
Важөн нин куштисны дозмөра вөр.

Талун ме векнямми, абу нин сөдз,  
Талун ме быттьөкө пөрысьмөм пөч.

Важөн нин меын оз гыбыштлы ком,  
Онө нин чөсмөдлөй ассыныд вом.

Мельнича пруд оз нин берегъяс йит —  
Ёг турун быдмө, көн шептасьліс ид.

Тыртисны морөсөс лөп-ёг да ютш,  
Ляпкалі сыметь, көть келөмөн вудж.

Мыйла нө вөр-васө урөстны ті  
Яндысьтөг лэптаннуд ассъыныд ки?

Талун мен овнысө гажтөм и шог,  
Коркөя шудлунөй мөдысь оз лок.

Синваён бөрда, и гөрддзасьө горш...  
Мед эськө му вывсьыс эг на ме вош!

## **ЧУЖАН МУ**

Ок и уна нин кывбур тэн сиөма,  
Оз нин вынаджык кывъясыс сюравыны.  
Сэксянь ылөдз тэ, Коми му, нималан,  
Корсянь босьтчисны эмбуртө куравны.

Сөмын вужвойтыр, мөд ногөн комияс,  
Потөм вор дорө, коньөръяс, кольёны.  
Коми ныв-пиян, медсясө, томъясыс,  
Өта-мөдыскөд рочөн нин гольгёны.

Коркө вөвлін тэ коляоз вом дора,  
Пиньтөм пөчө моз талун тэ нярмөмыд.  
Коркө веж вөрыс шувгыліс пом ни дор,  
Куштөм пөтка кодь талун со парманым.

Ичөтдырйи на, гачтөг кор котравлі,  
Чужан муөйкөд нэм кежлө сывъяси.  
Талун пармаын ас коми войтырлы  
Сизьда памятник шань коми кывъясысь.

## **НЁЛЬ СТРОКАА МӨВПЪЯС**

### **Йöрын**

Öтка дзоридз тан öзъялис сёрöдз,  
Лолі сы дінын мичаджык, шань.  
Нормис сьöлөмöй: быгаліс дзоридз,  
Быттьö быгаліс жöниктөм ань.

### **Ар**

Помöдз ямис гожся жарыс,  
Кольквиж корйыс пулөн сырмö.  
Кöдзыд биөн сотчысь арсö  
Эн на кусöд, зэра кымөр.

### **Вуджөр**

Тэрыб бордъяснас воробей öвтчö,  
Сильгö-дживöдчö: «Ви-тьö тэ, Ви-тьö!..»  
Аслам вуджөрöй бöрсяным вöтчö  
Быттьö мудзлытөм телохранитель.

### **Еджыд чöвлун**

Еджыд эшкын улын узыö му,  
Пидзöсöдзыс лымйын еджыд кыз пу.  
Еджыд чöвлун. Гөгөр шы ни ру  
Чöв-лөнныслөн йөлöгаысь кындзи.

## **Төвсә дзоридз**

Асъя кӧдзыдыс чеплялӧ ныр,  
Керка пельӧсын войпельыс ружтӧ.  
Ӧшинь стеклӧным дзоридзӧн тыр —  
Войнас Кӧдзыд-пӧль кыӧма пужйысь.

## **ЖАЛЬ ТЭ МЕНЫМ, ЗАРНИ АНЬӦЙ**

Менам нэмӧ (эз на вӧв и важӧн)  
Коми кывъя вӧлі Коми муным,  
Овліс сійӧ аслыснога гажӧн,  
Да и йӧзыс ӧні моз эз юны.

Юргылісны рыгын сьыланкывъяс,  
Гудӧк ланьтліс сӧмын вой шӧр бӧрын.  
Чужан грездса кузь кӧсаа нывъяс  
Пукалӧны ӧнӧдз сьӧлӧм шӧрын.

Сиктса морт сэк оліс мӧскӧн-ыжӧн,  
Россявтӧм на вӧлі кыйсян ордым,  
Кыснасьлі на ачым ветки пыжӧн,  
Войколавлі шоныд вӧр-ва ордын.

Ӧдйӧ лэбис каля бордъя кадыс,  
Ӧвтчис меным Томлун чышгьян помӧн...  
Мыйлакӧ тай дзугсис олан ладыс,  
Быттьӧ сьӧд кань вуджис мир туй вомӧн.

Төвсә сад моз тыртӧммисны сиктгьяс...  
Кералісны ягьясысь ӧн пуяс...  
Ми, поэгьяс, гижим сэки стихгьяс,  
Веськыд, мися, партиялӧн туйыс.

Кыдья роч тэ талун, Коми парма,  
Чужан кывтö вунöдны нин кутін.  
Медся коми карын — Сыктывкарын —  
Весиг понйöй рочöн кутіс увтны.

Талун, Коми, кывсян Му шар пасьта,  
Кыдзи-й кывсьö сетласьысь Мадонна.  
Быдöнлы со вузалöны асьтö,  
Коми йöзлы көть тэ медся дона.

Тэнсьыд вывсьыд пöрччöдöны платтьö,  
Азыма зэв нёнялöны нёнтьö...  
Кöсйысьсьö мен косьöбтыны матьöн,  
Йöлöгаыс кыліс мед ООН-öдз.

Швед, француз, болгарин, итальянеч... —  
Быдöнлы тэ, озыр муöй, колан.  
Сэк жö, коми, регыд колян гачтöг,  
Патерант моз чужан муад олан.

Жаль, мый лоин прöститутка туйö  
Чужан парма — мусаöй да шаньöй.  
Синва петмön жаль тэ, Коми муöй —  
Сёысь мырдöналöм Зарни Аньöй.

# Күслытөм йөлөгә



Тшыгъявлін и кынмавлін көть коркө,  
Дырнад гөлөс тэнад овліс нор көть,  
Рөдинаөй — дона, мича Аньөй,  
Враг водзын эн сувтлы пидзөсчаньөн.

Ыззылісны сотны война биын —  
Дорйисны сэк олөмнас ныв-пиян.  
Босьтчыліс код вины тэнө мечөн,  
Сійө на и чегліс ассъыс вечик.

Некор мед эз потлась енэжтасыс,  
Нюмъялігтыр локтіс мед быд асыв,  
Киас мечөн изйысь сувтіс мамным  
Легендарной Малахов курганын.

Рөдина — тэ мамлөн чужөмбаныс,  
Видзөднысө карта кодъ

код ставнас:

Визйөдлөны сійөс визув юяс,  
Чужан муөн вуджөм сьөкыд туйяс.

Рөдинаөй — Эжва дорса кыдзөй —  
Сьөлөмсяным радейтөмысь кындзи  
Ставсө шөри юкас тэкөд лолөй,  
Ковмас кө — ог жалит ассъым олөм.

Рөдинаөй менам уна рөма:  
Көнкө — шоныд, көнкө — пими көма...  
Рөдинаөй, паськөд вына сывборд,  
Бордъяв тшөтш и парма пилысь кывбур.

Тшыгъявлін и кынмавлін көть коркө,  
Дырнад гөлөс овліс тэнад нор көть,  
Рөдинаөй — дона, мича Аньөй,  
Враг водзын он сувт тэ пидзөсчаньөн.

## ПОРТРЕТ

Снимоквывса мортос  
Видзода ме дыр:  
Посныд мелі сингяс,  
Паськыд, тшотшыд ныр.

Откодлуныс сыход  
Менам уна эм:  
Бытгьо сылысь чужом  
Ляскёмаось мем.

Ачыс ылын, гуын  
Куйло том салдат —  
Менам мамлон верос,  
Менам муса бать.

Шуа: «Батьо, видзод!  
Меню аддан он?  
Быдмис пиыд тэнад,  
Эм нин тэнад монь.

Пыр тэ лоан дона,  
Коть он вочавидз.  
Тэнад овыд, нимыд —  
Менам ов да вич».

## ГЫМНЬӨЛА ЗЭР

Война вылын 28 арӱсӱн усьӱм батьлы —  
Егор Васильевич Напалковлы

Гожся ывлаыс кузь лунтыр пӱжис,  
Рытлань матысмис кымӱр — чим съӱд.  
Кодкӱ енӱжас личӱдӱс вӱжжи —  
Кыліс гымньӱвлӱн котралан ӱд.

Чардби вирдыштылӱ зӱв уна вожӱн,  
Корсьӱ сайӱдӱн быд ловья лов.  
Коркӱ батьӱн на садитлӱм пожӱм  
Некор гымньӱла зӱрысь оз пов.

Кӱть и чардбиыс юковтны вермас,  
Пожӱм сулалӱ веськыд да збой.  
Юас пӱттӱдзыс шоныдик зӱрсӱ,  
Сӱсся ас кежас панас выль мойд.

Гыма кымӱрыс исковтыс чожа.  
Мыссьӱм пуыслӱн мичаммис статья:  
Лӱня сулалӱс пӱсялӱм пожӱм,  
Быттьӱ пывсянысь петӱма бать.

## ВОШЬЫ-СИБӱДЧЫ, БАТЬӱ

Прӱстит, бать, коми пармалӱн пи, —  
Кыйсян пицальыд вевттьысьӱ сӱмӱн.  
Сӱйӱн талун ме ог кый ни ви,  
Коркӱ вӱлі кӱть зӱв стӱча инмӱ.

Прӱстит, бать, Сӱвет мулӱн салдат, —  
Лазтӱ жытникын воз сӱйны пондӱс...

Кымын ылысмö торъялан кад,  
Сымын ёнджыка сьолөмөс ёнтө.

Нитшка чөс туюд ог нин ме кай,  
Зверөн-пөткаён озыр көть өнөдз.  
Вошйы-сибөдчы, батьö! И вай  
Öти көшельысь куритчам пөттөдз.

## **БÖРЪЯЫСЬ ОКЫШТЧИН СЭК**

Шудтөм сэк гожөмыс вөлі:  
Бөръяысь окыштчин сэк...  
Сэксянь тэ, мичаник дөва,  
Верөстө виччысян век.

Сідзи тай артмөма олөм:  
Öтиысь чужлө быд морт.  
Вөтъяснад верөсыд волө  
Видлыны сё муса горт.

Садьман да, шобрөдлө весиг, —  
Мый вөчны — ачыд он төд.  
Синвасор пернапас чөвтан,  
Ок эськө збыльмис кө вөт!

Дөвалөн синъясысь сөдзджык  
Мөдтор эг аддзыв морт нэм.  
Дөвалөн синваысь пөсьджык  
Мыйкө мөй свет вылас эм?!

## ПӨЧӨ

Мед олөмыслөн би кинь эз кус дыр,  
Мед олөм лоис няня-сола пыр,  
Пөч асывъяснас дольліс «Отче наш»,  
И ме тшөтш ськөд чөвтлі пернапас.

Но кевмысьөмсө эз кыв ен ни чөрт,  
Кыв гаддясьмөныд молитва көть лөвт.  
А шогыс вичмис быд керкаө дзик,  
И гусьон бөрдліс мужикъястөм сикт.

Сэк енсянь пөчө корліс синва сор —  
Мед пияныслөн олөм оз жө ор!  
Лөк юөр воис өти бөрся мөд,  
И пөчлы енэж лоліс сьөдсьыс сьөд.

Ас визулөдыс кывтіс өдъя кад,  
Му весьтысь вешйис войнаыслөн чад.  
Лөз вез кодь коліс менам батылөн мам,  
Важ дойыс сылөн некор нин оз ям.

И талун пөчө пернапас оз чөвт,  
И вомгорулас молитва оз лөвт...  
Со стенын зня-пиалөн портрет  
Мен война вояс вунөдны оз сет.

Бандзибъяссыд алөй кыа бердіс —  
 Арлыдыд со квайт дасөд нин вуджө.  
 Чужом вылад парманымлөн серыс:  
 Уна вожа пулөн сәні вуджөр.

Бөрья вынөдз зильлін ныв-пи вөсна, —  
 Томысянь өд дөва ним тэд колис.  
 Мудзөм синмыд ямөм ты кодь өні,  
 Кодөс оз нин юктавны сөдз ёльяс.

Война кадө пыклін тужа-нужа,  
 Тырмыліс тай сөткөмыс и ёрччөм.  
 Юрси сіад кынмөм еджыд пужйыс  
 Оз нин сывлы медъяр шонді водзын.

Тэысь мича мортыс абу некод.  
 Чой-вок нимсянь мамы муөдз копыр.  
 Сөмын муса Рөдинаөс тэкөд  
 Откодявлө том и верстьө войтыр.

Эз вөв кокни тэнад баба рөкыд, —  
 Со мый вөсна ручка вильдө кисьым.  
 Гижны меным тэ йылысь зэв сьөкыд,  
 Но не гижны — ещө сьөкыд висьөм.

*Помөсгін вожысь  
Багьёльйыв сиктса гөваяслы*

Шондыскөд чеччис Марья тьотө:  
Верөсылөн талун чужан лун.  
Рытбыд кевмис — волы пө көть вөтөн,  
Сөмын ылө пышйис пөрысь ун.

Горсъя пачын банйө небыд шаньга,  
Пызан вылын верөслөн портрет:  
Гөтырланьыс видзөдө со Ваньө,  
Видзөдө, но гөлөссө оз сет.

Шыльөдыштө Марья сылысь юрси,  
Малалө чунь помнас ныр и вом.  
Ылі муын кодыр сійө усис,  
Вөлі сэки комын арысь том.

Марья тьөтлөн доршасьө кос синва,  
Кольөм кадыс чужтө уна дум...  
Верөссө пыр малалыштө кинас —  
Виччысьө, кор петас сылөн нюм.

## ВИТ ТОПОЛЬ

Батъыс-мамыс быд пи чужом бöрын  
Öшинь улас садитлисны пу.  
Вашкөдчисны топольяс сад йöрын,  
Гажөдисны-вöччөдисны му.

Топольяслөн вожъяс моз жö пиян  
Быдмисны да верстяммисны пыр.  
Олöмыслысь öдсö он кут кийн, —  
Öдйö кывтö гажа челядьдыр.

Сэксянь тырис вөрөн уна ордым,  
Парма шöрысь косьмис уна ёль.  
Вит пи пöвстысь некод абу гортын,  
Мамөн шуысь керкаö эз коль.

Кымын во нин пияныс со туйын,  
Коляс ещö уна-уна во,  
Уна берег кырас Эжва юным...  
Вит пи пöвстысь некод нин оз во.

Мамлы медся уна вичмö-кольö:  
Усьöm йылысь юөр, курыд шог.  
Öшинь улын шöпкöны вит тополь,  
Быгтьö орччөн локтöны вит вок.

## Коми гижысь-фронтöвикъяслы

Чикыш гөлöса сиктса веж парк  
Ылöдз шыалö енэж вевт улын.  
Рыгъя шондiыс — ыджыд да яр —  
Ыстö югöрсö дзоридза мулы.

Танi юралö гаж рытывбыд.  
Лэбзьö сьыланкыв — мича да кыпыд.  
Талун паркын поэзия рыт,  
Кытчö локтiс и катыд, и кывтыд.

Сцена вылын поэт-фронтöвик  
Коми зон йылысь лыддьö баллада.  
Дзевис лов шысö юбокса сикт,  
Мыйкö думыштчис кöстыля дядьö.

Чышкö синвасö кодлөнкö мам,  
Усьöм пи йывсьыс гижöдыс, гашкö?  
Овлö дой, кодi некор оз ям,  
Ачyd асьтö кöть мыйта он такöд.

Водзö лыддьы, ёрт, кывбур и висьт,  
Чуксав йöзсö тэ шуд вылö, мирö.  
Тэнад сьөлöмыд — книгаысь лист,  
Кöни быд строка гижöма вирөн.

\* \* \*

Рыгтя кыаысь öзйöма юыс,  
Парма-мамöй акань кодь чöв.  
Озъя вом дора, кудриа мусö  
Бритöм щökанас гильöдö тöv.

Эжва нöрысса памятник дорын  
Нора ворсö салдат-ветеран,  
Аслас ворсöмысь сьölöмыс дзормö, —  
Бöрдан гөлөсөн сьылö баян.

## **ВÖТ**

Тöрыт войбыд ме воюйтi вötөн:  
Ёртгяс усисны, коли ме öткөн.  
Шойяс пövстöдыс öтарö кыся,  
И сэк бать менам кыпöдчис кыськö.

Төр пилоткасö нямралö киас,  
Шуö: «Му вылас ов, муса пиö.  
Пельпом вылын на менам со юрöй,  
Лазйын черöй со, пуртöсын пуртöй.

Локтi дорйыны тэнö пеж лолысь.  
Вайи вежа ва сиктдорса ёлысь,  
Юктав ёртгястö — ловзясны найö,  
Сьölөм шоньдтö налы тшötш пайды.

Эн коль ёртгястö бой-поле вылö,  
Кыммөм вир-яйныс, виччысьлы, сьылö.  
Пöльышт быдөнлы пöсь ловтö вомсьыд, —  
Кусөм сэрапом битөг оз ломззы».

Плавкӧс флягасӧ мыччӧ мен кисьыс,  
Шуа: «Аслад нин лысьӧмыд сисьмис.  
Али ловзьӧдӱс нимкыла ваыс?  
Али Енмыс нӧ татчӧсӧ вайис?...»

Орис батьӧкӧд сӧрнитан вӧтӧй:  
Бокӧ кияснас тувкнитӱс гӧтыр.  
Садьми — сырмӧдӧ аддзылӧмторсыйс,  
Сьӧлӧм тӱпкӧмӧй весигтӧ торкис.

Сетчи ӧшиньялань — лӧньыштӱ вӧлись,  
Ылын ӧшалӱс быгалӧм тӧлысь —  
Быттьӧ батьӧйлӧн пыжвывса лотӧк,  
Быттьӧ усьӧм салдатлӧн пилотка.

\* \* \*

Весиг сыркмуналӧ телеэкран,  
Кодыр пурӧны Мусӧ снарядыяс.  
Сотчӧ Олӧм то сӧнӱ, то тан,  
Кӧнӱ ки помысь вӧчӧны адсӧ.

Пез войнаясысь мудзис нин кӧрт,  
Мудзис сынӧдыс, вӧр-ваыс ойзӧ.  
Кызьӧд нӧмыс эз этша нин бӧрд  
Мулӧн морӧсын бырлытӧм дойысь.

Шызьӧ Му... Уна вурьса Му  
Миллионгьяслӧн гӧлӧсӧн корӧ:  
Медым Олӧмыс тшынйыв эз мун,  
Медым пыр кезлӧ Морт колис Мортӧн.

Кута эскыны йöзыскöд ме:  
Кага нюмсерöн Аскиыс чужас.  
Вайö воюйтны сы вöсна, мед  
Му шар пасьятыс ломзис пöсь дружба.

\* \* \*

Дзирйыв восьтис öдзöссö мен чöвлун,  
Тöдса морт моз кежала сы ордö.  
Сöмын пашляк — еджыд синма кöлдун —  
Кадысь кадö швачöдчö зэв гора.

Пуяс йывтi, тыртöм лэбач поз кодь,  
Кывтö шондi - койö кöдзыд бисö.  
Кыз пу бокын мичаник том коз пу  
Дирижёр моз шевкнитöма кисö.

Лөньюдöма пармалысь оркестрсö,  
Медым сийö эз торк төвся мойдсö.  
Джуджыд лымйöн шылялöма эрд со,  
Еджыд няньшом быттьö кодкö лойöм.

Сöмын пашляк лыйсис медым эськö,  
Кылысны мед мирнöй взрывлөн шыяс.  
Весиг кыз пу нимкодьясла сэки  
Шуда синва водздöранас чышкас.

## ИЗЙЫСЬ СИЗЬДӨМ САЛДАТ

Клуб өшинь улын, киас автоматыс,  
Руд изйысь кыптіс ловзьөдөм салдат.  
Зэв төдтөм быттьө, быттьө и зэв матыс:  
Өд татчөс йөзлы — верөс, вок и бать.

И быдөн аддзө сыын ассьыс писө.  
И быдөн ас ног сетө сылы ним.  
И быдөн мыччө дзоридзьяса кисө:  
— Тэн тайө, Ванюк, Педюк, Питирим...

А сійө муртса восьтыштөма вомсө,  
Оз лапнит синъяс, йөзлань дзоргө пыр.  
Тась мунліс сійө өнія кодь томөн —  
Ас йөзсө төдны сьökыд пырысь-пыр.

Ас сиктлысь сійө чужөмбансө аддзө,  
И вермис кө, дерт, шуис эськө тадз:  
— Мед сэсся нэмъяс эз нин сувтлы татчө  
Гранитысь сизьдөм ме кодь жө салдат!

\* \* \*

Менам сьөлөмө поздысис гожөм —  
Шонді югөркөд локтіс июнь.  
Нөшта збодермис гөрд гача пожөм,  
Орччөн кыз пу — веж бордьяса лунь.

Муса гозья моз олөны найө...  
Найөс войнаөдз «гөтравліс» бать —  
Гажа ягысь том пуяссө вайліс,  
Өшинь улын мед паськаліс сад.

Со и чужоны налөн выль вожьяс,  
Кыдзи челядьос чужтё шань мам.  
Пожом — чутласьысь уска и тошка,  
Кыдз пу сы дінын — мелі да рам.

Налысь быдмөмсө батьё эз төдлы, —  
Сытөг исковтис уна сюрс лун,  
Сытөг локтис со тэрмасьысь өдөн  
Кымын пөрийё нин гажа июнь.

На кодь мичаыс пармаын эм-ө? —  
Пожом-кыдзыс өд батьөлөн пас.  
Весиг пуяслөн вуджөрыс меным  
Бать кодь муса, и дона, и ас.

## **КУСЛЫТӨМ БИ ДОРЫН**

Ваймывлытөг ыпйысь Вечной би —  
Быттё вывлань нюжөдыштөм ки.

Енэжыс көть руд, көть кельыдлөз,  
Нормывлөны татөні век йөз.

Син дорьяссө чышкө дзормөм ань,  
Усьөм пилөн гуыс, гашкө, тан.

Мамлы пиыс ловйөн кольё пыр:  
Думсьыс аддзё сылысь син и ныр.

Синьяс водзас ыпйё Вечной би —  
Быттё мамлы өвтчө усьөм пи.

## ЛЭБАЧ

Баракъяс тані да нөбалан лыа,  
Көрт сутугаа потшөс гөгөрбок.  
Кыз бытгьö гагъяс дука куйöд пиын:  
Тан жуам-лойсям — татшөм оланног.

Йöз шондi петö-кыптö нöрыс сайын,  
Но мыйла сылөн чужөмбаныс руд? —  
Оз шонты ни оз лелькуйт югөръясөн, —  
Нач сийö сөмын кувсьөм, кельыд чут...

Со лагерь сайын му, код вөрлань кыссьö,  
Сэн асывъясын — коса лэчтөм шы.  
Ме ордö тöрыгт, невöляö кыськö,  
Шань лэбач лэбзис съывны съыланкыв.

Эн съыв тан, лэбач, абу ыджыд мог кө,  
Öд лагераным вермас вошны лов.  
Тэ аддзан ачыд — мыйта вирус, шогыс,  
Тан мырдөн синва нылалам ми со.

Ой, тэрмасшышт вай, кокни бордья гөстя,  
Мен вочавидзны: бөрсö лэбзян кор  
Странаö, кодöс радейта ме пöся?  
Ме көсья шуны тэныд öтитор.

Яр сьөлөм пытшкын ыджыд корөм кылö,  
Мый олö мейн уна-уна лун.  
Зиль бордья друг! Поэтлөн кызди съылан  
Ас чужан муяс весьтö лэбзы-мун.

Зиль бордьясыд да гора съылан серти  
Пыр тодас тэнö муса мем народ.

И шуас: — Лэбач вуджис паськыд эрдъяс,  
Поэтсынь юөр татчö вайис код.

Враг көть и дорис ки-кок сылысь чептөн,  
Но вöля сыын пуö — ыджыд, пым.  
Көть лагерын, поэтлысь кывсö чегны  
Ни дорны, вины — абу сэтшöм вын...

Поэتلөн сыланкывйөн яра öзйы,  
И гортлань тэрмась, паськөд бордья сыв.  
И ачым кө ме кувся көнкө йöзын,  
Ас муын кутас овны сыланкыв!

*Муса Джалильлөн кывбур.*

*Моабитской тюрьма.*

*1942 вося август.*

Бажыл баш йөн пуö бу алы сурны,  
Владбашы пызын ямалы тыр.  
Владбаш да төш да, лас мултос  
Костабазыс град йөрвөс эз шылт.  
Асылмангыс баба хурсыс хёртөд,  
Гух ис вожа. Суртл, жайбур, му.  
Нимсодынасла сьаломыс кыла бөлмэ —  
Кыла этнам. Кыла сьомыс ме

## ТӨДТӨМ НЭМЪЯСӨ ВОСЬКОВ

Рафаэльлөн «Сикстинскöй мадонна»

серпас серти

Витсё во сайын чужтөм картина —  
Мортлөн вежөрөн рөдитөм Ен.  
Морөс бердас со топөдө кинас  
Зөлөт кагасө нывбаба сэн.

Быгтьö Му шарсö мездорас кутö,  
Сыысь бипур мед эз вöчны йöз.  
Миян син водзö ловйөн моз сувтö,  
Медым гуавны морт виан грöз.

Төдтөм нэмъясö муниг оз туйны  
Зывök лöжлун ни войналөн тшын.  
...Витсё во нин со нывбаба туйын,  
А мед шойччыштны — оз тырмы вын.

Сей, торма сымалт вай, еркин борданы гыты,

Мен во завла ял боргö дөблян кор

Стрелкө, хонд, радиста ле пелет,

Ме востя шувне тэнгед ота кор.

Дө сьлаом ингалх-ч мажыд кучром кыла,

Эмдө гыл мөйни уна-уна лун.

Эле борданы дуги! Пелгалам кыдаи сымалы

Ас чужам муже шкытö ашкыла-мун.

Эле борданы сьла де тора сымалы серти

Гыр төдас тэнö муся мен шурд.

*Мамöлы Анастасия Ивановналы*

Со и отпуск. Кокын керза сапöг.  
Юрын шляпа. Вылын болонь плащ.  
Нопйын шоньд чышгьян, банйöм яблöг —  
Мамлы гösнеч. Мамысь бырис гаж.

Часöн воа Сыктывкарсянь...сэтчö,  
Шыбöльястöм во чöж сынöд туй.  
Кымын матын — сьölöм ёнджык чеччö,  
Шöвк лентаön öвтчö Эжва ю.

Со и клуб. А со и мамлөн керка,  
Öшинь улас быдмөггьяса йөр.  
Ваньö воклөн понйыс сэн жö эргö:  
Дыр эг вöв да — сы вöсна и скөр.

Ачыс мамö воча меным петö —  
Му вылас мен медся мича ань.  
Меліника топöдла ас бердö,  
Му вылас код меным медся шань.

Еджыд быгйөн пуö чужья сурыс,  
Вölöгаön пызан вылыс тыр:  
Видзöда да тайö здукас муртса  
Керкаödзыс град йөрнас эз пырт.

Лöсьöдыштис баба юрсьыс көртöд,  
Пуксис воча. Сёрни, майбыр, эм.  
Нимкодьясла сьölöмыс кыз бёрдö —  
Кыла öтнам. Кыла сöмын ме.

## СТАВЫС СИН ВОДЗЁ МЕД КОЛЯС

Мамлөн мудзёминик сингьяс,  
Енэжлөн сөдз лөзыс,  
Кыр йыв кайысь Кулөмдіныс,  
Сэтчөс варов йөзыс;  
Епим Павел Васька дедө,  
Коді оліс дзорөдз;  
Мөдлапөвса паськыд эрдыс  
Да сэн йөктысь дзоридз;  
Чойлөн-воклөн чужөмбаныс,  
Гөтырлөн пось морөс,  
Өти кывйөн, рөдвуж ставнас,  
Пывсян и веж корось.  
Пызанвывса кыз нянь шөрөм,  
Эжва юлөн отыс,  
Звер-пөткаа парма-вөрыс  
Да сэн кисьмөм вотөс;  
Сералігтыр кывтысь ёльяс,  
Кызлөн еджыд дөрөм —  
Ставыс син водзё мед коляс  
Весиг кулөм бөрын.

\* \* \*

Бытшкас сьөлөмө — пемдылө шонді,  
Коркө бытшкас да — оз отсав врач.  
Гашкө, бать виан пуляысь ёнтө?  
Гашкө, чужтөдз на чужсьөма тадз?  
Сөмын эскыны бурас век колө,  
Лоан мөд ногыс збыль ловья шой.

Весиг сі йылö öшгъяс кор олöм,  
Кута эскыны бурас лун-вой.

Эз на торйöд мен местасö муыс,  
Ставлы тöрмөн на эм вöльной сьвет.  
Парма чуркъяным зэв на том пуыс,  
Мыйысь кутасны вöчны мен крест.

## ДОЙ

*1942 вося декабр 17 лунö война вылын  
усис менам бать...*

Дзевбсис вөр сайö дженьыдик луныс,  
Колис морösö бурдытöм дой.  
Шöйтö ывлаöd, воштöма унсö  
Дзуртысь кок шыа тöвся сзэь вой.

Керка öшиньысь кусöны бияс —  
Куньö сингъяссö, ойбыртö сикт.  
Тышын усьöм салдатьяслысь нимгъяс  
Быд лун казгытö жöч обелиск.

Шöйта войыскöд батьököд пыдди,  
Бöрдö-омялö чеп йылын пон.  
Ылын чусалысь кодзулыс бытгьö  
Батьлөн чусалысь чигарка пом.

## КОРКӨ АГСАСЬЛИМ ТАНИ

Вөлөй тильгуна, төв ныр моз лэбө,  
Лэбач бордьяс моз павъялө бурьсь.  
Төлыс тшын-буссө сынөдас лэптө,  
Дзутгө-сыналө менсьым съод юрси.

Катыд керөсө, көдза му йөрө,  
Төвзям агсасьны зонпосни скачөн.  
Пуём капуль да тучман-мөд съорын,  
Кыдья тучманьс паркйыштө качөн.

Эз вөв кокни сэк сиктсалы овны,  
Эгө төдлөй ми преник ни кампет.  
Эз вөв майтөг ни, истөг ни, сов ни,  
Бур на: öзйис кө карасин лампа.

Война кад. Войнабөрсa съод вояс...  
Өнөдз син водзын нюмбантөм войтыр.  
Аддза усьөм салдатъяслысь овъяс  
Обелиск вылысь... Муөдзыс копыр!

Катыд керөсө, көдза му йөрө  
Выльысь мөдөдчи ветымын во мысьт.  
Табак тшыныс тай кытчөкө төрө –  
Шпутка-куритча, ог чөвтлы вомысь.

Вои сэтчө, көн агсасьлим коркө,  
Көни лолавліс небзьөдөм муыс.  
Өнөдз кыла ме вөвъяслысь корскөм,  
Аддза мусянь кызд кыпавліс руыс.

...Талуң му вылас петшөр да ыжман,  
Шырпи тэрыба шыранькытш кильө.  
Менам юр весьтын тильөдчө пышкай,  
Быттьө агсасян вөлөйлөн тильгун.

## ЧЕЛЯДЬДЫРСЯ

Кытчөкө лэбөны вояс,  
Лэбөны кытчө — ог төд.  
Лэбөны лунгъяс и войяс,  
Кольөмыс — быттьөкө вөт.

...Син водзын юдорса бипур,  
Зонпосни котралам сэн.  
Батьясным мунисны би пыр,  
Унаос чукөстис Ен.

Жебөсь, но визулөсь вөвлім  
Грездса зонпосниыд сэк.  
Рыгъяснас войнаысь ворслім,  
Немечтө вермылім век.

Шепасьлім, агсасьлім, куртлім —  
Челядлы вичмыліс нок.  
Войнаыс, сьөкыд да курыд,  
Шог бөрся вайліс вьль шог.

Сов чеполь гортаным абу.  
Пывсянын — сартаса би.  
Эг кужлөй сөмын тай лябны,  
Батьнымос вежим сэк ми.

Син водзын — шабура мамө,  
Ачыс зэв мичаник, шань.  
Эг төдлөй сэки ми кампет,  
Кач сора тучман — став нянь.

Быд уджө сибавліс кийс,  
Ачыс зэв мусаник, рам.  
Тучмантө пөжаліг, сійөс  
Синванас солавліс мам.

Кытчөкө лэбөны вояс,  
Лэбөны кытчө — ог төд.  
Лэбөны лунгъяс и войяс,  
Кольөмыс — вунлытөм вөт.

## КЫЗЬӨД НЭМ

*«Петас, вокъяс, шондi-й тан!  
Ме нин агдза — рөммө ылын...»*  
И. Куратов. «Пемыд»,  
1865 во.

Ме чужи кызьөд нэмын...  
парма-вөрын.

Эг төдлы шудсө  
весиг быдмөм бөрын.

Ог помнит батъөс —  
война вылын усис...

Россия пасьта  
усьөм йөзлөн гуяс...

Код төдас кымын,  
кымын миллионөс

Россия воштіс  
медбөръя сө вонас.

Став мыжсьыс коркө  
прөститас-ө Енмыс

Сьөд кымөр рөма,  
грека кызьөд нэмсө.

Ен пыдди вөвлі  
Сталинлөн портретыс,

И Сталин йылысь  
сывлісны поэтъяс.  
Сикт шөрын вичко —  
быттё полокалө —  
Важ памятник моз  
сулалө и талун.

Сэн ныла-зонма  
венчайтчыліс коркө,  
И паськавлөма ылөдз  
жынняян горыс.

Но колис кад...  
и гөлөстөммис вичко,  
Со кымын во нин  
лөк төв сы пыр швичкө.

Тадз вичкоыс моз  
парма-вөрным гольмис,  
Көн вөравліс на  
менам пöльлөм пöльыс.

Тадз вичкоыс моз  
гöльмин, коми мортöй.  
Мый весиг кийсь  
усьö гижанбордöй.

Ой, кутшөм шуштөм,  
пемыд сьөлөм вылын.

Кузь туйын шоңді,  
көнкө век на ылын...

Со өтнас төлысь  
югзьö енэж бердын —  
Поп морөс вылын  
быттё югыд перна.

## ВОЙНАБӨРСА

Шупчик Иван Насталон,  
Дзоля Вань Агнилон, Як Степан Анналон,  
Изьва Насталон, Павел Марьялон  
да гжеджимса мукод говалон  
память кузя.

Налон веросьясныс  
усисны 1941-45 воясö  
и некор эз тодлыны кокни олөмсö.

Коньоръяс бабаяс — олөмсö пыкысьяс,  
Өниодз син водзын шогалысь синъясныс.  
...Миянлысь керка пытш косньодик кияснас  
Ыджыд лун водзвылын дөваяс мыськисны.

Өниодз помнита гөлөссö аньяслысь,  
Кодъяслон томсянныс пöрысьмис томлунныс.  
Арлыдныс? Арлыдныс эз на вöв комыныс,  
Шуднысö мырддис кор войнаыд шаньяслысь.

Найö вед вöвліны уджачлив моньясөн...  
Мыйысь нö, донаяс, тиянös ёрисны?  
Мусаник мамъясным кадысь водз дзормисны,  
Кадысь водз косьмисны аньяслон нёньясныс.

Мыськөм нин керкасянь гөлөсьяс кылісны,  
Ас вöчөм винаон сьөлөмъяс шонтісны.  
«Шли два героя из финского фронта»-тö  
Рудзмунөм аньясыд бөрдигтыр сьылісны.

Зонпосни котралам туй кузя асыкөн,  
Сикт помын венласям ньөввуужысь лыйсьөмөн.

Ризъялам-раduitчам, сөмын көть лысьомным,  
Мед көть и выланым омөлик паськөмным.

Тувсовъя ывлаыс лөзджык на йөвваысь,  
Шондыс нюмъялис кельыдлөз эжтасас,  
Нель вося войнаон тшынодом енежсө  
Быттё тшөтш мыськисны мичаник дөваяс.

Сэсся вом юрөс лысьжас  
Пильбг кунаа сорон  
Сылысь тисö — менсьым багык —  
Шулыны ёлорон

\* \* \*

Ныла-пияос быдтісны гозъя,  
Югыд керканыс тыр вөвлі шудөн...  
Талун челядтём ай-мамлөн позйыс,  
Кывтё олёмныс мустём и шуштём.

Налён каганыс — верөса нылыс  
Мамён лотөдз на, висьмис да, кувсис.  
Пиныс лунвылын, Комисьянь ылын,  
Мирной лунъясө бой дырйи усис.

Сиктас цинк гортйын вайисны шойсө,  
Сэки став сиктөн бөрдісны йөзыс,  
Сэки бать-мамлөн сьолёмын дойсьыс  
Весиг парма-мам шогысла ойзис.

...Менө гөститны корлісны гозъя —  
Асьныс томось на, кыкнанныс дзорось.  
Лэпти водка, и тырталі дозьяс,  
Кургим-сёрнитім сэсса вель сёрөдз.

Косьмө ывлаын стен бердас ботан,  
Кильчө пос помас кыйсян пон эргө.  
Куйлө сараяс важиник потан —  
Быттё челядён эновтём керка.

\* \* \*

Быттьö вöла-доддя, мелань нырöн  
Рöдтö кымөр — гымөн сиктö пырö.  
Оз и дугдыв, чань моз енэж гөрдлö,  
Быттьö пöльö куритчöмла пöдö.  
Град выв табак нэм чöж сийö шпуткис,  
Куритчигас сьölöмыс и сувтис.  
Пысасис кузь пожом йылö кымөр,  
Гымалöмла кок ув муыс сырмö.  
Шутьялягтыр синтöм төв ныр жöдзö,  
Гурйыв, кылö, восьтис кильчö öдзöс.  
Зэрыс киссьö-шливгö уна вожөн,  
Быттьö пöльö пыдзралö дзуг тошсö.

\* \* \*

Кор на ичöтик ме вöли,  
Эг куж нинöм вöчны,  
Пидзöс вылас корöсъявлис  
Менö муса пöчным.

Мед пö дзоньвидзаён быдми,  
Лои бать кодь ёнөн...  
Ог ме помнит ассьым батьöс —  
Усис зэв на томөн.

Сэсся вöли юрöс мыськас  
Нильög кунва сорөн.  
Сылысь писö — менсьым батьöс —  
Шулисны Ёгорөн.

Сэксянь Эжва юным васо  
Нуис уна-уна.  
Пөчөн корөсялан здукъяс  
Кувтөдзым оз вунны.

Коми муын, чужан муын,  
Тали уна ордым.  
Юлі винатө и тшайтө  
Уна бур йөз ордын.

Мусмылісны уна нывъяс  
(Вожа гач өд новла!)  
Мусаяслөн небыд сывъяс  
Вөтөн век на вола.

Ог нин енэжланьыс быдмы,  
Муланьыс нин быдма.  
Анюловыд олөмаыс  
Талун меным ныма.

Чери кыя Важ Эжваысь,  
Коді паськыд ота.  
Кывбурө ме строкаяссө  
Гажа ягысь вота.

Кыйсьыліс да вотчыліс сэн  
Коркө менам батьө.  
Лышкыдлунсьыд, Джеджим парма,  
Сьөлөмсянь пөсь аттьө.

Өшинювса льөм пу вылын  
Пышкай тивзө-мойдчө.  
Кор ме мудза, чужан муой,  
Пидзөс вылад шойччөд.

\* \* \*

*«Сьылісны бабаяс, сьылісны...»*

В. Попов.

Ю дор видз вылын ытшкёны бабаяс,  
Коса-гөрбушсё лэчтёны бабаяс.  
Ю дор видз вылын оз сьывны бабаяс —  
Видз выв дзоридз кодъ мичаник бабаяс.

Ю дор видз вылын куртёны бабаяс,  
Шонді югёрсё куртёны бабаяс.  
Ю дор видз вылын ёрччёны бабаяс —  
Көмтём кокъяса гожъялём бабаяс.

Ю дор видз вылын чөвтёны бабаяс,  
Сьёлём дойнаныс юксьёны бабаяс:  
Ю дор видз вылын абуось мужикъяс —  
Быттьö öніөдз муно война.

## **ВЕРДЫСЬ**

Тури кельöб шоныдлунсö сьёрсьыс  
Нуис татысь нора сьылігтыр.  
Быттьö мыйкö лэбзис сьёлём шöрысь,  
Енэжланьыс сюся дзорги дыр.

Керка пач моз ваймис ывла жарыс,  
Сынöд лоис быттьö кöдзыд сур.  
Турипувъя локтіс зарни арыс,  
Тшынтём биён öзйис вутшкось нюр.

Пуяс вылын югыд лысва пыдди  
Асывъяснас петлö еджыд пуж.

Көка часі стенин кадсö лыддö,  
А ме вöча ассьым гижан удж.

Код мый вермис арлысь козин вотіс,  
Чöскыд лоас льöмъя-пувъя ляз.

Регыд шызяс вöралысьлөн октас,  
Воча вокöй дöмлö росмöм лаз.

Ветла вөрö, эстчö кывтыдпомö,  
Коми арсö аттьöавны мед.

Сьöлöм эськö важөн нин эз ломав,  
Дзоля дырйи арыс кө эз верд.

## **ВАЖ КЕРКА**

Мир туйлань бан бока важиник керка —  
Быгтьöкö берегö шыбитöм баржа.  
Кадсö он сувтöд, кадсö он бергöд,  
Коркö сэн вöвлі зэв кыпыд да гажа.

Лун-мöдöдз юргывліс гудöка көлысь,  
Сьывліс да йöктивліс ставнас сэк грездыс.  
Öні со жырьясöд шутьялö тöлыс,  
Öшиньяс пыддиыс сук черань везьяс.

Коркö, войнаöдз на, чужлісны челядь,  
Чилзігтыр ворслісны öшинь ув йöрас.  
Кыйывліс батыс сэк Эжваысь черлядь,  
Пармаысь — сьöла-тар, шедліс и йöра.

Вердысьлөн олöмыс фронт вылын орис  
Сталин да чужан му вöсна ёсь косьын.  
Грезднымлөн лов шыыс öтарö нормис,  
Дöва-мам шогысла дзоридз моз косьмис.

Морт моз жö керкаыс пöрысьмö-ружтö,  
Олöм сэн лöдсавтöм бипур моз ваймис.  
Сэн öнi кадыслөн повзьöдчысь вуджөр,  
Оз весиг поздысьны пельöсас кайяс.

Гöльлунсьыс коми морт мынлас-ö коркö?  
Синваöс жальысла кута ме öдва.  
Чукырöсь бан бока сулалö керка —  
Быттьöкö шогысла ропмунöм дöва.

## **ВЕК ЖÖ ШУШТÖМ**

*Менам ёртъяслөн — Алексей  
Тимушевлөн, Андрей Тарабукинлөн,  
Егор Потаповлөн паметлы.*

Гöстита ме войся чöвлун ордын,  
Асьявылыс вугралышта чери.  
Век жö шуштöм мен, кор бипур дорын  
Он кыв сьылöм, шмонитöм ни серам.

Би киньясыс, быттьö олöм вояс,  
Лэбигкості кусöны зэв öдйö...  
Эжва весьтын востымасьысь войыс  
Тöвруыскöд котöртö нин рöдйөн.

Юрйыв кодзув öзйис ылын-ылын,  
Со и тöлысь асьыс вöлök вуджö...  
Век жö лёк, кор унзиль берег вылын  
Ёртыд пыдди сöмын аслад вуджөр.

\* \* \*

Эн шыблась кывнад,  
Кыв вылад көть збой:  
Кыв овлө лэчыд,  
Кыдзи лэчтөм пурт.  
Но вермө бурдны  
пуртөн вөчөм дой,  
А кывйөн вөчөм дойыд  
нэм оз бурд.

## **БУРЛУНЛЫ АБУ ДОН**

Сөдз енэж лөзлы абу доныс.  
Тэн, бурлун, сідз жө абу дон.  
Бур кывйыд ышөдас и шонтас,  
«Бур лун!» — тадз сетам ми поклон.

Но сьөлөм майшасьлывлө менам,  
Өд тшөкыда на овлө сідз:  
Бур кывйыс пыдди — лөж, измена...  
Сэк чусмө радлун чужтан мич.

Вөч, ёртөй, йөзыслы век бурөс,  
Шань мортлөн бур нимыс оз кув.  
Ас бөрас көрлөн кольө сюрис,  
Лөк мортлөн кольө сөмын гу.

## **КӨСЬЯ МЕ ЛОНЫ**

Весът кузя сөмын тай мортыдлөн нэмыд,  
Гөнито төдлытөг во бөрся во...  
Ог көсйы лоны ме пипу кодь небыд,  
Ройсялөм коз пу кодь мед ог жө ло.

Пожөм моз шувгиктыр көсйыссьө овны,  
Енмөй видз: эг мед ло бадь пу кодь няр.  
Кыз пу кодь топыдөн көсья ме лоны:  
Пывсян гор кыз пескысь овлө меджар.

## **ДЗОРИДЗ**

Алөй дзоридз быдмис өшинь улын:  
Ломзысь рөмнас сьөлөм гажөс пестис,  
Төвру улын копыр сетлис мулы,  
Воис кад — и чегны сийөс петі.

Зэра кымөр мыччисис сэк кыськө,  
Чегны дзоридз сьөлөмөй эз кыскы:  
Кулөм водзас сийөс медем мыськас  
Медбөръяысь чужан мулөн лысва.

## **ДЖОДЖДӨРА**

Тэ, поэт пө, озыр көть и мортыд,  
Киөн кыөм джодждөра со гортад, —  
Өти төдса көрительштіс тадзи,  
Ковөр пыдди джодждөра кор аддзис.

Он пö ю ни водка, ни гöрд вина,  
Ньöбин эськö донаджык картина.  
Быд пельöсын куйлö сöмын книга,  
Эм-ö, шуö, кöть öти сберкнижка?

Медбöрти ме вочавидзи ёртлы:  
«Шылльö-мылльö стенъясö ог öшлы...  
Сизим рöма джодждöраыс гортын  
Быттьö пöчөн кыём öшкамöшка».

## **АСЪЯ ШЫЯС**

*Мамöлы, Анастасия Ивановна  
Напалковалы, когi кувсис  
1990 вося октябр 9 лунö*

Мамö моз жö чеччис пернапасөн  
Синсö тилигтырйи гожся асыв.  
Сэсся Эжва юын ыркыд ванас  
Мыськис ассьыс алöй чужöмбансö.

Шондi везйысь асылыслөн кöса.  
Зарни биён енкöлаыс öзйö.  
Лысваыввса уна-уна шондi  
Асылыслысь комтöм коксö сотö.

Турун пиын узыысь небыд төвру  
Качис вывлань, лэбис парма-вөрö,  
Вөрöдыштiс пуяслысь веж сывъяс,  
Шуис налы мортлы тöдтöм кывъяс.

Кымын водзö — асыв сымын öддзис,  
Му и вөр-ва восьтiс сылы öдзöс.

Лэбачьяслысь чукөртліс собранньö,  
Тшөктіс сьывны мылаа да шаня.

Шыльöдыштіс юрсö бобöняньлысь,  
Дзоньвидзалун сиис парма-аньлы.  
Сэсса мöдлапöвлань шывгис сійö  
Лыдтöм-тшöттöм дзоридзьясөн киас.

Öти шоглун менсьым лолöс личкö:  
Оз нин аддзыв мамöй тайö мичсö.  
Кöть эськö и меным чайтсьö öнöдз:  
Дзирья дорсянь мамöй быттьö öвтчö.

Енэж бордйыс лои лöзов шöвкөн.  
Көнкö ылын, ылын көкинь көкö:  
Ланьтыштлас — и бара водзö сьылö,  
Быттьö мамлөн сьөлöм тпкөм кылö.

\* \* \*

Туйвежъяс — найö кыдз вир сönгяс:  
Овлöны дженьыдöсь, кузьöсь.  
Сэтчöдз ме нырчча ас туй вöсна,  
Нэм кежлö кытчöдз ог унмовсь.

Пос помö пета, и туйвежъяс  
Корöны кытчöкö ылö...  
Му вылас чужлі эг жуйвидзны, —  
Сьölömöй, менö тэ кылан?!

## **ПУШКИНЛЫ ПАМЯТНИК ДОРЫН**

Выль кывбур Пушкин быттьö панö —  
Нэм кежлас думыштчöма сідз.  
Со дзользьысь лэбач тшöтш жö тани  
Поэтлысь чöвлунсö оз видз:

Сё ногөн ливкйöдлыны кужö,  
Мый йöзлөн ышмö весиг лов,  
Мый весиг изйысь тэчöм Пушкин  
Бур сылан кывзытöг оз ов.

*Москва.*

\* \* \*

Пось чолөм тэныд, эзысь Волга, —  
Россиянымлөн медшөр сөн.  
Тэ уна карө, сиктө волан,  
Зэв кузя нюжөдчөм шөвк вөнъ.

Ок, кутшөм кыпыд сьыланкывъяс  
Ас нэмад сиисны тэд йөз...  
И тэнсьыд сьялкөдчысь лөнъ гыяс  
Эз повзьөд враглөн ыджыд грөз.

Тэ ставсө йөзлы помөдз сетан,  
Он төдлы шойччөг лун ни вой.  
Яр бияс ГЭС-яслысь тэ пестан, —  
И личалыштө вөвлөм дой.

Көть мыйта кадыс бөрө коляс,  
Ён мускульяссьыд вын оз быр:  
Сюрс посни юяс, шоръяс, ёльяс  
Тэ ордө писькөдчөны пыр.

Тэ паськыд, визув, мича статя —  
Ас муын радейтана ю.  
И таысь медвойдөр пось аттьө  
Тэ посни чойясыдлы шу.

*Горький кар — Нижнөй Новгород.*

## ЧЁРНОЙ МОРЕ

Сё рөмөн ворсө Чёрной море,  
Сы чужомбанын абу мудз.  
Зэв вылын сылөн паськыд морөс,  
И помтөм отсө син оз судз.

Ме чайтлі тэнсьыд, Чёрной море,  
Дас судта керка ыжда гы.  
А тэ жө вувзысьтөг, лөнь горөн,  
Ас ногыд тэчан сыланкыв.

Тэ весьтын чипсасьö дзор чайка,  
Лөз ваас инмөдыштлө борд.  
И сола сынөдсьыд, ме чайта,  
Оз умлы тані шойччысь морт.

Өд тэнад зарни пляжъяс вылын  
Пось лыа быттьö рудзөг пызь.  
Сюрс йөзлысь сёрни тані кылан,  
Тан пуртікасьö коді кыз.

Но петлө төв ныр — скөр да дурысь,  
Тэ сэки ачyd — абу ас:  
Сэк тэнад пашкыр еджыд бурысь  
Руд изъя берег зырны дась.

Кор төвлөн скөралөмыс лаймас,  
Кор босьтчас ойбыравны му,  
Тэ сэки куйлан блюдйын чай моз,  
Тэ весьтын кыптö шоныд ру.

Эг аддзыв онөдз ловъя море —  
Ме босьтла сылысь соддзö гы,  
Ас пытшкын медым нуны гортö  
Лöz морейслысь мич и шы.

*Евпатория.*

## **КАРПАТ ТУЙ КУЗЯ**

Гöра йывъясыс кымөръяс сайын,  
Сэтчö кокниа некыдз он писът,  
Но пос тшупödъяс вывтi моз кайö  
Ёна ружтiгтыр миян «Турист».

Ок и чукыльöсь-мукульöсь туйыс,  
Бытьö важөн нин пакталём шор.  
Кадысь-кадö съöd читкыля уссö  
Кинас малыштлö миян шофёр.

Водзын — гөралөн медджуджыдiныс,  
«Перевал» — сылөн татшöм и ним.  
Сийö унаöс кыскö ас дiнас,  
Сэтчö туйнымöс кутам тшötш ми.

Воча волöны пашкыртчöм пожöм,  
Сёртас бокшаын дöввидзысь дуб.  
И шофёрлөн пыр долымö чужöм, —  
Ывла серпасыс сылы зэв люб.

А ми ортсыö видзöдны полам, —  
Гöра сёртасыс пемыд да крут.  
Бытьөн дум вылад татöни волö  
Эжва юбокса шыльквидзысь луд.

Быдён польштам гусьён и явö —  
Тайö туйыс нö помасьлас оз?  
И шофёр вылö видзöдам ставён,  
Ставён видзöдам Ен вылö моз.

*Закарпатье, Виноградово кар.*

## **ГУЦУЛЪЯС ОРДЫН**

Веж Карпатгьяслысь мичаник серпассö,  
Гуцул-нывгьяслысь лöсьыдик стать,  
Бобöняньяса пökата эрдгьяссö —  
Татысь аддзыны сьölöмöй рад.

Еджыд кымөргьяс гöраын шойччöны —  
Гöра йывгьясыс ставыс дзик дзор.  
Увтасінгьясö керкаяс вöйтчöмны,  
Ылöдз юргö трембиталён гор.

Уна рöмгьяса паськöмыс йöзыслөн,  
Ыж ку киптаргьяс\* — мойдын кодь дзик.  
Гöра бокшаын дзоридзгьяс öзйöны,  
Кисьмысь яблөгөн видзöдчö сикт.

Петан рытгорув гожся лöнь ывлаö —  
Коломыйкаяс\*\* чужтасны нюм.  
Öшинь увгьясын сьыланкыв шыалö:  
Кывзы мыйта кöть — некор он ум.

---

\* *Киптаргьяс* — состём курткаяс, кодгьясöс мичмöдöма уна рöма кучикөн да новлöны мужичöйяс и нывбабаяс.

\*\* *Коломыйкаяс* — народнöй сьыланкывгьяс.

То Маричка, то Анча, то Галочка  
Кытшö корасны — йöктыны пет.  
Рочөн мылаа сьылö Наталочка,  
Гöсьтöс гажтöмлун эз шымырт мед.

Шондi югöрысь чусмöма синкымныс,  
Чужöм выланыс пемыдгöрд гож.  
Сиктысь войтырсö тöда ме нимнаныс,  
Быдөн — гöраса ю кодь жö чож.

Танi быд пöрийö друг ордö воывла,  
Варов сёрниным войöдз оз ор.  
Сийö ошкö ас сиктаныс олöмсö,  
Водзтi вöвлöма кодi зэв нор.

Сийö радейтö шондиa лунвывсö,  
И Карпатгьясöс нэм чöж оз веж.  
Чужан мусö код кокниa вунöдö,  
Олö му вылас джынвийö весь.

Менам парма эм, пöртмасьыс кьa и,  
Мамөн козьналöм мусаник кыв.  
Эг öд весьшöрö ёртöйлы ас кывйөн  
Тайö кывбурсö талун ме кь.

\* \* \*

Шог-печальыс кор съөлөмтө личкө,  
Пернапасөн тэ сысы он мын.  
Шогыс вөтлысьö морт бөрся сідз жö,  
Бипур дорын кыз вөтлысьö тшын.

\* \* \*

Олан-олан да сэсса и кулан,  
Усьысь кодзув моз югнитлан нач.  
Морттö арлыдыс копыртö мулань —  
Усьысь кодзулыд бөрсö оз кач.

\* \* \*

Тöда: вöчасны коркө мен горт...  
Ог тöд: дыр-ö мен му вылас овны.  
Енмöй, сет меным вынаджык борд,  
Кулөм бөрын мед енэжөдз воны.

Леген рилитосув гождж лонь ылаань —  
Камачыйкаяс \* үүжтасон ном.  
Ошнине увалысми сымалыкыя шыамо:  
Кылыны мыйты кыты — вөзор сч ум.

\* Кылларьяс — сыстөм курткалас, кылауыде  
кылкөм, ома уна рөмө кылкыла да вөвалыс  
мужык йяс и шылабакас.

\* Камачыйкаяс — маралдык сымалыкытыяс

# Мамушка - любящая поэма





Кодыр тiянлысь аддза  
Мелi кельыдлöz сингьяс,  
Сэки чужöны юрам  
Мелi кельыдлöz думгьяс.

Кора прöститны менö:  
Чужтi рифматöм кывбур.  
Тi öд му вылас асьныд  
Куим медмича рифма.

## **НÖБАСЬЫСЬ ИЧМОНЬ**

Авгьяник шондiön ойдöма луныс,  
Сывгяд кöть югöрсö керкаö пырт.  
Нöбасьысь нывбаба сикт кузя муно  
Арыскöд öтлаын радуйтчигтыр.

Думгьяснас нёньюдö нывсö ли писö,  
Вежлалö рузумсö, мед вöли кос.  
Нывбаба морöсын шудлунлөн биыс  
Некор эз ломавлы öнiя моз.

Тшака да вотöса юбокса вөрным,  
Сöдз баба гожöмыс — лышкыд да рам.  
Весигтö ачыс дзор пармаыс öнi  
Бытгтьökö тöждысьысь, нёньюдчысь мам.

Вой тöv тэ — ичинь тöv, скөрлунтö личöd,  
Лун тölöй — мам тölöй, мелiа пöльт:  
Аддзан со нöбасьö томиник ичмонь  
Некор эз помасьлы медым морт рöd.

\* \* \*

Кыдзи кывтöны юясысь посни йи пластъяс,  
Сідз жö енэжысь кылаліс руд кымөр чир.  
Алöй дзоридзьяс вевттьöны Эжва дор ласта,  
И быд дзоридзлөн синмын яр шонділөн дзирд.

Уна лэбачлөн юргö со гажаа чипсöм...  
Варов мазіяс татöні чöжöны ма...  
Еджыд рузумö тубыртöм зөлöта писö  
Тані мездорас лелькуйтö томиник мам.

Бордьясь-сөнъяммы, пиукöй, сöдз енэж улын,  
Тэн и вөр-ваыс козыналö мойдын кодь мич.  
Шонді югöрыс меліа чужöмтö нюлö,  
Небыд туруннас тэ водзын гыалö видз.

Ассьыс гөлöсö, син рöмсö мам тэныд сетіс.  
Локтысь воясыс сетасны вежөр и сям...  
...Жмитчö вом дорнас пиукыс мам морöс бердö —  
Ловъя дзоридз кодь кагуксö нёньюдö мам.

\* \* \*

Мир туй кузя гоннялігтыр муна.  
Эг нин вöвлы тані уна во.  
Важся ёртъяс эз на дзикöдз вунны,  
Öнöдз тöда ставныслысь ним-ов.

Синъяс водзын ылö кольöм томлун:  
Кык судта пу школа, дасöд класс,  
Нывъяс-зонъяс — ставөн ми морт комын,  
И сэн Вера — меным медся ас.

Другъясон ми ськөд сэки вөвлім,  
Өта-мөдысь эз вөв гусятор.  
Югыд мөвпөн тырліс миян сьөлөм,  
Аски йылысь сёрни панлім кор.

Чикыш бордйөн водзө лэбзис олөм,  
Верстьö йөзөн өдйö лоим ми...  
Вераясö медводз кыскö лолöй  
Уна во мысьт топöдлыны ки.

Со и налөн паськыд стына керка,  
Йöрас кодкө киськалө лук град.  
— Тані овліс... овліс коркө Вера... —  
Шуа сылы, ачым вывті рад.

Видзöда и некыдзи ог эскы:  
Сувтіс быттьö Вера — мича, том,  
Кыз пу кодь жö вöсньыдик да веськыд,  
Чышьян увсьыс аддза көса пом.

Сьöд сингъяснас видзөдліс зэв рама,  
Нюмъёвкерис, шуис воча кыв:  
— Пырöй, шойчöй... Гортын папа-й, мама,  
А ме Вика, лоа налөн ныв.

## ВЕСЬ ЭСКӨМ

Коскөдз көсаа, югыдлөз синма —  
Сыкөд аддзысим виччысьтөг дзик.  
Сьөлөм ёвкмуни, вошти ме инөс,  
Нывъяс динө көть ачым зэв чиг.

Орччөн вальмасьлім сыкөд ю дорын,  
Кодыр лыаыс паччөр кодь дон.  
Сэсса, йёюкыд, ошйыси кызкө:  
Мися, мам, гортө вая том монь.

Эски гусьёник мичаник нывлы,  
Көть ме сы йылысь нем на эг төд.  
Кызкө өтигысь шөпкөдөм кылі:  
«Менө важөн нин радейтө мөд.

Сійө служитө ылын, ракетчик...  
Тэ жө ло меным кызди бур вок.  
Сёрөн аддзысим, шань зонмөй, тэкөд,  
Кыкөс радейтны ог вермы, ог!»

## БАРА МӨДӨДЧА ТУЙӨ МЕ, БАРА

*Наташалы*

Бара мөдөдча туйө ме, бара  
Гижны газетө некымын кыв...  
Уна вежөса дзордзалысь парма,  
И быд вежөсын выль сьыланкыв.

А тэ мыйлакө жалитан менө —  
Шоныд сингъяссыйд казяла пыр.  
Бөрын ышловзян: «Ветлы нось, Енмөн...»,  
Сэсса чөв олан бара вель дыр.

Тода: отнадды гортын оз овсыы,  
Кузьон кажитчө көка сөдз вой.  
Кималасон тэ шыльодан вольпась,  
Корсян ун йывсыыд верослысь сой.

А ме пукала важ тодса ордын,  
Тагья ырөшон веськөда горш,  
Весиг йөзын — ме быттьокө гортын, —  
Чужан муанын некор ог вош.

Петук чилостас — ывла выв садьмө,  
Сиктын гожомнад важонсянь сідз.  
Ситеч платтьоа нывьяскөд рад ме  
Оти покосын ытшкыны видз.

Сэсса чай көрөн өвтө кор турун,  
Ичотдырся моз вальмасьны сэн...  
Нимьяс пыдди тан «сваття» да «шурин»,  
Эжва йирьясө вөйтчөма вен.

Сиктын сьолөмысь радлун оз куслы,  
Сөмын вөлі мед шонді да нянь!  
Ещө вөлі мед ыпьялысь муслун —  
Лун-вой төждысьысь сьолөма ань.

Регыд, регыд нин пось морос бердө  
Тэнсыыд топөда көсаа юр.  
Ветлі гөснечла Эжвадор эрдө,  
Бурджык козиныс некысь эз сюр.

Кильчө дорөдзыд воча мем петав,  
Вая пармалысь став рөмсө тэд:  
Ошкамөшкаысь кый шөвк лента,  
Рудов көсаад гартовтны мед.

\* \* \*

Пыста кодь ичөт да визув,  
Кран выlö лэбовтас пелька:  
Кар шөрын крановщик Лиза  
Строитө ыджыд выль керка.

Раduitчө ныв Сыктывкарнас,  
Сөмын тай повзыштлө синмыс:  
Медым кузь голяа краныс  
Шондиас эськө эз инмы.

Зонъяслөн кыв-ворыс вошө,  
Вежөгла сьөлөмныс сьлө:  
Кымөрыс аслас руд тошкөн  
Тошкавлө мусаник нылөс.

\* \* \*

Шоныд төвруыс юрсинам дурө,  
Вайө сьөлөмөс ышөдан ма көр...  
Тадз жө шырсигөн малавлө юрөс  
Небыд чуньяса ныв-парикмахер.

## **НЯНЬ КӨРӨН ÖВТӨ АСЫВВОДЗ**

Сэзь енэж шөрө төлысь джын  
Сюрс кодзув пиө йөжгыльтчөма...  
Пач трубаясысь пуркйө тшын,  
Мен йирмөг вир-йөдз оз мөрччы.

Сикт бара садьмө водзсьыс-водз.

Мен мамө туйө дасьтө көвдум.

Нянь көрөн өвтө асывводз —

Ок, кутшөм чөскыд көрөн өвтө.

Ас сиктөй лунө бана, рам:

Быд лым чир сьөлөмөс тан шонтө.

Пыр медводз сиктын чеччө мам,

Мам бөрын сэссия садьмө шонді.

\* \* \*

Гылалөм корьяссө вой төлыс чышкө,

Вой төлысь тэрыбджык дворник оз сюр.

Кымөра енэжыс — воймыштөм чышъян,

Кутшөмөн пөчө со вевттьөма юр.

Арлыдөн мышкыртөм сулалө сійө,

Пуж улө веськавлөм дзоридз кодь нэр.

Чусмөма синсьыс көть томдырся биыс,

Радрө на, аддзө мый вөр-валысь сер.

Вөвлі кад: йөктивліс,

гөрліс и көдзліс,

Верөскөд кыйлісны сьөла и тар...

Өні со беды вылө мыджсьөма пөчыс —

Быттьөкө мыджсьөма пөрысьмөм ар.

## МУСЛУН СЬӨЛӨМҮЯСЫН ӨЗЙӨ

Лидия Логиновалы

Паськыд, гажа веж видз вылын  
Кыдз пу восьтö тугья сыв.  
Сьылö Эжва нöрыс йылын  
Шобдi гөлöса том ныв.

Сьылöм сьөлöм шөрөдз сидзö,  
Кыдз нö ныв дорö ог мун?  
Ачыс кисьмöм оз кодь мича,  
Важөн гуис менсьым ун.

Сьöрысь нуа видз выв дзоридз,  
Нимкодьлунöй морöс тыр.  
Кутам гажöдчыны сёрöдз  
Аньпуöйкөд сьылигтыр.

Эжва ворсö енэж лözөн,  
Копрасьыштö лежнög куст.  
Муслун сьөлөмүясын öзйö...  
Некор, радейтöм, эн кус.

Сьы анж шөрö тийсэ джыт  
Сюрс кодь чы дйö йожьалычюма.  
Пак тузүжсьмь пурхйö тийм.  
Мичи анжжог аяр дйöдз оз моричы.

## **ӨНӨДЗ ПОМНИТА**

Өнөдз помнита: лөсьыдик статья,  
Мича гөлөса, томиник, шань,  
Синкым вылөдзыд съод юрси пратьяс...  
А со талун тэ — олома ань.

Вильыш зонкаяс, нывкаяс дзоргим —  
Дзоргим тэ выло сё визув син.  
Чужан лунад тэн козьनावлім дзоридз,  
Медым съолөмсьыд би кинь эз чин.

Сэки оломыс жебиник вөлі,  
Война уналысь мырддис сэк шуд.  
А тэ ышөдлін миянлысь съолөм,  
Көть и абулы — абу и суд.

Миян паметьö нэм кежлө колин  
Шань учитель и меддона ёрт.  
Гижис съылансö тэнад жö школьник —  
Өні тэ моз жö дзормөм нин морт.

## **КЫВТЫД ПОМЫД**

Шоныд рытö кывтыд помын  
Гудөк шыөн ыпйö томлун.  
Нывлөн кийс зонлөн кийн —  
Быттьö дзоридз дзоридз пиын.

Өта-мөдлы мелі нюмыс  
Восьтö медся гуся думъяс.  
Оз ков лишной сёрни-басни,  
Синъяс сёрнитöны асьныс.

Лысөм юра еджыд төлысь  
Аддзö радейтчөм том йөзлысь.  
Вежыс этшаджык мед петис,  
Кымөр сайö частö бердлас.

Төлысь, буракö, тшөтш кöсйö  
Корсьны ассьыс воштөм пөвсö.  
Кыйöдö, кор петас кыа,  
Сййöс шымыртны мед сывъяс.

Локтис бордъяс вылын асыв...  
Окалөм пöсь вом доръясөн  
Йөзлы нимкодь гортö мунны  
Час-мөд кежлö синъяс куньны.

## **ТОМЛУН**

Локтö Войвылö шондiа тулыс,  
Вайö аскöдыс виль сьыланкыв.  
Бара зонъяслысь уннысö гуас  
Том зыряночка — мичаник ныв.

*Припев:*

Томлун, томлун —  
кадысь водз эн дзормы,  
Миян гажлун,  
миян сьөлөм дой.  
Томлун, томлун —  
Эжва берег дорын  
Мича нывкөд  
мусакасян вой.

Нывлөн ошалö коскөдзис көса,  
Сись кодь стройной зырянкалөн статья.  
Югыд кыпыдлун сьолөмас öзйö —  
Локтö Войвылö радейтчан кад.

*Припев.*

Шоныд төвруыс окалö вом дор,  
Эжва ю вылын потласьö йи.  
Кокни платтьöа, лöz синма томдыр,  
Мыччыв миянлы, миччыв на ки.

*Припев.*

Лэбач сьылөмөн шызяс дзор парма,  
Ныла-зонъяслөн öзъяс любов.  
Юсьяс-турияс воасны бара,  
Миян томлунным бöрсö оз во.

*Припев.*

## **СЫКТЫВКАР**

Сыктыв ю бокын чöскыда öвтö  
Пашкыр пуяса вежөдөм парк.  
Сыктыв нöрысын сьылö да йöктö  
Мича ныв-зонма том Сыктывкар.

Сатин платтьöа визувтö юыс,  
Шлывгö Эжвалань нэм бöрся нэм.  
Уна сёрниа мөд татшөм муыс,  
Тэ кодь мусаыс көнкө мөй эм?

Тэныд кывбуръяс лыддьö Куратов —  
Коми мунымлөн кувлытöм пи.

Тэнад паметын усьöм салдатъяс —  
Öзйö морöсад Куслытöм би.

Кöдзыд войвылын, Сыктыв ю дорын,  
Уна кывъя йöз аддзисны ин.

Ылöдз нималан йөлöга горөн  
Важ зыряналөн радейтчанин.

Тэнад синъясын көчасьö шонди,

Джуджыд енежлань кыпалысь кар.

Аслад лов шыён войтырсö шонты,

Ов да выв, Усть-Сысольск — Сыктывкар.

## **ПАЖЫН КАДÖ**

Тулыс-нылöс топöдöма сывъяс —

Борйын узьö мудзöм тракторист.

Сылы пышкай сылö сыланкывъяс —

Ыбъясвывса медся бур артист.

Юрлöс пыдди пуктöма му шарсö,

Шебрас пыдди — шоныд, небыд төв.

Мудзöмысла пöсялöма трактор,

Сййö öнi быттö шойччысь вöв.

## ОЛА КӨТЬ КАРЫН

Частö воывла думысь  
Аслам ичөтик сиктö,  
Кöни кыалөн нюмыс  
Шуда лун вылö ликтö;

Кöни первойысь нывкöд  
Асья югыдöдз ветлі;  
Кысянь ичөтик ноппйөн  
Ас шөр туй вылö петлі...

Шондi петигөн ловзьö  
Лэбач гөлөсөн ывла,  
Йирсьысь мөсьяслысь öнöдз  
Жыннян шыяссö кывла.

Меным донаöсь ёльяс,  
Джуджыд туруна видзьяс...  
Кöни челядьдыр коли —  
Ставсö сьөлөмын видза.

Лэчыд коса и куран  
Кутны кужа на кийн...  
Дона сиктöй, тэ менö  
Помöдз лыдды ас пиён.

Сиктса йöз дiнö муслун  
Менам некор оз ямлы.  
Таысь медыджыд аттьö  
Талун висьтала мамлы.

Ачым ола көть карын,  
Но став вир-сөнөн — сиктса.  
Гашкө-й, сы вöсна бара  
Сиктлы кывбурöс сиа.



## ЮГЫД ЗДУКЪЯС

1

Мыйла, сьолөмөй, талун тэ пессян?  
Мыйла ывлаыс мен өмидз көра?  
Талун вом дорөс гильөдө менсьым  
Нывлөн синъяс кодь кельыдлөз төвру.

2

Енэж шөрас векныдик руд кымөр —  
Быттьө нывлөн шевкнитчөм руд көса.  
Часлы, сыысь кыа ассьым кывбур,  
Кодөс сэсса гижа енэж лөзас.

3

Топыд морөсыд гы моз кыпгьялө,  
Сьолөм чеччөмтө весиг кыла ме.  
Мелі синъясад муслун ыпгьялө...  
Вай жө окасям, мича ныланө.

4

Тэ коркө вөвлін пөсь да мича —  
Нач асья кыа.  
Тэ талун век на пөсь да мича —  
Нач рытгья кыа.

## **ОЗ-Ө КЫДЗЫС КОЛЛЬӨДЧЫНЫ КОР**

Со и ваймө, ваймө лунся жарыс.  
Гожъялыштөм ныв кодь ывла выв.  
Потшөс вывсянь петук чилзө яра,  
Садйын чикыш тэчө сьыланкыв.

Дзедьсьө шонді мөдлапөвса раскө,  
Унзиль тыын пуө посни гыч.  
Небыдика менам өшинь тасө  
Инмөдчылө өшинювса кыз.

Мыйкө меным шөпкөдыштө кылө,  
Төвру улас сыркмулө веж кор.  
Петала да юала ме кызлысь:  
Оз-ө менө колльөдчыны кор?

## **ИРИНЕЙ ДА ИРИНЬ**

Асывводзыс руа на,  
Гортас руныгө Ириней,  
Көні небыд вольпасын  
Нөдзласьыштө Ириньыс.

Йөзын бөрөн петгөдзыс  
Төрыт юис Ириней.  
Чөдъя йөлөн ужнайтіс  
Өтнас мича Ириньыс.

Ас кодьыс код бабакөд  
Шкоргис-узис Ириней.

Морös бердас юрлössö  
Войбыд кутліс Ириньыс.

Полігтырйи, гусьöник  
Поскöд кайис Ириней.  
Вывсьыс вöсни шебрассö  
Чужйис бокö Ириньыс.

«Кыдз нö кута висьтасьны?» —  
Жугліс юрсö Ириней.  
«Кövъялас вот лёк висьöм!» —  
Майышмуні Ириньыс.

Аддзис пасьтöм гöтырсö,  
Öзйис сэки Ириней.  
Мисьтöм матьöн ёрччыштіс  
Рочакань кодь Ириньыс:

«Оз тай тэнö морыс лый,  
Шöйтан-юан войколөн.  
Видлы менсьым корлыны —  
Öщöпекөн ойкöда».

\* \* \*

«Гижöдъясад ёна мусукасян...  
Ёсьджык тема оз мöй тэныд сюр?  
Нывъяслысь со липсö частö разян,  
Водтöдлан и... Абу тайö бур.

Гашкö, позьö вольпасьтöг да нёнтьöг,  
Мыйкöыдлы вöлясö эн сет,

Öтиös, то модös колян дзоньтөг...» —  
Тадзи видіс менö дзор поэт.

Ачыс, тöда, ышмывліс вель ёна:  
Ныв ли, пи ли быдмö тан и сэн...  
Сідзнад, менам висьтъясысь ныв-зонсö,  
Дзор поэтöй, эн вай көрит, эн!

\* \* \*

Муслуныд —  
збыльысь кө сійö пöсь муслун —  
Венас кузь туй кост,  
но тэнö пыр аддзас.

Муслуныд —  
морт моз жö öтиысь чужлö,  
Муслуныд —  
олöмад медсöстөм лача.

Муслуныд —  
збыльысь кө сійö пöсь муслун —  
Писькөдчö сьөлөмад  
дзольгысь ключ горөн,  
Шонді моз некор дзик,  
некор оз куслы,  
Дзоридз моз югыдлань  
чужөмнас нёрö.

## НАТАШАЛЫ

Весиг кула, да коля ме ловъя,  
Коля му вылас ассыым пось лов:  
Тэнад борд улын сынөдөн лоа —  
Ачыд гулюөн меным тэ ло.

\* \* \*

Енэжын пөртмасьысь кодзув  
Войбыд со лөз биён сотчө.  
Төлысь сэн — еджыд тшап дзодзөг —  
Бытгьökö кокасьö-вотчө.

Гашкө и мусуксö корсьö;  
Пөвтöгыд кузь төвся войыс.  
Сылы моз аслым — ог соссьы —  
Некодлы нюжөдны сойöс.

Стөрөж моз довъяла öтнам,  
Ывла выв лөнълунсö видза.  
Ныланöй-мусаöй, көн тэ?  
Шоглунöс мыйла он личöd?

Дзиръятö он восьты мыйла?  
Ылын на югдандор лöзыс...  
Кодзувсö босьтыны мый ли  
Муслунöс сьөлöмад öзтны...

## КОЗИН

Лөнъ тыысь гумовта кыа,  
Олан туй эз пемдыв мед.  
Эжвалысь сялькӧдчысь гыяс  
Гаж вылӧ козьнала тэд.

Меддона изйысь на мича  
Лысвалӧн дзирдалысь сер.  
Козьнала лысваа видзьяс,  
Гаръясӧс польдчӧдысь зэр.

Шонділысь югӧр тэд каття, —  
Сы кодъ жӧ пӧсь лоан, том.  
Кызд пулысь чусмывтӧм платтьӧ  
Козьнала казтыланпом.

Козьнала юсьяслысь горзӧм,  
Кельыдлӧз енэжлысь от.  
Донаӧй, мыйӧн ме озыр —  
Водзӧстӧг ставсӧ тэ босыт.

## ЫЛӦДИС СЭК МЕНӦ МИЧА НЫВ

Ӧтпӧлӧсӧн локтіс гожся рытыс,  
Лунъя жарысь сынӧд вӧлі пӧсь.  
Но съӧд кымӧр другӧн сэки кыптіс,  
Коді кытчӧ саймовтчисны йӧз.

Ӧдя зэрысь регыд сюри кобув,  
Тӧдтӧм нывкӧд орччӧн тшуки тан.  
Быттьӧ кыськӧ лэбзис шуда бобув,  
Нюмӧн ворсіс сылӧн чужӧмбан.

Гымалігтыр гудокасьö ывла,  
Этшсьыс петмөн йөктö кöмтöм зэр.  
Воом оз кодъ — сöвмöма нин нылыс,  
Чужöм серти платтьöыслөн сер.

Морöс пытшкам кыпгьялö том сьөлöм,  
Корсьö аслыс лöсялана пöв.  
Со тай... со тай... кöні сійö вөлöм,  
А ме, йöйыд, öнöдз ола чöv.

Гöтыр вылö, думайта да, туйö,  
Шаньöн лоö ськөд олан поз.  
Збоймöдчи да мöмьялігтыр шуи:  
«Кольöдчыны тэкöд поэьö оз?

Велöдчыны вои лун-мöд сайын,  
Чужаніной менам — Эжва йыв.  
Эг на тöдмась карнас аслам пайысь,  
Сідзсö, быттьö, карыс сьөлöмвыыв».

Шуны — шуи, ачым сэтчö кынми,  
Тöдлі нин көть таöдз мусук-мöд.  
Тайö здукас немтор кө оз гынмы,  
Дöзмöдчыны нылыслы ог мöд.

Сувтіс воча. Лöсьöдыштис платтьö,  
«Абу сакар — зэрсьыс дзебси весь.  
Аски паркын виччыся ме асьтö,  
Сэн фонтан эм... Аддзан менö сэсь...»

Чайті, мися, мамы сюрис моньпу,  
Ачым дзикöдз воштылі сэк ин.  
Мича нылыд вөлöма тай шмоньлив:  
Паркын эз вöv сьöн индöмин.

...Тайö вöли важөн Сыктывкарын,  
Нылыс, гашкө-й, öнöдз олö тан.  
Збыльысьсö жö Сыктыв бокса паркын  
Öнöдз абу ни öти фонтан.

## **СЁРÖН КАЗЯЛІ...**

Зарни амыся тöлысьсö судзöда,  
Брошка пыдди мед öшöдны морöсад.  
Тэнад синъясö лöz рöмсö рудзöда  
Паськыд люстра кодъ енэжысь — коран кө.

Ёлысь гумовта бисер кодъ кодзувсö,  
Пеляд исерга пыдди мед пысавны.  
Дзирйыв восьта пöсь сьölöмлысь öдзöссö:  
Сэтысь лыддян тэ, мый ог шу кывъясөн.

Гажа раскын тэд зарава войтöда,  
Кызд кодъ еджыдөн көсьян кө лоны тэ...  
Тадзи шулывлі тэныд ме войпукиг,  
Кор тай ыдждöдлі тэнö пыр шондiөн.

Сöмын көсйысьöм лоис тай весьшöрö:  
Тэд эз ковмыны кодзув ни, тöлысь ни...  
Мöдлы войвиин... Колин мен вежөрö  
Паськыд пармаын юралысь йöлаөн.

Сёрөн казялі: вöлөмкө, ачыд тэ  
Аслад синъясөн мичмöдан ывласö;  
И кор вадоркай енэжлань качöдчö —  
Тэнад гөлөсөн кыпыда шыавлö.

## ЫЛЫСМЫСЬ ТОМЛУН

Зарни томлунöй öвтчö со мен:

Аддза син водзысь дзоридза чышгьян.

Муса томлунöй, эн котöрт, эн, —

Мыйла та öдйö ме дорысь пышгьян?

Кöть тэ здук кежлö сувтыштлы вай, —

Тэтöг ковмас на колявны нэмöс.

Менö пöрысьөн эн на тэ чайт,

Кöть ме дзор, а тэ вöt нисьö вемöс.

Тэкöд югыдджык ывла выв мич.

Тэ мен вöвлн пыр гудöкъяс шыа...

Менам томлунöй дзирдыштлiс сiдз,

Кыдзи лысваын пöртмасысь кыа.

\* \* \*

Да, гожöм помын

войвыв дзоридз нэрмö.

Да, олан гажйыд

мöвп моз öдйö лэбзьö.

Ас вуджöрсыйд кыдз

пышйыны он вермы,

Сiдз аслад рöкысь

некытчö он дзебсы.

## СЫЛАНКЫВ

Валентина Есевалы

Сьökыд шуны кывъясөн  
Мусукöйлы дум.  
Мыла сыланкывъясөн  
Чужты сылысь нюм.

Сыланкывйыд висьталас  
Уна-унатор.  
Олан туйöс листалас  
Кыдзи медбур ёрт.

Кыпыджыка горöдлы  
Сывны, коми ань.  
Сыланкывйыд мортыды —  
Кыдзи шобдi нянь.

Сыланкывтöг ойбыртö,  
Гажтöмчö крут кыр.  
Кытi миян котöртис  
Кöмтöм челядьдыр.

Сыланкывтöг муслуныд —  
Кыдзи косьмöм ключ.  
Сытöг мусö кутлыны  
Мортлөн сыв оз судз.

Сыланкывйөн чуксалö  
Ассьыс пöвсö юсь.  
Сылыгтырйи юккалö  
Мусö визув ю.

Кашемир шөвк чышгян кор  
Кышө енэжтас,  
Лэбач сьылөм шыясөн  
Садьмө кыддза рас.

Тулыс кодь сөдз гөлөсөн  
Горөдлы тэ вай,  
Гажөд йөзлысь сьөлөмсө,  
Коми колипкай.

## ӨТКА КЫДЗ ПУ

Тэрыб ёль бокин, сикт кывтыдпомын  
Тугья сывъяса кыз пу со оло —  
Абу пөрысь, и он нин шу томөн,  
Овлө кыпыдөн,  
зумышөн овлө.

Бытгьө сөмын на мысьёма ёляс,  
Небыд турунө ва коксө чышкө.  
Өшлө морөсас сьөд сикөтш моляс:  
Гөсьтөс виччысьө,  
воас вот пышкай.

Кымын ныв-зон нин окасьліс тані,  
Кывліс кыз пуыс «но»- сө и «ог»-сө.  
Уна Оля да, Марья да, Анна  
Сыкөд юклісны радлунсө-й, шогсө.

Сійө стройнөя сулалө өткөн  
Менам син водзын верөстөм ань кодь.  
Вильыш төврукөд пөттөдзысь йөктас,  
Лөньө төлыс и кыддзыс сэк лантьө.

Лысва-синваыс петлас көть войын,  
Оз тай кияссö некоді мыччы.  
Пуртөн вöлыштан — морт моз жö доймö,  
Көть и висьтавны оз вермы кыддзыс.

Тэрыб ёльбокса эрд вылын гора  
Чаня көбыла йирсьö да гөрдлö...  
Менам сьөлөмöй овлö сэк норөн,  
Öтка дöва моз кыддзыс кор бөрдлö.

## **ЫЛАЛӨМ ВЕРӨСЛЫ ПИСЬМӨ**

Тэ вöлін снажен. Стройнöй вöлі ме,  
Тэн вöвлі пыжөн, пелысьяснас — ачыд.  
И öтув сынны чайтлім быдса нэм,  
Но ру моз вошис öта-мөдлөн лача.

И кыдзи вöсни стеклöысь бокал,  
Шань олөм орис — шөри пусь-пасьмуні.  
Тэ öшинювса туйвежös он таль, —  
Важ лым моз, гашкө, важөн нин ме вуні.

Көть миян костын вөлökыс зэв кузь,  
Сы кузя, кыдзи енэж да му костын.  
Но снимок вылад видзöдны ог мудз, —  
Öд лун-лун менсьым баба сьөлөм косьтан.

Син водзысь кытчөдз шондіыс оз берд,  
Ме сэтчөдз тэнсьыд лов шы кута кывны.  
Ог некор вунөд лысва дзирда эрд,  
Кысь вайлін цветьяс, юрö кытш мед кыны.

Төд вылад уськөд кывтыдпомса шор,  
Көн медводдзаысь окавлін зэв пöся.

Сэк бобувлөн моз чужліс менам борд,  
А водзын вөлі том гозъялөн тöлысь.

Сэк меным муртса тырис кызь кык ар,  
Сэк кисьмөм озйөн ыдждöдывлн менö.  
Мый морла тэнö кыскис тöдтөм кар —  
Та йылысь тöдö, гашкö, сöмын Енмыс.

Ме тэзысь öтдор некодöс ог корсь,  
Ог некыз эскы — лои мöй тэн мустөм?  
Вай гөгөр думышт, абу на öд сёр,  
Дай чужан сиктыд, майбыр, оз зырт мустö.

Со еджыд быгйын купайтчö льөм куст.  
Со гөрөм му, код нянь тупöсь кодь небыд.  
Со челядь шыөн юралö веж луд,  
Нач письмö чукөр — дзодзöг кельöб лэбö...

Ас кежын кывза лэбачьяслысь койт  
И кызкö шуштөм — сэсся бөрд көть серав.  
Жаль: тэтöг кольö войыс бөрся вой  
И бара метög — кага чужтан керка.

Öд весиг лэбач пöвтöгыс оз ов,  
А лэбачлөн моз пессьö менам сьөлөм.  
Оз ков мем уна, унаыс оз ков:  
Бөр öдйöджык нин лок ли мый ли сöмын!

\* \* \*

Мый сиа ёртлы чужан лунö?  
Здоровье, ыджыд шуд, кузь нэм...  
Мед нöшта мусмис Войвыв муным,  
Выль вынөн мусмис тэн и мем.

Мый нöшта сины? Сэссия нинөм  
Оз сюр нин бурсö сиан кыв.  
Нэм видзöд йöз вылас тыр синмөн  
И öти горөн накöд съыв.

## **КОДЗУЛА ВОЙ**

Йи куд улын, бытгö гортйын,  
Куйлö ю.  
Енэж шöрö вомöнасис  
Утка туй.  
Кыснан пань моз ворсö кодзув  
Лыд ни тшöт.  
Пыж кодь тöлысь лöня кывтö  
Сэни тшöтш.  
Киас беддя, пыжас сынö  
Кöдзыд пöль.  
Кыйöдча йöз дзирья дорын,  
Кынмö пель.  
Тшынтöм биөн öзийö-югзьö  
Кулөмдин.  
Томдырся моз öти том ныв  
Пöртис син.  
Кодзув, кодзув, югыд кодзув —  
Зарни тусь,  
Муса нывлы брошка пыдди  
Киас усь.

## ЛЫМАНЬ\*

Шондыс — доналём төчила.  
Кывъясөс сы вылын зудъяла.  
Судзода кымөрсө. Лыманьлысь  
Гын көмсө кымөрнас утъяла.

Войяснас енэжыс сзэдылө,  
Шыдөс моз киссьöны кодзувъяс.  
Лыманьöс көдзыд оз кезйöдлы —  
Куртö со кос лымсö лёдзьясö.

Том төлысь петöма кокасьны,  
Енэжас шыдöсыс пом ни дор.  
Ог көсийы Лыманькөд окасьны,  
Лыманьыд көдзыд, кын вом дора.

...Керкаын дзоля пач ваймöма,  
Мурка кань вугралö лабичын.  
Онялысь керкаö вая ме  
Аньöс, код медъяна глянитчö.

Эз пыр мед ме ордö Лыманьыс,  
Öдзöсөс игнала каличөн.

---

\*Лымань — Снегурочка

## ТУЛЫС-НЫВ

Локтіс миян грездө Тулыс —  
Сэтшөм радейтана, шань.  
Гатшасьома пасьтөм муыс,  
Быттьö кага чужтысь ань.

Бабитчыны сэтчö вола,  
Ловзьö көн быд ловъя лов.  
Вежай пыдди налы лоа,  
Сета налы ассьым ов.

Джуджыд кыз пу ныв кодь орös,  
Быттьö Енмөн чужтөм сись,  
Зараваон тыртö морös,  
Во чöж сэсса мед эз вись.

Тювкъялöны сьылысь кайяс,  
Дзоньталöны киссьөм поз.  
Ыджыд нюрын, вөр-пу саяс  
Кылö клювзö дзодзöг гоз.

Кильчö вылын пöчöй печкö  
Шондi югөръясысь шöрт.  
...Шедi Тулыс-нывлөн лэчкö,  
Кызди мездьсьны — ог тöд.

\* \* \*

Мен сэк вöли дас нель, нывлы — дас кык.  
Збой ме вöли, сийö — ыж кодь вöй.  
Вотчөм бöрын кодыр петім раскысь  
Окышти ме сийös... Йöй ме, йöй.

Окышті да мыйлакө тай бөрддзис:  
Кывсяс кө пө, мый сэк шуас мам?  
Өтчүд пө тэ окыштінін нин төндзи,  
Мыйла пө тэ петкөдлан лөк сям?

А мен нимкодь, шонді мозыс өзья,  
Нылөс бара окыштны ме дась.  
Быдмам пө да гөтрасьны кө көсьян,  
Нөшта окышт, он кө — вешы тась!

Унатор ме көсийиси сэк нывлы,  
Өта-мөдды лоны шулім сэк.  
Мукөд зонкөд весиг вежөгтывлі,  
Көть и косьөдз эг жө волөй, эг.

Дзолядырся мөвпьясыд зэв шаньөсь,  
Дзолядырыд — быттьө югыд вөт...  
Эжва йылын оло сійө аныс,  
Ним-овнасө чуйдыны ог мөд.

.....  
...Аддзысьлытөдз, дзолядырся муслун —  
Ичөтик да лөсьыдик вөй ныв.  
Думысь тэнө пөся-пөся кутла —  
Помөдз сьывтөм мича сьыланкыв.

Чөдья растө сьөлөмын ме видза.  
Козьнала тэн ассьым узьтөм вой.  
Лапкор вылын лысва — югыд, мича,  
Быттьө тэнад сэкся синва войт.

Он нин выльысь өзты томлун битө,  
Кольөм кадсө он нин бергөд, он.  
Со и ставыс. Васька Ёгор Витьө —  
Коркө тэнө окавлысь том зон.

## ПОЖЪЯСЬЫСЬ НЫВ

Алөй бан бока, лөнь ывла выв,  
Өвтө веж лудыс маон да йөлөн.  
Көмтөг тапиктө вадорө ныв,  
Тазйын лэччөдө пожъявны көлуй.

Кокни чышгьянөн тупкөма юр,  
Муыс кок улас туруна, шоньд.  
Быгья вом дора жарысла ю,  
Жарөн лолалө асывсянь шондi.

Пөрччис ас вывсьыс платтьөсө ныв,  
Быттьө васаыс син водзө сувтис —  
Еджыд юрсиа выль сьыланкыв,  
Орөм коскөдыс кинад көть кутлы.

Сотчө вир-яяс томлунлөн би.  
Медся шань зонмыс мед эськө ваяс!  
Лэбач бордьяс моз шевкнитлис ки,  
Сэсся чери моз гыбалис ваас.

Нывкөс береглань сибөдчис бөр,  
Дзугсьөм юрсиыс вевттьөма морөс.  
Нывлөн мичлуныс синмө оз төр,  
Нывлөн сьөлөмын гожөмыс ворсө.

Менам сьөлөмын ыпмунис дой:  
Көнкө тан аслам медводдза муслун,  
Коді паметьын олө кыз мойд,  
Коді өниөдз эз вермы кусны.

Нывлань дзоръяли-видзөді дыр,  
Ассьым том кадөс сингьясөн корси...  
Еджыд кымөрөн енэжыс тыр,  
Мыськөм дөрөм-гач быттьө сэн косьмө.

## ДӨВЕЧЛӨН ВИСЬТАСЬӨМ

Муніс төв ныр. Рыгъядорыс ланьтіс —  
Видзьяс вылө водіс мудзөм төв.  
Крөватьын ме куйла мургысь канькөд,  
Тамөть шуштөм важөн нин эз вөв.

Коймөд во нин дөвечала ачым,  
Но эг юсы, сьөлөмөн эг усь.  
Пасьтала, час, мича дөрөм-гачөс,  
Тшөтшөдышта ныр горулысь ус.

Сэсса ветла төдса дөва ордө,  
Нывбабасьыс бырөма нин гаж.  
Катыдпомын, ю берегын, гортыс —  
Абу выль, и абу ёна важ.

Туис тыр ме босьті чигья чери,  
Морөс зептө суйи водка доз.  
Быттьө эз и вөвлы лунся зэрыс:  
Шупалөма муыс, мир туй — кос.

Вөр-ва весьтын кодзув-мөд и югзёө,  
Вөтасьё нин рыгья унма сикт.  
Битөм керка... Сідзкө, аньыд узьё...  
Лыжалөны, кыла, кок и ки.

Ляпкыд поска кильчө вылас кайи,  
Век жө, сэсса, вөчи кутш да котш.  
«Татшөм сёрнас кодөс Енмыс вайө?» —  
Кылі гөлөс; сьөлөм — ётш да ётш.

Кызөктышті. Нимөс ассьым шуи:  
Конө Митрей Колюнь, мися, ме.  
Воссис өдзөс... Пыр жө мыччи туис,  
Керкаөдзыс лэдзас менө мед.

Пырёмөн тшөтш пукси пызан помас.  
Варовитам, кадыс көть и сёр.  
Сьёлёмнаным посьёсь, пыр на томось:  
Отлаын кө, кыкыслы ар сё!

Табак тшынёй лайкъялігтыр гартчө,  
Сэсса шуи, збоймөдчышти кор:  
Вайлы, мися, пара румка татчө,  
Сьёрысь, мися, выйим курыдтор.

Пельпом вылас павъялө сьод юрси,  
Пачводзсяньыс шуё: «Вая пыр...»  
Көть и төда, аньыс абу юысь,  
Кыкнаннымлы кисьті румка тыр.

Ветымыныс абуджык на сылы,  
Зэв на шыльыд гөгрөс чужөмбан.  
Сыктивкарын олө-вылө нылыс,  
Коді гожийс челядыскөд тан.

Шыбельяса, шондібан, тэ олөм.  
Гортын шуштөм. Войпука со көн...  
Кымын водзө, сымын бырө полөм,  
Сымын ёнджык зэлалө вир сөн.

Сьёлөм кылө аньысь сьёлөм шысө.  
Кутшөм на тэ мича, көчамач!  
Сойбордйөдыс крөватланьыс кыска,  
Вот-вот пөрчча ассым дөрөм-гач.

Аньыд пыксис, вылө лэптіс юрсө,  
Чужөм вывсьыс аддзи синва войт.  
Мый ме вөча? Мый ме, йёйыд, дура?  
Личөді сэк нывбабалысь сой.

Мыйкө быттьö пытшкам другөн орис,  
Киясöйлы вöлясö эг сет.  
Крöвать весътсянь миян вылö дзоргис  
Верöсылөн ыдждöдөм портрет.

Сыркмуныштис аньлөн джуджыд морös,  
Восьтис, аддза, каличсö гильс-гольс:  
«Талун ог на...көть и шань тэ мортыс...  
Табак тшынсьыд аттьö, Митрей Коль!»

## СИКТСА АННЯС

Уна Анна миян сиктын —  
Авъя, мича, лöсьыд аньяс.  
Ачыс нимыс весиг ликтö  
Мыйкө гажаос да шаньös.

Ю кыр йылын ыджыд керка,  
Öшиньяснас луно бана.  
Верöсыскöд кельчи керö  
Öшинь улас Пиля Анна.

Эстөн олö тожö кыйсьысь,  
Ботан выльös мортыд панö.  
Орччөн вурун носки кыö  
Верöсыслы Емель Анна.

Менам тьозö вöрын шежлö, —  
Звер-пöткаыд эм на тані.  
Верöсылөн воигкежлö  
Ломтö пывсян Öльök Анна.

Быттьö тöлысь вывсянь усис —  
Улич кузя мунö... Анна:

Сітан бекйөдзыс сьод юрси,  
Пельпом вылас лайкыд карнан.

Менам моньой — Пиля Анна,  
Медбур другой — Емель Анна,  
Суседкаой — Ольок Анна,  
Морос пытшкын — гуся Анна.

## **ВИДЗВЫВСА ГАЖ**

Гудок шыон ойдис паськыд эрдыс:  
Чирксьо чирк, и мазі ворсө вальс —  
Кузнеч Васькод орччон быгтьо петис,  
Гудокасьны петис Гушин Вась.

Веж видз вылас мича чужомбана,  
Еджыд юра йоктө бобонянь —  
Быгтьо йоктө сера сарапана,  
Тугья воня куломдинса ань.

Нимкодь сэки, олөмным кө тыр-бур,  
Ангел бордья кодыр ывла мич.  
Нимкодь сэк, кор сьолөмын виль кывбур  
Вежөдө, кызд Эжва бокын видз.

## ЭЖВА КАТЫД

Ок и мичаоьс татөні нывъяс,  
Ок и лөсьыда ворсө баян.  
Чикыш бордъяса выль сьыланкывъяс  
Мыла шыаоьс чужоны тан.

Эжва катыд, Эжва катыд —  
Помөсдін да Кулөмдін.  
Тані ловным миян радлө,  
Тані сьолөм аддзө ин.  
Тані ловным миян радлө,  
Тані сьолөм аддзө ин.

Коми муын тэ медкоми пельөс,  
Көні олөны енбиа йөз,  
Көні юмолөсь ыжман и пельысь,  
Гожся енэжыс Ен син кодь лөз.

Эжва катыд, Эжва катыд —  
Пожөг, Дереванной, Руч...  
Эжва катыд миян паськыд,  
Помсянь помөдз син оз судз.  
Эжва катыд миян паськыд,  
Помсянь помөдз син оз судз.

Эзысь дзирдъяса Эжва ю, шыныгы!  
Ло век пызан выв нянь-солөн тыр!  
Эжва катыдысь енвевтсө пыкө  
Выльысь ловзьөдөм важ манастыр.

Эжва катыд, Эжва катыд —  
Помөсдін да Кулөмдін.  
Эжва катыд, Эжва катыд —  
Миян муса чужанін.  
Эжва катыд, Эжва катыд —  
Миян муса чужанін.

## КӨН ТЭ ТАЛУН?

Бергалігтыр лэбө арся кор,  
Быттьө лэбө зарни бордъя бобув...  
Көн тэ талун муса, дона морт —  
Лөсьыд нюма, томиник ныв-бобө?

Лэбө олөм — вояс бөрся во...  
Вай жө шыась, мичаөй дай шаньөй.  
Көн тэ талун, лөз синма любов —  
Кузь көсаа, вөсни коска аньөй?

Тэтөг меным гажтөм Эжва дор,  
Кытчө лөня унмовсьөма войыс.  
Со и кывза чөвлуныслысь гор,  
Личөдны мед сьөлөм вылысь дойсө.

Тэтөг шогсьө менам сьыланкыв,  
Тэкөд дась ме вуджны ва пыр, би пыр.  
Көн тэ талун гөрд платтьөа ныв —  
Менам томлун, менө шонтысь бипур?

## КОЗИН

Эжва пөлөн гөгрөс видз,  
Лысва вылын ытшкам турун.  
Коса-гөрбуш швич да швич,  
Аски локтам татчө куртны.  
Коса-гөрбуш швич да швич,  
Аски локтам татчө куртны.

Покосын ме ог жө коль,  
Йөзыс ме бөрысь на вөтчө...  
Часлы, өкта лысва моль —

Мусукöйлы сикöтш вöча.  
Часлы, öкта лысва моль —  
Мусукöйлы сикöтш вöча.

Еджыд кымөр локтис выль,  
Вунда сийöс коса йылөн.  
Кымөр лестуксö, сё збыль,  
Нуа чышгьян пыдди нывлы.  
Кымөр лестуксö, сё збыль,  
Нуа чышгьян пыдди нывлы.

Дона дуки көть ог ньöб,  
Нывлөн муслуныс оз ваймы.  
Дзоридз дуксö быдса нöб  
Эжва дорысь гортас вая.  
Дзоридз дуксö быдса нöб  
Эжва дорысь гортас вая.

## **ОЛІС-ВЫЛІС КУЛÖМДИНЫН**

Ог нимсö нывкаыслысь инды.  
Ме, чайта, ачыс асьсö тöдас.  
Ныв оліс-выліс Кулөмдінын,  
Эг тöд сэк сы кодьсö ме мөдөс.

Рытпукны ветлім Эжва дорö,  
Көн пашкыр кыз пу öвтчö сывнас,  
Көн джыджъяс тивкйöдлөны гора  
Мен гөгөрвотөм сыланкывъяс.

Пöсь кисö шыльöдышта нывлысь,  
Дай окасьны нин вöлі кужа.  
А төвру вөрöдыштö кызлысь  
Луд вылын куйлысь кокни вуджөр.

Ме нывлөн көса помён ворса,  
А кузь да топыд сылөн көса.  
И Эжва гы кодь сылөн морös,  
Код бердö топöдчывны көсья.

Ме нылöс кутлі — ог и соссьы,  
А коскыс вöлі гум кодь вöсни.  
А синмыс вöлі дзирйыв восьса,  
Кызд быттö майын восьса öшинь.

...Ок уна колис сэксянь кадыс,  
А век мен мича тайö аныс.  
И кийн дзоридзьясөн дась ме  
Сы водзö сувтны пидзöсчаньён.

\* \* \*

*Чужан грездса, гжеджимса,  
медмича нывлы...*

Гожём, гожём... Муса гожём!  
Вотös-тшакла кыскö вöрыс.  
Кывтыдпомын, су йөр сайын,  
Гördön сотчö озья нöрыс.

Кельыд тöлысь верзьöма моз  
Öшкамöшка вывті рöдтö.  
Шурыд нывка кисьмём озсö  
Сюмöd чуманö со öктö.

Копыртчылас, веськöдчылас,  
Вомгорулас мургö-сьылö.  
Видзöдлас кө менам синмö,  
Сьölөмöй сэк сись моз сылö.

Зі кодь вöсни, орөм коска,  
Чужөм вылас кокни нюма.  
Рытгорувнас кольөдчигөн  
Лоас вом дорыс ок юмов.

Быттьө мусьыс мездмөм дзоридз,  
Сиктлань сэссия нылыд мунис...  
Жаль вот, сюмөд чуманас сэк  
Менсьым сьөлөмөс тшөтш нуис.

## **КЫДЗ ПУ**

Ань морөс кодь жө еджыд  
сылөн морөс.

Ань мыгөр кодь жө лөсьыд  
сылөн стать.

Шань төвру ськөд  
окаситыр ворсіс.

Сөдз лысва питі келіс  
гажа сад.

Веж коръяс вывсьыс кыддзыд  
лысва койис —

нач нимкоддысла бөрдіс

дзормөм ань,

мый дона пиыс гортас

бөр на воис

дзик батьыс кодь жө снажен,

мича, шань.

## ЮРКЫТШ

Енэж лөзыс Эжва кузя кывтö,  
Видзьяс весьтöд кывтö сьыланкыв.  
Дзоридзьясысь гожся шоныд рытö  
Юркытш кыö сьылігтырйи ныв.

Сьөлөм менам чеччö-ворсö,  
Сöмын мусукöй зэв кид.  
Талун гортö локта сёрөн,  
Мамö-мамукой, эн вид.

Мöдлапöвсянь öвтö кокни тöвру,  
Окалыштö нывлысь чужöмбан.  
Муса зонмыс — нывлөн сьөлөмшöрыс —  
Лöсьыдика гудöкасьö тан.

Сьөлөм менам чеччö-ворсö,  
Сöмын мусукöй зэв кид.  
Талун гортö локта сёрөн,  
Мамö-мамукой, эн вид.

Коми сьылан, мыладжыка юргы,  
Вөр-пу сайö, шондi, эн на берд,  
Дзоридзьясысь кыöm мича юркытш  
Ныла-зонлысь сьөлөм йитас мед.

Талун гортö воа сёрөн,  
Мамö-мамукой, эн вид.  
Зонмыс корасьны кö локтас,  
Мамук, тэ, благöслöвит.

## ТЭКӨД МЕ...

*Наташалы*

Тэкөд ме — гөрд розъя пелысь,

Тэтөг ме — вотөстөм яг.

Тэкөд ме — кык лопта пелыс,

Тэтөг — ю визулын чаг.

Тэкөд ме — төвся вой кыа,

Тэтөг ме — кодзувтөм вой.

Тэкөд ме — Эжва выв гыяс,

Тэтөг ме — йинёньысь войт.

Тэкөд ме — сьялкөдчысь тулыс,

Тэтөг ме — пакталөм шор.

Тэ меным медся на муса,

Му вылас меддонатор.

Тэкөд ме — лэбач моз сыла,

Сы моз жө шевкйөдла борд,

Сэки мен нюмъялө ывла,

Сэки ме пөт, тшөтш и код.

Тэкөд ме — чардбиа гожөм,

Тэтөг ме — кисьмытөм оз.

Тэкөд ме — шувгысь ён пожөм,

Тэтөг ме — өтка дзор коз.

## ЭЖВА ЙЫВСА АНЬЛЫ

Видзьяс весьтысь төв нырсö  
Бордъяс пыдди босьтла.  
Сьөлөмсьыд став öшиньсö  
Дзирйыв тэнсьыд восьтла.

Пыра тэнад олөмö  
Чардбиөн да гымөн,  
Пожом пулөн шувгөмөн,  
Эжвалөн веж гыөн.

Вөр-ванымлөн шыясөн  
Кöсья овны-вывны.  
Вөр-ванымлөн гөлөсөн  
Кöсья нэм чөж сьывны.

Козин пыдди муслунöс  
Сьöрысь тэныд вая.  
Кутчысьлам да окасям —  
Волам му выв райö.

Нэм чөж кута радейтны  
Эжва йывса аньöс —  
Ключ ва кодь жö сөстөмөс,  
Мичаöс да шаньöс.

Тэныд сиём кывбурöс  
Öтнад сөмын лыдды,  
Сэсся гартовт көсаад  
Алөй лента пыдди.

## **СУВТӨНЫ СИН ВОДЗӨ...**

Кос турун лёдз вылын гатшвидза чёла,  
Юр весьтын лёзалысь енэжыс сөдз.  
Гожъялём бан бокös шылькнитлө тёлыс,  
Зыньгöны ме гөгөр мазі да лёдз.

Томлунöй сьёлёмö вöзйысьö-пырö  
Пашкыр сьöd юрсиа, варов да збой.  
Казытылан мөвпгясөн морösой тырö,  
Кыла ме сьёлёмös гажöдан дой.

Сувтöны син водзö важ, кольём вояс —  
Быдман да велöдчан, верстямман кад.  
Эскылім коркö ми: шуда лун воас,  
Збыльысьсö эз тай ло некутшöм лад.

Вөвліны ёртгяс и бурösь, и шаньösь:  
Кодкö рабочöй, а кодкö поэт.  
Кампет кодь юмолösь вөвліны аньяс,  
Öнiөдз, прöститöй, наысь эг пöt.

Ставнысö радейтлі, пуктылі пыдди,  
Гажöй öд весьшөрö наысь эз быр.  
Олöмысь лист бокгяс думысь ме лыддя  
Лөзалысь енэжсö окалігтыр.

## **ТЫРТӨМ УЛИЧА**

Öвтö пöжалём капульön ывлаыс,  
Лэбö кадыс нач кокньыдик стих.  
Коркö мам менам татöні нылавліс,  
Батылысь гөлössö помнитö сикт.

Рыгтя рёмыдыс тапиктіс пос помөдз,  
Лөня пуксьö съод чышгьяна вой.  
Тыртөм улича. Көні нө том йөзыс?  
Мыйла морөсö йөжгыльтчис дой?

Водзті ныв-зонмыс параөн ветлывліс,  
Кывліс окасьөм сэні и тан.  
Дона көм-паськөм көть и эз шедлывлі,  
Ылөдз юргывліс сэк «Шондібан».

Чайта, весьшөрө съөлөмөй шогалө.  
Чайта, весьшөрө съөктаммө юр.  
Пемыд юрсиа арсө ме окала,  
Аслым кодыс кө аныс оз сюр.

## **ВИЧЧЫСЯ ЁЛЬ БОКЫН**

Нимкодь, кор ныв синмын көчасьö шонді,  
Сингьяснас сингьясөс менсьым кор шонтө.

Квайтымын арөс мен — абу на пөрысь,  
Аныдкөд овлывла зэв на и вөрысь.

Ныланөй, мичаөй, эскы мен, эскы:  
Морөсад бипур на ломзьөдла пестөг.

Виччыся ёль бокин, местаыс озъя,  
Берегас шувгөны кызьяс да козьяс.

Быгтьөкө ангельяс — лэбалысь кайяс,  
Некытысь он аддзы мөд татшөм райсө.

Яг шөрын ичөтик вөр керка выйим,  
Чөсмасям ознас и босьтла сэн сывйө.

Юмола окасиг вунөдлам арлыд,  
Кывзыштам съөлөмлысь гораа радлөм.

Ныланöй, мичаöй, волы вай, волы,  
Мортыдлөн олöмыс öтчыд öд овлö.

Котöрт нин! Озсö вай усътöдзыс вотам...  
Он кö лок — кулам да, жалитны пондам.

## **ПРÖЩАЙ, ТОМЛУН**

Прöщай, томлун!..

Чолöм, пöрысьлун!

Кутшöмджык тэ лоан: бур-ö, лёк?

Кадыс лэбö. Пышйö чöскыд ун,

Ок-ок-ок дай ок-ок-ок!

Пыр тай дзуртан, бытгьö мавттöм дзир,

Паччöрын и шонавлö ки-кок.

Синсьыд чусмö воддза югыд дзирд,

Ок-ок-ок дай ок-ок-ок!

Ньöбöм пиньнад сёркнитö он йир,

Кагалы моз вöлі медым рок.

Он нин малась — ыркалöма вир,

Ок-ок-ок дай ок-ок-ок!

Он и тöдлы, лоан мужик шой,

Сьölöм дойöдз таысь босьтлö шог.

А öд вöвлім аминь яр и збой,

Ок-ок-ок дай ок-ок-ок!

Оз нин сывлы юрси вылысь пуж —

Мöдысь гажа томлуныд оз лок.

Пöрысьмöмыд медся сьökыд удж,

Ок-ок-ок дай ок-ок-ок!

## МУЗА

Тэ, чужан сиктöй – менам ловъя муза,  
Сöдз Джеджимъю и кывтыдпомса рас.  
Став Аннаыс и Марьяыс тая муса,  
Став Иваныс и Ёгорыс мен ас.

Со, Емель Павел «Жигулисö» мыськö,  
Со, коса-гöрбуш лэчтö Ёгор Миш,  
Со, Виктор тьöзö ломтöма выль пывсян,  
Мен чигья чери вайö Евгений Гриш.

Важ ичöt сиктöй ассьыс олöм олö,  
Мöс жынняян шыөн ойдö рыгъядор.  
И нимкодълунөн тырлö сыысь лолöй,  
Мый эз на кус тан челядь дзользян гор.

Весът кузя сиктöй сирзьöм пу кодь винёв,  
Тан пöшти ставлөн мелөн кодь жö ов.  
Тэ талун көни, Дзöля Öндрöй Лина –  
Көн дас арöса медводдза любовь?

Став бурсö тэныд, чужан сиктöй, кевма,  
Ме карсянь аддза тэнсьыд чужöмбан.  
Тэ, чужан сиктöй – помавтöм поэма,  
Тэ, чужан сиктöй – гижтöм на роман.

# Мүйөвө жээкис

(нозма)



# 1

Шонді югөр китырьё он чабырт,  
Лун төлыс оз бергөд кольём лун.  
Сөмын паметь — быгтьё гыма чардби —  
Дзикөдз мырддис менсьым кокни ун.

Томлунёйкөд ашөр сёрни пана,  
Оз ло тані ылөдчана кыв.  
Вөсни коска, алөй чужөмбана,  
Синъяс водзё сувтө авъя ныв.

Морөс вывсьыс аддза кыз руд көса —  
Нывлысь ордым, ассьым олан визь.  
Синъяссьыс ме, кодъяс югыдлөзөсь,  
Думысь лыддя өнөдз гижтөм висьт.

# 2

Дядьводз нылөн Оля быдмис сиктын —  
Куим пөвстысь медся ыджыд чой.  
Коть и некод эз нин ов сэк пикын,  
Оля төдліс кедзовтөмлысь дой.  
Шочиника вичмывліс выль платтьё,  
И эз тырмыв гортас меліун.  
Зелля дінө велалөм скөр дядьөн  
Чурка-нылөн нимтөмыс оз вун.

Мамлөн сэки пöсьвлісны сөнъяс,  
Ывла югыд лоліс рудсьыс-руд.  
Том олөмөй, том гажөй, тэ көнъя?  
Мыйла тэ эн бергөдчыв, эн сувт?  
Тöрыгыясө косөдны кö позис,  
Мыетш эськö нимкодясис мам:  
Муслун биөн сьөлөмыс сэк ломзис,  
Ывла мичыс некор сэк эз ям.  
Воштіс шудсө чуньяс костөд ва моз, —  
Таысь Наста некодөс оз вöйц.  
Кусысь пач моз сьөлөмыд пыр ваймас,  
Сөмын шогсө йирө тай он вöйт.

...Чöскыд унмөн узьö миян Оля.  
Көть и шоныд, шебрöдыштö мам.  
Муса ныв көть талун абу дзоля,  
Куим пөвстысь сійö медся рам.  
Узысь нывнас нимкодясьö Наста,  
Видзөдö и кокняммылö лов:  
Синъяс водзас быттьö нывлөн батыс —  
Настанымлөн медводдза любов...

### 3

Мыччö кисö гожөмлы шань тулыс,  
Нимкодясьö гөгөр ловъя лов.  
Ызьём Эжва школа дорөдз туліс,  
Кытчö Оля ветліс бөръя во.  
Юсянь өвтысь төвруыскөд ворсö  
Школа йöрын веж кудриа сад.  
Татшөм здукö, вöліны кö бордъяс,  
Мортыд эськö лэбалыштны рад.

Пукало со Оля пуяс сайын,  
Киас кыз учебник да тетрадь.  
Ылын на коть медборья экзамен,  
Думсыс сылон — сыорас аттестат.  
Кыпыдон сэк лоо вольной светыс,  
Борйы, майбыр, сылом серти туй.  
Аслад кион олан бирур песты,  
Коло сомын воли мед морттуй.  
Тодо Оля, вочны кутшом воськов,  
Кони сийо аддзас аслыс ин.  
Тшокто сылом, нывлы медым босытны,  
Босытны медым велодысылысь ним.  
Оля бытхон лоас Сыктывкарын, —  
Сидзко, нылос виччысь, институт.  
А мый шуас Васылы локтан арыс? —  
Оля немтор думайтны эз кут.  
Сомын сийо отиторйо эско:  
Нывлысь думьяс бура тодо Вась,  
Муслун киньяс коді сын песто,  
Зоньяс повстын коді медся ас.  
Орчхонось со найо первой классянь, —  
Олялон пыр вовлі дорйысь зон.  
Дзеродысылы сюравлывліс Васьясьянь,  
Коді классын вовлі медся ен.  
Татони на Оля, варов садйын,  
Лыддысьо, но юрас нем оз пыр:  
«Мый но сыкод? Кытчо Васьо падмис?  
Мыйла талун абу татшом дыр?»  
Сэсся сувтіс, лосьодыштіс платтьо.  
Зонлон локтом матын оз на кыв.  
Синкым вивсыс вештіс юрси пратьяс.  
Лэбач сылом сылы сыломвив.

Сьөлөмвыв и паськыд лөзов енэж,  
Эжванымлөн дзор гыяса от,  
Кокув мулөн уна рөма эжыс,  
Кытысь мичсө нэм чөжнад он вот.  
Сьөлөмвыв и Васьлөн төдса гөлөс,  
Топыд мыгөр, мугов чужөмбан,  
Эжва бокө шевкнитчөм важ вөлөсьт,  
Рыгыясө көн кывлан «Шондібан».

«Со и вои... чолөм... гаж нин быри,  
Мөдлапөлө вуджалам вай тась,  
Тэрмасьөмла лолөй, аддзан, тырис», —  
Оля киө инмөдчыліс Вась.  
Нывлөн чужөм лои нөшта мелі:  
«Кытысь пыжыс? Вуджавны ме рад».

«Со мыйтаөн вуграсьөны челядь...  
Огө воштөй тані дона кад».

...Ныла-зонлы өні стөч дас сизим,  
Бөрө кольө кокни челядь ру.  
Өмидз моз жө мортыд сэки кисьмө,  
Сьөлөмыдлы сэки долыд-бур.  
Пырсө он төд — вежөглун-ө, муслун  
Ышөдөны мортөс, кодыр том.  
Сөмын Оля Васьөлөн оз вунлы —  
И оз ло мед йитөдныслы пом.  
Мөдлапөлын дзордзалөны видзьяс,  
Сэсянь ставнас синъяс водзын сикт —  
Оляяслөн керка, джуджыд кильчө,  
Ыджыд школа сыкөд орччөн дзик.

«Өні суөд!» — нюмъёвкерис Оля,  
Кокныдыка паськөдыштліс сыв  
И видз шөрлань руд юрсиа колип

Шлывгис-лэбис — воча нем эз кыв,  
Шоныд төвру окаліс пось вом дор,  
Котөртөмысь пөльтчис платтьö сос.  
Морос тырнас нимкодясис томдыр,  
Мöдысь кодi оз нин волы, оз.  
Чöскыд дукусь кольмö нывлөн юрыс...  
Вый пыр кыскөм сись кодь сылөн статья...  
Ныла-зонкөд радлö Эжва юыс,  
Копрасьö тшöтш берегдорса бадь.

Васьö вöтчö — вөтöдны оз тэрмась, —  
Гажлуныс эз помась дырджык мед.  
Водзын Оля — кылö гажа серам,  
Серам шыөн юралö став эрд.  
Кымын гожöм котравлісны татi:  
Куртлісны и ытшкылісны видз.  
Вунöдлісны сэки школьнöй парта,  
Донаджыкөн лоліс вөр-ва мич.  
«Кытчö пышъян? Сувтовкерлы, Оля!  
Мыйкö көсйö шуны менам лов...  
Пармаын тэ — медся визув ёлыс,  
Тэысь сөстөм ёлыс мем оз ков», —  
Бергалісны көть и уна думъяс,  
Лышкыд кывъяс эз на шулы Вась.  
Мөвпалö и петö кокни нюмыс —  
Талун, гашкö, висьтавынсö дась.

Оля кылö — öдйö тіпкö сьөлөм,  
Көть и нывлөн сійö абу жеб.  
И эрд шөрö Оля сувтіс чöла —  
Зумыд иддза

кисьмөм шобдi шеп.  
Чуньяс гөгөр гартлö көса помсö,  
Синмас ворсö енэж — сөстөм, сэзь.

«Өні, Васьö, лыддысьыштны ковмас,  
А то луныс мян кольö весь».

«Татшöм луно кыпöдчывны эськö,  
Видзöдыны енэжсянь му от.  
Мый көть эг вöч, эскы көть эн эскы,  
Синъяс водзысь аддза самолёт.  
Весиг вötөн кытчökö пыр лэба,  
Но быд пöрийö гортö воа бөр,  
Быттьökөнöсь бырöма став эбös  
И тэ локтан, шуан: «Сьölөмшөр...»  
Тэнö аддзöм бөрти садьма вöлись,  
Уличалань чатörтыштла юр:  
Öтка юсь моз лэбö сöмын тöлысь,  
Быттьö корсьö пöвсö, да оз сюр...»

Оля кывзис. Тупкис кыз учебник.  
Васьöланыö нюжöдыштлис ки.  
Сьölөм кылөм көть и зилис дзедны,  
Он тай саймовт радейтöмлысь би.  
«Кызди-й көсьян —

лётчикөн тэ лоан, —

Оля синнас кыйис зонлысь син. —  
Самолётөн лэбавны ме пола,  
Гудрасьö сэк менам сьölөмдін».

«Вот и сідзкö, велöдысьөн ло тэ, —  
Васьлөн петис ышöдана нюм, —  
Менам көсйöм, лоны мед пилотөн,  
Ачыд тöдан, — ичötдырсянь дум».

...Ныла-зонма пукалисны дыр на,  
Радлунөн да гажөн ловныс тыр.  
Сэссия бара аддзысясны рыгнас,  
Кыа петгöдз варовлун оз быр.

Тэрыб öда гыма-чарда гожом:  
 Помасьö жар шонди июнь.  
 Öшинь улын паськыд сывъя пожом  
 Чолöмавны кöсийö садьмысь лун.

Шонди бöрти регыд чеччис Наста:  
 Бригадирлөн помасьлытöм нок,  
 Торйөн öни, кодыр видзвыв страда,  
 Рудзмунлöны кодыр ки и кок.  
 Со и Наста пыжаяслань лэччö,  
 Чышгьян помнас ворсöдчыштö төв.  
 Көмтöм зонка вугралö со кельчи,  
 Лыа кöджас шойччö чаня вöв.

Морöс тырнад асъя чöскыд сынöd  
 Ульöлöс моз юан, да он пöt.  
 Пелысъясөн, майбыр, оз ков сынны,  
 Быттö бордъяс — тэрыб катчöс öд.  
 Наста синмын ворсö шонди югөр,  
 Гыөн ворсö Эжваыслөн от.  
 Коми сьылан пыжсянь ылöдз юргö,  
 Сывны мастак том и пöрысь морт.  
 Жаль, мый сьылöм быдöнлысь оз личöd  
 Войнаөн на кырыштöм ёсь дой.  
 Уна во кöть енэж лөнъ и мича,  
 Уналөн на чуктö синва войт.  
 Öни сьылöй,

сьылöй, коми аньяс,  
 Покос пантöдз ышмöдыштöй лов.  
 Пöльтысь төвнас мыськöй чужöмбаньяс,  
 Сьölöмныдлы шуштöмлун оз ков.

Со и винтыс дугдö песни васö,  
Береганьыс ачыс шуныгö пыж.  
Лысваа на кыпöдчысь сöдз асыв,  
Юöдз сунлö вожа бöжа джыдж.

Матыстчöны пыжлань Öньö гозья,  
Чолöмасьö — эргö Лайка пон.  
Конюкалö Öньö,

лэчтö коса,  
Узьланіныс — чомйö зэвтöм вон.

Öтпырйö нин казтышта ме тани:  
Öньö лоö Васьлы рöднöй пöль —  
Сотчысь танкын чишкавлöма бансö,  
Лöня шуöм оз нин кыв и пель.

Праздникъясö пысавлö медальяс,  
Морöсыс сэк ставнас эзысь дзирд.  
Нёнявны зэв радейтö йög каллян,  
Завидьлун ни горшлун абу чир.

«Питшöг тырныд талун тiян чассьö, —  
Шуö сійö, кырсö кайигтыр. —  
Чöсмöдлышта тiянöс ме, часлы,  
Свежöй юква руалö пöрт тыр.

Ставлы тырмас,  
ботайтчышти войнас

Шожим вискын — шеді кило дас...»  
Дед көть лябö коснас да и сойнас,  
Быдöнлы на отсög сетны дась.

Дедлысь кисö кутлö,

шуö Наста:  
«Ыджыд аттьö тэд, Андрей Ильич,  
Зильлунсьыд, и буралöмсьыд аттьö,  
Страда чöж он тöдлы шойччөг-лич».

Сьод пöрт улын бипур ваймö-чискö,  
Шуньгö ю — веж парманымлөн чой.  
Пызан сайын некод абу писка,  
Чери-юква, мыйта колö, сөй.

Босьталісны сэсся коса-кураң,  
Варовитіг разöдчисны йöз.

Ставлы нимкодъ —  
луныс пансьö бура:

Енэжыс со пасьталаыс лöз.

Лэбулынöсь бригадир да Öньö,  
Наста кийн бонзьыштöм блокнот.

Пасъялö со сэтчö — коді öні  
Уджавнысö воис, кымын морт.

«Кыдзи-мый нö Тимаыдкöд олан? —

Верöс йывсьыс казътыштіс сэк дед. —

Оля нылыд помалö шөр школа,

Велöдчыны водзö мунас, дерт».

«Олам-вылам, шуласны тай, сьодас, —

Ышловзигмоз кылö воча кыв. —

Кедзөвтö на öнöдз Тима рöдыс

Оля вöсна... Абу пö ас ныв...

Гажа юрөн Тима частö волö,

Кыв йылас сэк сылөн сöt да мат.

Слабог, быдмис,

быдмис менам Оля,

Сöмын жаль, мый абу рöднöй бать...»

Уна ва нин Эжва нуис сэксянь,  
 Уна колис син тупкывтём вой...  
 Аслад рёкысь некытчö он дзебсьы,  
 Весиг радлун вöчлö мортлы дой.

Сундук пытшкысь снимок перйö Наста,  
 Юрас мөвпгяс — быттё ылькйысь шор.  
 Сингяс водзас локтö кольём кадыс,  
 Ру пиын моз сувтö ловъя Пётр.

...Кык во коли война кусём бöрын.

Сирöтаөн пöшти коли сикт.

Вичмывліс тай бабаяслы бöрдём, —  
 Война пинь туй — быд керкаын дзик.

Сикт пасьтаын дөваяс да дедъяс,  
 Верстьö мужик этша воис бөр.

Наста батылөн олём сэн жö бердіс,  
 Кодлөн гажлун вөвлі парма-вөр.

Веськыд кыис мамлөн öнi Наста,  
 Сыысь öтдор, нöшта на кык чой.

Тильсян-мырсян, он тай жалит асьтö,  
 Көть эськö и жебиник на сой.

Но том сьолём век жö кольö томөн:

Рытын кыскö дзузган биа клуб.

Куим нывлы воö öти зонмөн,

Быдөн ськөд йөктыштны зэв люб.

Наста дiнö сибөдчис пыр Тима —

Чужём-рожа вылö шөркодъ зон.

Нывгяс пөвстын сөмын тай эз нимав,

Көть и плөтник, киподтуя, ён.

Самöкурөн öвтлис Тима дiнысь,

Мукөд зонмөс шеныштны век дась.  
Наста дінысь быд йөктысьөс синас,  
Нөшта содтас: «Ноко, вешйы тась!»

Мынтөдчас сэк Наста сылөн сывйысь,  
Лёкысь шуас: «Тима, яндзим төд!  
Зывөк босьтө йөзсө тэнад кывйысь,  
Колантор кө — радейтас мед мөд!»

«Яндысьны ог көйы некод водзын, —  
Нөшта вылө Тима лэптас юр, —  
Сөмын ачым лоа тэкөд орччөн,  
Мукөдьяслы оз ло мясянь бур!»

Волысисны өта-мөдныс ордө  
Насталөн да Тималөн кык мам.  
Кыкнанныслөн гөлөс ыджыд гора,  
Ошкылісны челядылысь бур сям.  
Сваттяясөн шулөмаось лоны,  
Гөрддзалам пө өтувъя выль рөд,  
Тимаыд пө зарни киа зонмыс,  
Наста кодь пө визув абу мөд.  
Тайө сёрни сиктын өдйө кывсис,  
Жөникөн нин лыддис асьсө зон.  
Сөмын өтказ сійө кыліс нывсянь:  
«Тэнад мамлы ог ме,  
ог ло монь».

Со и Тима воштө асьыс садьсө,  
Вөтлысьө ныв бөрся кымын во?  
Өтиөн көть нетшкы юрси пратьяс,  
Мырдысьөн тай мусаөн он ло.

...Сійö вонас, гөрны петан кадö,  
 Карладорысь воис агроном:  
 Зільысь мортыс, төлк төдысь и лада,  
 Варовиник, серамбана, том.  
 Председатель оланінсö индіс:  
 Настояслөн эм пö тыртöм жыр.  
 Бöрынджык нин шуис сэссия нимнас:  
 Уджным, Пётр Никитич, юр выв тыр.  
 Ачыд лоан юралысьöс вежысь,  
 Мый тэ воин, вывтi нимкодъ мем.  
 Кладовщиккöд амбаръясö кежав,  
 Кöйдысьясыд кутшöмсюрö эм...»

Регыд сійö төдмаліс став овмös,  
 Юралысьлөн лоис төлка ёрт.  
 Öткымынъяс шулісны пыр овнас,  
 Синъяс саяс прöстö — пришлöй морт.  
 Нывъяслы жö Пётрыд эз ло веськодъ,  
 Сибöдчыны кодкö зільліс пыр.  
 Наста кодъ тай сöмын эз вöв некод,  
 Чышкис-мыськис кодi сылысь жыр,  
 Кодi дугдiс ветлöдлыны клубö,  
 Кодлөн ылькйö-ворсöдчö том вир,  
 Кодлы зонкöд пукалыштны любö  
 Мам син сайын, мед сійö эз «йир».

Уна төжда войнабöрса пöра,  
 Колöм серти он пасьтась, он сей.  
 Век жö олöм гажа, чöскыд көра,  
 Сывъялö кор мусукыдлөн сой.  
 Ылысянь на зонлысь кок шы кылö,  
 Кодлөн ставыс кажитчö зэв ас.

Вольной светыс нөшта югдіс нывлы,  
Да и арлыд сөмын на кык дас.  
Сарөгмөмны уджысла нэр кияс, —  
Верстяммисны өдйө сэк ныв-зон.  
Өти муслун гусьоникөн йитіс  
Кык том сьолөм — шонді кодь жө дон.  
Радейтөмыд, воас кө, оз юась,  
Туом Эжвалөн кодь сылөн гор.  
Гозйөдчөмөн олоны кө юсьяс,  
Радейтчытөг олас өмөй морт...  
«Жөникпуыд тэнад сөмын Тима, —  
Мамыс дольліс нывлы лунысь-лун, —  
Йөзысь воом зятьөс ме ог примит,  
Да и ачyd некытчө он мун.  
Чойястө ме өткөн кыдзи верда?  
Коллялөма кымын узьтөм вой?  
Бөрдөмысла синмөй регыд бердас,  
Тэ көть, Наста, эн вөч сьолөм дой...»  
«Өтувтчам да Петя лоас тані, —  
Эскөдывліс мамсө нормөм ныв. —  
Ёнмыштам да выль керка сэк панам,  
Тималы жө — оз ло сөглас кыв.  
Овнысө өд верөсыскөд меным,  
Да и өні абу важья кад.  
Став бурсө, мам, миянлы тэ кевмы,  
Петялы и меным лоө рад».

## 7

...Төвся рыт. Пётр гижис гортас письмө,  
Сы ордө кор пырис почтальон:  
Кабалатор мыччис гегдөм кисьыс,  
Көдзыдысла чужөмыс гөрд дон.

Дзоля пачын трачкакылö пескыс,  
Плита вылын сёян-юан дась.  
Пызан помын куйлö со повестка,  
Военкомлөн көнi кырымпас.  
И эз тöдлы, кыдзи пырис Наста,  
Бöрладорсянь тупкис сылысь син.  
Нывлөн сьөлөм чеччö кутшöм частö! —  
Оз нин аддзы Наста аслыс ин.  
«Тэнад жырйын меным пырджык шоныд, —  
Зонлысь бан бок окыштiс сэк ныв. —  
Кутшöм юөр вайис почтальоныд?  
Мыйла зумыш? Шу көть öти кыв».

«Вайисны мем сöмын на повестка,  
Армияö мунны воис кад.  
Янсöдчыны сьökыд лоö тэкöд...  
Ылi муяс аддзывны, дерт, рад».

«А ме көсйи нимкодьöдны тэнö,  
Шöпкöдны зэв ыджыд гусятор,  
Кодöс төдам ме да сöмын Енмыс...» —  
Нывлөн гөлöс пыр жö лоис нор;  
Эжва вылын кыдзи арся шуга,  
Сьөлөмас сiдз йизис-кынмис шог.  
«Лоа мамөн... Аслам мам көть увгас...  
Виччысьны пыр кута, сöмын лок!»

«Бур юöрсыйд, Настук, ыджыд аттьö,  
Кыдзи шуин — сiдзи-й лоас мед.  
Лёкторъясысь быд ногыс видз асьтö,  
Лун кост мысти кута гижны тэд.  
Служба бöрын öтлаö пыр колям,  
Кутам овны миянын көть тан.

Ныв кӧ чужтан —  
пукты нимсӧ Оля,  
Пи кӧ чужтан —  
лоас мед Иван...»

Кургисны ас кежын ныла-зонма...  
Сӧмын тӧлысь — кодзувъяслӧн тун —  
Сюзь моз дзоргис на вылӧ зэв ёна,  
Асылӧдзис синъяссӧ эз кунь.

## 8

Мӧдӧдывліс письмӧ бӧрся письмӧ  
Эжва бокса муслуныслы Пётр.  
Со нин бара парма вотӧс кисьмӧ...  
Наста гыркын чужъясьӧ выль морт.  
Петя йылысь мамыс скӧра долис:  
Жӧникыд пӧ оз лок татчӧ, оз,  
Чуркаӧн пӧ тэнӧ татчӧ коляс,  
Донаджык пӧ лоас чужан поз;  
Янӧдас пӧ чойястӧ и асьтӧ,  
Шоглуныс пӧ вичмас асьыс пай...

«Оз ло чурка! — вочавидзліс Наста, —  
Сылӧн эм и лоӧ аслас ай».

Виччысьыштам, мый на лоӧ водзӧ,  
Олӧм лэбӧ, быттьӧ дзодзӧг-юсь...  
Настанымлӧн муслун абу орчӧн,  
Гожся вой, а кажитчӧ зэв кузь.  
Радейтӧмыд — медся сьӧкыд висьӧм —  
Мортыдлы тай шойчӧгсӧ оз сет.

Юрлос улас Петясянбыс письмө,  
Сэн жö сылөн мичаник портрет.

«Олан-вылан, сьөлөмшөрöй-нылöй,  
Синъяс водзын тэнад чужөмбан.  
Мелі гөлос тэнсьыд татчөдз кыла,  
Век тэ мекөд орччөн — баттьö тан.  
Служба вылын ставыс лючки-ладнө,  
Видзам ми граница вой и лун.  
Регыд петны ковмас мем нарядö,  
Но и сэні, Настукöй, он вун...» —  
Письмөяссö лыддьö весиг вөтөн,  
Унзільйывсьыс корсьö сылысь сой.  
Муөн, няньөн сысянь быттьö öвтö,  
Быттьö чышкө зонлысь ньылөм войт.  
Мыйөн садьмас — шай-паймунас ачыс:  
Аддзылөмыс вемос али вөт?  
Оз на лябсьы, ломтас горсья пачсö,  
Дыгыдмис көть аслас ветлан өд.

...Ньөжйөникөн ваймө югыд ывла, —  
Рытгорувлань небзьö лунся жар.  
Енэж помас кольö банйөм кыа, —  
Öмидз рөма, дзедьсьö шонді-шар.  
Вөр-ва вылө войыс лөня водö,  
Ставлы сиö мича, чөскыд ун.  
Миян Наста тавой врачьяс ордын  
Асьядорөдз синъяссö оз кунь.  
Вольнöй светö чужö содтөд олысь,  
Войнабөрсä чужö дона морт...

Парма-мамöй, шоныдджыка лолышт,  
Сөстөм синъяс меліджыка восьт.

Комнатаын дзуртö кага лайкан,  
 Потан дорын «өввö» сьылö мам.  
 Наста ордö Тима пырö сайдөн —  
 Вышивайтöм дөрöма и рам.  
 Гусьöникөн нимкодясьö сийö,  
 Наста вылö горша дзоргигтыр,  
 Картузсö пыр нямрöддыштö киас —  
 Майшасьöмыс некыдзи оз быр.  
 «Кыскö, Наста, öтарö тэ ордö, —  
 Кызöктигмоз шуис кортöм гөсьт. —  
 Пришлöй мортыд чегис вечик бордтö,  
 Колян сылы кöдзыд нисьö пöсь.  
 Дыр на ковмас служитны сэн сылы,  
 Рочаканькöд, гашкö, локтас сэсь,  
 Эскы, Наста,

эскы менам кывлы:

Ог öд жугöд ачымöс ме весь.  
 Нывуловнад сиктным кöть и озыр,  
 Морöс кудйöй тэтöг тыртöм-куш.  
 Овны эськö тэкöд öти позйын...  
 Вежöгла сэк радейтны эг куж...»

«Шмонитан-ö? Висьталан-ö збыльтор?  
 Чир мында оз эскы тэныд лов.  
 Петяыдкöд ставыс миян тыр-бур,  
 Сылөн сөстөм

ме динö любов.

Радлунсö и шоглунсö ми öтвыв  
 Кутам нуны Петякöд нэм чöж.  
 Он и тöдлы, кадыс кыдзи рöдтас...  
 Оля вöсна öнi медпöсь тöжд».

Тима перйис ыджыд табак көшель,  
Көні вөлі чорыд самосад.  
Корасьомнас көть и эз ло дөвөль,  
Тані дыр на прөста лотіс кад.

## 10

...Котралө нин Оля аслас кокөн —  
Сяльгысь ключ кодь гөлөс,

пыскыль кыв.

Регыд... регыд гортө папыс локтас,  
Со нин кутшөм сылөн дзоридз ныв...

Сөмын шудыс мөд туйвежө кежис,

Ыджыд лача сыліс кыдзи йи.

Му вылас тай зэв на уна пезжыс:

Мирной кадө...

усис парма пи.

Вөлі вой, кор сулаліс дозорын,

Кодыр пансис врагкөд биа кось...

Кыдз геройлөн,

олөм сылөн орис,

Но эз сетчы,

бөрланьө эз кос.

Сылөн вирыс

Оля сөнын оло,

Шонтө нывлысь сьөлөм,

шонтө лов.

Дженьыд вөлі Петялөн пось томлун:

Бать ним колис,

верөсөн эз ло.

...Ыджыд шогыс нюкрөдлө нэр сьолөм,  
Паськыд эрдъяс вевтъё еджыд лым...

Бабаяслысь Наста кылө гөлөс:

«Тимаыд тэ динө важсьыс пым.

Ассьыд шогтө ськөд тэ и личөд,

Өнөдз сийө нывбабатөм морт.

Ас нэмнад тэд быдторйыс на вичмас,

Петя вөсна вийсьынытө сёр.

Ачыд төдан: пөвтөг кутшөм көдзыд

Дөваяслөн вольпась, но быть ов;

Думсьыс Енлысь чуксалөны өнөдз

Война биын сотчөм том любов.

Верөсныслысь юрсө пыдди юрлөс

Малалөны унйивсьыс кузь вой.

Кытыськө пыр виччысьөны юөр,

Личөдыштны медым сьолөм дой.

Окавтөг пөсь вом доръясныс косьмө,

Кыдзи косьмө киськавлытөм цвет.

Верөсьясныс петисны сэк косьө,

Ловъяяслы бура овсис мед.

Тэн жө, Наста, майшасьнысө нинөм —

Корасьысьыд, майбыр, том и ён.

Оляыдлысь батьсө вежас Тима —

Абу сыметь кулитана зон...»

Дыр на йирис Тима ассьыс гыжсө,

Кытчөдз Наста ньылыд кыв эз сет.

Медсясө нин мамыс сийөс ыштіс,

Мужикнад пө Тима лоас мед.

...Бара лунтыр ыджыдаліс турөб,

Лымья вольпась дзугис чизыр төв.



Бордъясьоны позйын лэбачпиян,  
Кыскö найöс енэжлөн лöz от...  
Медицинскöй справка Васьö киын:  
«Тэысь артмас, — шуисны, — пилот!»  
Кодлы кытчö — туйыс гөгөр восьса,  
Некод тэныд мешайтны оз кут.  
Зумыдджыка аскиас век восьлав,  
Но туй джынъяс эн падмы, эн сувт.  
Уджавны да велöдчыны право —  
Сэтшöм выйим тöдчана закон.  
Шудаа мед олим-вылим ставөн,  
Воши мортыс уна миллион.  
Памятникыс налы — мирнöй олём,  
Дöваяслөн шогсьысь чужöмбан.  
Паныдасиг сетам биа чолём  
Из салдатлы, сулалö код тан.  
Оля пуктö сэтчö эрдыс дзоридз,  
Ыджыд батлөн сэн жö ним, вич, ов,  
Коді нöйтис врагöс Эльба дорöдз  
И йöз муын пуктис ассьыс лов.  
Олянымлөн синъяс водзын воссьö  
Сиктлөн серпас — гөгөр мича збыль.  
Юыс нюлö джуджыд берег дорсö,  
Унджык керка шифер вевта, выль.  
Быттö тыын уялö съод дзодзöг —  
Мöдлапöлын трактор ытшкö видз.  
Енэж шөрö водö еджыд лёддзөн  
Реактивнöй самолётлөн визь.  
Эжва кузя теплоход со катö,  
Нывлы öвтчö —  
шпоргö сэн флажок.  
Оля вылын кокни ситеч платгö,  
Гожъялöма лöсьыд статя кок.

Шевкнитчöма синкым чикыш борд моз,  
Вом доръясыс — быттьö кисьмöm оз.  
Эжва гы моз кыптыштöма морöс,  
Пелысь пу кодъ нюдз да вöсни кос.  
Варовитö сыкöд гажа ывла,  
Унджык мичыс сэсса оз и ков.  
Мойвиас-ö Васьлы тайö нылыс? —  
Вочавидзас асланыс любов.

### 13

Куимысь нин ылысмыліс гождöm.  
Куим пöрйö дзоридзавліс льöm.  
Варов ёльяс, дзользиг уна вожөн,  
Мичмöдлісны парманымлысь рöm.

Наста лыддьö Олясянныс письмö:  
Помала пö регыд коймöд курс.  
Васьö корö: арланыс пö гижсям,  
Венечувса платтьötö пö вур.  
«Думайтнысö ачим весиг пола,  
Кöть и меным тырö, мам, кызь ар.  
Öнöдз пыр на тэ борд улын олi,  
И друг верöс — весиг босьтлö жар.  
Пыдди пукта Васьöос ме ёна,  
Ичötдырсянь сійö мем шань ёрт.  
Но öд, мамö, бөръя куим онас  
Олöманым вежсис унатор.  
Вуктыл вожын сійö вертолётчик,  
А мем велöдчыны вель на дыр.  
Ас кодъ том йöз öнi мекöд орччөн,  
Унджык кадсö öтлаынöсь пыр.  
Жöникпуыд карад, майбыр, тырмö,

Миян курсың эм жö сэтшöм зон:  
Васьöланьö муно весиг ныр-вом,  
Васьö кодь жö мугов, снажен-ён.  
Кино выlö ветывлам ми ськöд,  
Сöмын лёксö немтор, мам, эн чайт.  
Кöть и сэки, кодыр овлам кькөн,  
Тожö шулö: гöтрасям пö вай.  
Мöдарö сэк бергöда ме сёрни,  
Менам, мися, жöник важөн эм...  
Стройотрядкöд мунны ёна корö,  
Гашкö-й, збыльысь, ветлыны тшöтш мем?  
Тырджык синмөн видзöдла тшöтш олём,  
Öдортчыны ёртьясысь оз позь,  
Бöра-водза гортö бытьён вола,  
Сöмын ог тöд: Васьö дöзмас оз?..  
Мамавныд пö удитан ас нэмад, —  
Пöдругаяс шуывлöны тан.  
Мый эськö тэ сöветуйтан меным? —  
Веськыда гиж ставсö, дона мам».

Помсянь помöдз Наста лыддис кькысь,  
Сылөн чужис аслыснога тöжд:  
Васьö сайö петны думсьыс пыксö,  
Сьöлём серти нывлы, гашкö, мöд?

## 14

Наста вылын быгалыштöм ковта,  
Кöртöд улын тöдчö  
бабаюр.

Öшинь пырыс аддзö юлысь ковтыс,  
Гöвкъялыштö кöни кизьөр ру.  
Тшайподалис порог дорын туфли.

Зэрөм бөрти сынөд лөнъ и сөдз.  
Мыссьөм турун лои вежджык, улис,  
Лөзов енэж

бытгьö зэвтөм жöч.

Вөр диланьö Наста лэччис-кежис,  
Öтмөдарас пластнитчöма видз.

Коркө тані Петякөд ас кежын  
Видзөдісны шонді петан мич.

Кывзылісны öта-мөддысь серам,  
Дзоридзьясысь кылісны венoк.

Насталы зэв муса тайö эрдыс,  
Пальөддывлö тані ассьыс шог.

Оля йылысь думыс юрсö личкö:

Кыз-мый гижны — эз ло медем сёр?

Бөръя письмö мамлы пыдö сидзис,

Первойысь öд лыддис татшөмтор.

Төдіс кө, дерт, письмö йывсьыс дядьыс,

Тималы сэк быд ног вöлі масьт.

Сылы веськодъ — коді лоас зятьөн, —

Оляос öд сетны важөн дась.

Регыд мысти Наста вочавидзис:

Радейта пö батытö öнөдз век.

Сундук пытшкын снимок кодос видзис,

Письмö костас суюис тшөтш жö сэк.

Сыктывкарад ыждад пö портретсö,

Гөрдитчы, мый сійö тэнад бать:

Автоматсö кутö морос бердас,

Нюмъялігтыр видзөдö сержант.

«Öні, гашкө, каитчыны сёр мем,

Дядьыд сайын шудаөн эг вöv.

Юрси кындзи, сьөлөмыд тшөтш дзормө,

Ас сертиыд кодыр абу пöv.

Мустөмыдкөд овны вывті шуштөм,

Шырби дорын шонтысьом кодь дзик.  
Виж сёркни моз важон эськө рушми,  
Не кө тан бур йөзыс да ас сикт.  
Дөва моз жө верөс сайын ола,  
Йөзлөн гажыс — тшөтш и менам гаж.  
Думысь частө томдыр кадө вола,  
Коді өні бөрө кольөм, важ.  
Мамыс тэныд став медбурсө кевма:  
Мед оз исковт некор синва войт,  
Лунся югыд тэныд мед эз пемдыв,  
Кодзувъясөн дзирдаліс мед вой.  
Бөрийы аслыд  
кутшөм колө ордым,  
Мамыс некор падмөдны ог кут.  
Му вылас өд өтчыд олө мортыд,  
И быд мортлөн аслыснога шуд.  
Кодсюрөлөн сійө ыджыд нэма,  
Мукөдьяслөн дженьыд, кыззи вөт...  
Сьөлөмыдкөд вензыны он вермы:  
Кыззи көсьян — сідзи-й ставсө вөч».

## 15

Сиктысь войсө вөртас сайө синіс  
Гөрдөдз пөльтчөм шондыслөн дзирд.  
Садьмөм асыв тільө ассьыс синьяс  
Потанвывса кага моз жө дзик.  
Нөдзласьыштө Оля посводз вонйын,  
Ставыс тані ас и төдсатор.  
Морөс бердас топөдөма сойнас  
Кыз руд көса — нимтөм чукля шор.  
Сэтшөм лөнь. И пөттөдз узыны позьө.

Мыйлакө тай пышйö чöскыд ун?...  
Думсьыд, гашкö, аддзан ассьыд кодзув,  
Коді войбыд синъяссö оз кунь?

Шöпкөдан тэ, гашкö, мамлысь письмö,  
Кодöс ставнас тöдан наизусьт?  
Юдор ягыс, вотöс кöні кисьмö,  
Дум вылад тэд сійö эз-ö усь?

Гашкö, нылö, Васьöыд оз тырмы  
И оз гажöд тэнö мöдлапöв?  
Мыйла сёрöдз керкаö оз пырсьы  
И нель рыт нин кольöдысь эз вöв?

Дзик на ставыс водзын тэнад, Оля,  
Но пыр тöд, кор вуджан олан туй:  
Кыкысь помся гожöмыд оз овлы,  
Радейтöмад велöдысь оз туй.

Сöмын сутки коли овны гортад,  
Чужан сикткөд янсалан тэ бөр:  
Виччысьöны ССО-ысь ёртъяс —  
Кöсийсьöмтö олöмö быть пöрт.

## 16

Лунтыр зэрис. Рытъявылö кобис.  
Енэж бара шевгöдiс лöз борд.  
Карсянь воис сöмын на автобус,  
Чеччис сэсь и томиник пилот.

Школа весьтöд Оляяслань кежис,  
Шöпкöдыштö нывлысь дона ним.  
Чолöмалö зонмöс быгъя Эжва,  
Чолöмалö аслас чужанiн.

Со и керка. Восьса кильчö öдзöс.  
Петіс Наста — кутліс зонлысь ки:  
«Гöсьтөн лоан, пырам да вай пöрччысь,  
Самöварö пыр жö чöвта би».

«Гижліс меным Оля лун-мöд сайын,  
Гожöмбыд пö сиктаным ог ло,  
Недыр кежлö гортöдз сöмын кайла,  
Верман кө пö, волы. Вой со...»


«Муніс тöрыт... Лэбзис самолётөн.  
А öд тэнö виччысис быд лун.  
Некымынысь ветліс весиг портö,  
Колис письмö...Тайкö эз и вун».

Жугыльмуні Васьölөн сэк сьölөм:  
Ассьыс гажлун сідзи эз и су.  
«Локті эськö водзджык, кад кө вöлі», —  
Нывлы öні тадзи он нин шу.

Кильчö вылын Наста мыччис кисьыс  
Васьöнымлы адрестөм конверт —  
Дженьыдик, но виччысяна письмö,  
Олялөн көн посни гижöд-сер:  
«...Места вывсянь юöрта ме ставсö,  
Öні сöмын кык кыв пасья тэд:  
Радейтан кө - нөрöвитлы, Васьö,  
Верöс сайö таво ог на пет...»

**1977 во.**

Локтёй,  
мира вётъяс



## КУРАТОВЛЫ ПАМЯТНИК ДОРЫН

Кыдз быттьö ловъя, сувтöма поэт  
Да чолöмасьö уличывьса йöзкöд,  
Сьöд кудри сылысь төвруыс оз лет  
И пальтоыслысь пöласö оз вөрöд.

Кор пуксяс төв — поэт сэк лолö дзор,  
Лым шапка видзö кынмалöмысь сийöс.  
Лун море дорсянь тулыс воас кор,  
Поэтным сэки вöйтчö дзоридз пиö.

Пыр сийö йöзкöд — Коми мулön пи:  
Вот сулыштас и мöдас Кебра сиктö.  
Из морöс бердас топöдыштö ки,  
Кыдз быттьö öнöдз сьölöмыс сэн тiпкö.



## ЗАРНИ ГӨЛӨСА КОЛИП

*Серафим Поповлы*

Небыд төвруөн өвтыштө парма,  
Колип воомлы сьөлөмөй рад.  
Блі мусянь өд локтіс со бара  
Зарни гөлөсөн гажөдны сад.

Сизим рөма вель сьыланкыв кисьтө  
Кыддза расьясын пом ни дор.  
Сылөн музыка сьөлөмө письтө,  
Сетө кывбурлы вынаджык борд.

Сэссия гөлөсыс сёрөнджык бердлө, —  
Колө өкмөдны колиплысь рөд,  
Чужөм кагасө юктавны-вердны,  
Кытчөдз лэбавны ачыс оз мөд.

Гожөм помланьё эновтө расьяс,  
Весиг прөщайтчан гөлөс он кыв:  
Вомас быттьөкө босьтөма васө  
Парма ёлысь — и некыдз оз сьыв.

Гашкө, шогысла чөв олө сэки, —  
Сыкөд бара ог аддзысьлөй дыр.  
Мыла гөлөса колипөй, эскы:  
Тэнө парманым примитас пыр.

## Роч гижысь Пётр Столповскийлы

Откодлуныс уна  
 Миян костын эм.  
 Кыкнаннымлы медводз  
 Сиа ме кузь нэм.

Мусмис тэныд Войвыв —  
 Менам чужан му.  
 Тайö радейтöмсö  
 Сьөлöмад век ну.

Коми аньлөн верös,  
 Коми йöзлөн зять —  
 Унатор нин тэын  
 Комиыслөн статья.

Истöг тув кодь веськыд,  
 Ме кодь жö тэ кос.  
 Винёлось ми тэкöд,  
 Кыдзи-й сирöd коз.

Сьөлöманым миян  
 Абу на сёр ар.  
 Меа-тэа, бытгьö,  
 Коми-роч словарь.

Вывтіасьтöг пасья,  
 Тöдчöда ме тадз:  
 Гижан уджыд, збыльысь,  
 Из сёртöм кодь нач.

Енбисö пö мортлы  
Сетö ачыс Ен,  
Сійö югыд биыс  
Вичмöма и тэн.

Кывбур помын тэнсьыд  
Топöдыштла ки.  
Выльыс аддзысьлытöдз,  
Митрöпанлөн пи.

## ТУЙЫН

Чужан сиктöдз туйыс абу матын...  
Тöвся рытыс тöлыся и сзэь.  
«Жигулиөн» тövзя Эжва катыд,  
Кывбур выльöс кута корсьны сзэь.

Быттьö потан, лайкмулö машина,  
Со и вуджи Сыктыв вомöс пос.  
Кодзувъясыс быттьö чипанпиян,  
Ставнас енэж быттьö чипан поз.

Бөрö кольö биөн сявкйысь юркар,  
Сэсся Льöмью, Визябöж да Додз...  
Гöгрöс тöлысь кисьтö кельыд югөр,  
Тövнад ывла пемдö водза-водз.

Вөлöкас мен тöдса дзик быд чукыль,  
Колис бокö, бөрö колис Руч.  
Ен ськөдөн, сьөлөм абу жутыль,  
Кымын водзö, сымын вошö музд.  
Кажитчö мен: быттьö ачым лэба.  
Көнкө эстөн узьö Ыджыд Куж.

Ойбыртöма лымйöн толтöм Кебан,  
Вой и лун кöн водзті пуис удж.

Ылісянь на вачкö мелань бисö  
Воча тюрись машиналöн син.  
Туйвеж бокин кодкö лэптис кисö,  
Верст ылнаын тасянь — Кулöмдін.

Посъяс кузя вуджи кынмöм шоръяс,  
Бөрö колис Дон горувса ю.  
Кодзувъясыс — югыд светофоръяс —  
Восьтöны мен чужан сиктö туй.

\* \* \*

Кöть и омлявлö вой тöв  
Да и тшöкмуналö лов.  
Коми пармалы, ёртöй,  
Пöсьджык шонді оз ков.

Вобыд гожийöдчö пожöм,  
Сьödödз кисьмывлö льöм,  
Миян чужöмö гожöм  
Кольö шонділысь рöм.

## ДУМЫШТЧӨМ ВОЙ

Лэбачьяс шы ни ру узьоны.  
Потанныс налөн — дзор парма.  
Асьявыв бара нин шызьоны,  
Бипур моз кья кор ярмө.

Сьөлөмөн кывны мед аскисö,  
Кья дзирд босьтны мед туйö,  
Думыштчөм войсö, сөдз асывсö  
Шымыртла ас морөс кудйö.

\* \* \*

Йи тасысь мездмөм вильыш ю  
Веж быгйөн муткылясьö, ызгö.  
Быд турун сi, быд ловзысь пу  
Ас бөрсьыс Мусö вывлань кыскö.

Выль горөн сьылö ывла выв,  
Оз ланьтлы сьывны весиг войыс.  
Öд тайö —

Тулыс нима ныв  
Лун саридз дорсянь татчö воис.

## ГӨГРӨС ЯГ

Öдзöс некор некодлы оз сиптыв,  
Вөрлысь сёрни-басни танi кылан.  
Кисьмөм пувйыс быттьö молля сикötш  
Чужан мулөн мылькъя морөс вылын.

Конда пуо сизь со тітшкө-тотшкө,  
Лэбач тивзö джуджыд пожом йылын.  
Гöгрöс ягыс быттö ловъя брошка  
Чужан мулөн чветöсь платтö вылын.

\* \* \*

Мыйта мичлуныс ойбыртöм эрдас:  
Содзнад гумлав да тэч сьölöм бердад.  
Лым кодь еджыдöсь байдөггяс татөн  
Кылö мойдчöны мясянь зэв матын.

Гегдöм пуяслөн муödз дзор тошгяс.  
А лым толаяс — быттöкө ошгяс,  
Кодгяс воомны вой саридз дорсянь  
Татчö аслыныс сайöдін корсьны.

Петлас турöб да шыльöдлас гөгөр.  
Сотлö чужöмтö тöлыс, кыз öгыр.  
Кыа рöмаöсь уркайяс татөн  
Джуджыд коз йылын тивгöны матын.

Долыд сьölöмөн ветлöдла вөрöд,  
Сьöрысь сöмын көть эм истög көрöб.  
Кыз ог нимкодясь? Меным тшötш вичмис  
Войвыв мунымлөн чусмывтöм мичыс.

Чужан вөр-ваöс радейтысь мортлөн  
Некор турöбөн оз тырлы ордым.  
Менам сьölöмлы мусмин тэ важөн,  
Ловъя пармай — ваймывтöм гажöй.

## АДДЗА-КЫЛА

Вөртас весьтын шонді кусө —  
Войыс сывъялас вот мусө.  
Менам оз на пырсы гортө,  
Гөститышта войыс ордын.

Сьөлөмөн ме аддза-кыла:  
Рудов синсө куньö ывла.  
Сэсса арыс лышкыд кинас  
Енэж пасьта öзтас бияс.

Гылалöны зарни коръяс  
Öтаваон тырөм борйö.  
Унзильмöны мудзөм пуяс,  
Быттьö вуджөмны кузь туйяс.

Орчча ёлын утка герчкө,  
Тöлысь еджыд кудель печкө.  
Асылөдзыс лысва юны  
Кутас миян чужан муным.

## ВОТЧИГӨН

Дзусянь дзуө котралігөн  
Вошті петан туйос.  
Повзьём сьолём воис пикө,  
Веськодь лои пувйис.

Кыла: кизьөрмыштө кынөм,  
Вөрыс помтөм-дортөм.  
Шонді пыдди — зэра кымөр,  
Некөн абу ордым.

Кокөй лои өдйө вөрысь:  
Котөрөн моз муна.  
Мышкын пестер, нөшта сьөрысь  
Тыра чуман нуа.

Сэсся, бергөдча да бара  
Кодарөкө сетча.  
Менө тшак-вотөса арыс  
Кыйис аслас лэчкө.

Туйыс абу тан ни сэні,  
Бесыс өмөй каттис?  
Шуштөмлуныс босьтө пленө,  
Рытьядор нин кадыс.

Сөмын вөрлөн шувгөм кылө,  
Дзуртө тощө конда...  
Час-мөд мысти вөр-пу йылө,  
Слабог, петіс шонді.

Веськыд пельпом вылө сэки  
Шондісө ме пункті,  
Кодөс мир туйланьө петіг  
Окалі да кутлі.

## ВАЖ ЛӨСАС ВЫЛЫН

Вөр-пу йывсянь шонді ёрө син,  
Купайтчоны кайяс енэж лөзас.  
Думысь корсям вотөсadjыкин,  
Пыдө пыртө миянөс важ лөсас.

Көнкө матын кылө дорччө сизь,  
Пөрысь морт моз ружтөны дзор козьяс.  
Джуджыд кыддзө, коді быттьө сись,  
Вот-вот бисө чуткас пелысь розйыс.

Тонө юрсө мыччөма гөрд гоб,  
Пу вож вылын ур со кольяс сувйө.  
Корсялыштам, тшакөн тыртам ноп,  
Көвъя чуман сэсся тыртам пувйөн.

Маён өвтө-онялыштө лун,  
Тшак-вотөсөн ягыс вердө-удө.  
Гожөмсө, мед дырджык на эз мун,  
Пуяс костын черань везйыс кутө.

Тутан выльы джэрджык джэрджык джэрджык  
Джэрджык джэрджык джэрджык джэрджык  
Кыддыкь эзямь коржымь шакшак джэрджык  
Тункө джэрджыкь кыддыкь эзямь джэрджык

Бажыа шоккаа, джэр тэжжэ,  
Гөрдэ дөрбө эяна пыр.  
Кыддыкь сивийкь роме джэрджык  
Быттьө Пера багытлар.

Вөралысылы моз поэтлы  
 Колоны сюсь сингъяс.  
 Ачым кыйсыс рөдысь петлі,  
 Урлы стөча инма.

Сөмын кийй оз тай кыпты  
 Звер-пөткасө кыйны.  
 Сьөлөм вылын сэтшөм кыпыд:  
 Кывбур кута кыны.

Быттьö сорлалөмны спиртөн —  
 Сынөдыс зэв чорыд.  
 Лым чир сотчö көдзыд дзирдөн,  
 Кылö сизьлөн дорччөм.

Лымъя эрдыс — зыбка-потан,  
 Пожөм-кыддзыс — лайкан.  
 Весиг оз увт талун понйöй —  
 Читкыль бөжа Лайка.

Югыд чөвлунсö ме юа,  
 Юа ыркыд ягас.  
 Еджыд рузум пиын муыс  
 Узьö, быттьö кага.

Сөмын вормов шуагом кыла,  
 Дзуртö тшöб кова...  
 Час мөд ялсти вөр-пу йыла,  
 Слабог, петис шонд.

Бесмыл чельном мыла сзюг  
 Шондисö ме пункт.  
 Кодос эир тийлань петис  
 Окал да лугал.

Көдзыдысла ёнтө лысьом,  
 Коть и чизыр төв оз пөльт.  
 Пуяс костын шковгө-луйсьо  
 Скөр көзяин Морозь-пөль.

Трубаясысь съод тшын пуркйö,  
 Аслас төждөн олö сикт.  
 Öшинь улын варов уркай  
 Меным лыддьö ассьыс стих.

Пу вож вылын чипсö-йöктö  
 Гөрд галстука ичöt жонь.  
 Чужан муас звер и пötка  
 Төдö аслыс мич и дон.

Пими көмөн ветлö йöра.  
 Тшапа гогйöдывлö юр.  
 Шоныд горсйын кольяс бöрийö  
 Пушыд тупыль бöжа ур.

Туган йылын дозмөр ворсö  
 Звер-пötкалы кыпыд вальс.  
 Кыдзлысь зэлыд еджыд морös  
 Тупкö пужйысь кыём шаль.

Еджыд шапкаа, дзор тошка,  
 Гөрдов дөрөм-гача пыр,  
 Кыдзöс сывйыштöма пожöм —  
 Быттьö Пера-багатыр.

Пармаын абу ме попö,  
Чужлісны пöль тані, пöчö.  
Ме водзын кыз кока гобыс  
Ачыс гөрđ шапкасö пөрччö.

Пельпомö лапкөдны кужö  
Енэжсö люкалысь пожöм.  
Сир дукөн нөгыльтөм чужва  
Вийöдö яг шөрас гожöм.

Сир дуксьыс лоöма кыйсьысь  
Коз пу кодь винёв да сирöд.  
Пөрысьöдз оз юкав лысьöм,  
Ачыс кө вөр-ваыс вирад.

Чуманөн восьлала вөрöд,  
Мый бара-й яг саяс эм-а?..  
Мед эськө съöла и йöра  
Пармаын олісны нэмъяс.

Быттьökö ыджыд театрын —  
Музыка яг пасьта кылö.  
Тулысын, тöлын и арын  
Аслысног быд лэбач сьылö.

Зэвтчöмны пуясыс костö  
Сэн и тан черань вез-сияс:  
Быттьökö Нёбдінса Виттор  
Зэвтöма сигудök сияс.

\* \* \*

Зэрыс локтіс уна вожөн,  
Ывла югыд здукөн вошис,  
Лысьтө кымөръяссө гождом,  
Мулысь веськөдны мед горшсө.

Муыс пөтіс. Сэсса кобис.  
Лөзөн ойдіс енэж отыс.  
Ягын мыччыясны гобъяс,  
Зэрлы рад и град выв вотос.

Пуксис чөвлун өмидз көра,  
Нөгыль сынөдсө көть чуняв.  
Водзын руалыштө вөр-ва,  
Кызди выльөн чужом кукань.

\* \* \*

Еджыд кымөр — нистөм вурун —  
Муртса вөрзё нисьё оз:  
Сійос позьё лёддзё куртны  
Видз выв кос турунөс моз.

Вөртас сайыс быгтьё потіс,  
Ломзис енэжыслөн от.  
Өшйис лысва вылө шонді,  
Пет да шондісө көть вот.

\* \* \*

Ачыс муыс тулыс водзын  
Еджыд шапкасö со пörччис.  
Öшкaмöшкa сылы водзвыв  
Шытöг восьтис дзиръя öдзöс.

Зарни шондi соддзөн койö  
Чужöм вылö зарни берин.  
Парма весьтын югыд войыс  
Лэбысь пышкaй кодъ жö тэрыб.

Быгъя шор со сьылö-дзольгö.  
Эрдын мыччысьö веж турун —  
Быгтьö тöвру сэтчö кольö  
Ас бöрсяыс мича бурысь.

Челядь чукөр ворсö мачөн,  
Ворстöг сьөлöмныс оз инась.  
Мый эг сяммы гижны ачим,  
Лыддöй тулыс-нывлөн синмысь.

\* \* \*

Лэбачьяслөн сыланкывйөн  
Енкöлаын кыа кусö.  
Рыгъя рöмыд аслас сывйö  
Босьтö вөр-васö и мусö.

Гусьöникөн локтис тöвру,  
Öшинь вылö кань моз водис.  
Кулöмдинлань Эжва шöртi  
Шывгö-катö теплоходыс.

Вөляникысь паськыд енэж  
Кодзувъяссö кöдзны пондiс,  
Медым аски асыв кежлö  
Наысь чужас мича шондi.

## **ЫТВА**

Эжва кузя ветки пыжөн кывта,  
Эг на вунöд кийн кутны пелыс.  
Ойдöдöма видзьяс тувсов ытва,  
Он судз синнад, кöнi мöдлапöлыс.

Чери сьöм кодь югыд, визув юыс  
Пыжö резö посни, эзысь гысö,  
Быттьökөнöсь беринöсь том Тулыс  
Чериöс моз сьöмйö Эжва вывсö.

## **МОРОВСА ЮКМÖС**

Менам дача öшинь улам  
Сулалö важ юкмöс.  
Татысь васö асьным юам,  
Юö град выв пуктас.

Енэж асывсянныс лöз со,  
Зэрас али оз-а?  
Сьöрсьөн-бöрсьөн люзыгö йöзыс  
Весиг ведра гозйөн.

Лунтыр гумлалöны ватö,  
Быдөн сийöс ошкö.

Войнас кодзувъясыс татөн  
Веськөдлөны горшсө.

Он тэ косьмыв, пöрысь юкмöс:  
Ключ ва дзулькйөн локтö.  
Кöдыдысла, ньылыштан да,  
Пиньтö весиг сотö.

Шондi асывсяньыс пöжö,  
Доналöма ывла...  
Тэнсьыд ватö, весиг көш тыр,  
Ог веж море вылö.

\* \* \*

Лыдтöм кодзулыс югзьöдö ывла,  
Шежлö вой тöv сэн — инасьтöм лов.  
Шоныд паччöрын вальмасиг кыла,  
Кыдзи лыйсьö скөр пашляк: шкув-шков!

Сибдö öшиньö эзысь кодь гыөр,  
Кельыд тöлысьыс — доналöм рач.  
Тöлысь югöрыс öшиньöд пырö —  
Мавтö-белитö керкаысь пач.

\* \* \*

Рака кока,  
    дзиръя дорö сувтiс  
Варов тулыс — вылас көм ни пась.  
Пельпом вылö шоныд кисö пуктiс,  
Кывбур гижны отсавны мен дась.

Писькӧс шор со сяльгӧ гудӧк горӧн,  
Яра гӧрдлӧ кузь бурься вӧв.  
Еджыд пон моз куйлӧ кильчӧ дорын  
Синва сорӧн бӧрдысь пиньтӧм тӧв.

\* \* \*

Керка жӧлӧбсянь ӧшалысь йичунь  
Бӧрдӧ синваӧн — бӧрддзӧма тӧв.  
Радлӧ тулысыс бытгӧ том ичмонь,  
Енӗж-чышгьяныс кодлӧн лӧз шӧвк.

Югыд тулыскӧд ӧшинь ув йӧрын  
Тӧлыс нуӧдӧ медбӧръя вен.  
Шондӧ югӧрысь кыӧм джодждӧра  
Джоджӧ тӧдлытӧг вольсалӧс Ен.

## **МЕ БАРА СИКТЫН**

Со и вои Сыктывкарысь  
Эжва йылӧ, чужан сиктӧ...  
Тэрыб пышкай мекӧд бара  
Льӧм пу йывсянь варовитӧ.

Ме моз кывбур тэчӧ, кыла,  
Ме моз шогсьӧ, ме моз радлӧ.  
Ачыс гижӧ, ачыс сьылӧ —  
Сийӧс позьӧ шуны бардӧн.

Лунӧ бана ӧшинь водзын  
Сырмӧ пельсь уна розъя.

Су йөр сайысь локтö вотчысь,  
Эрдыс сэнi гырысь озья.

Ведрa гозйөн вала шавкъя,  
Юа тшай — и вонйö вода.  
Аски асыв ветла давиö,  
Юмов чöд ме сэтысь вота.

Гожом шевкнитöма бордсö —  
Кутлö вөр-васö и мусö.  
Эзысь рömөн тонö ворсö  
Чери сьом кодь югыд юыс.

Визув юыс посни гыа,  
Рыгтя шондi синсö куньö.  
Ентас помын кисьмö кыа —  
Öмидз лязйöс моз кöть чуняв.

## **АСЫВ**

Алöйгöрд енэжтас мойдын кодь дзик,  
Öшинь пыр керкаö вöзйысьö шондi.  
Петуклөн чуксасьом садьмöдö сикт.  
Татöни быд серпас сьөлөмöс шонтö.

Гöтырöй пражитö ас кыйöм сын,  
Бара öд гөститам чужан сикт ордын.  
Трубасянь енэжлань нюжалö тшын —  
Быттьökö кыйсысьлөн вөралан ордым.

## ШУД

Мудзём ывласö рытыс ыркөдö,  
Йöрын луд вылын Серук рөмидзтö,  
Буссьöм пу вожъяс тöвру пыркөдö,  
Öвтö öшинь ув сэтөр-өмидзөн.

Быттьö суödö рыгья кыасö —  
Беддя вöв вылын зонка скачитö.  
Батыс кагуксö — муса нывкасö —  
Югыд енэжлань вылö качöдлö.

\* \* \*

Ывлаыс асывсянь пöжö,  
Челядь со муноны ворсны.  
Лэччыла Джеджимью кöджö  
Кывбурö строкаяс корсьны.

Вöсньыдик мыгöра ныв моз  
Вежнясьö-чуклясьö юыс.  
Кывзöны сьялкöдчöм шысö  
Берегын гожйöдчысь пуяс.

Пөрччыся. Потанö моз ме  
Лайкъялысь гы вылас вода.  
Кыдзи тай кагасö мамыс —  
Гыыс сідз окыштлö вом дор.

Арпиян шуксьöны ваас —  
Комъяслөн, сынъяслөн челядь.  
Юр весьтын чипсöны кайяс —  
Сьылöмсьыс чуналö пельыд.

Шондiыс купайтчö юас,  
Визлачас öзъялö биөн.  
Энлöй жö, ю шöрас уя —  
Шондiсö шылькнита киөн.

Джеджимъю, нэмъяс эн пемдыв,  
Пармаöс пöттöдзыс юктав,  
Муыслөн сьölöмыс медым  
Тiпкöмсьыс некор эз дугдыв.

\* \* \*

Пармаыс пожöм кырсь рöма,  
Чöскыда сир дукөн öвтö.  
Сизь, кылö, сизьдö поэма,  
Думысь ме кывбуръяс лöвта.

Ышмöдö вөр-ваыс ловтö,  
Сьölöмыд кокниа йöктö.  
Чöдйискöд öтлаö вота —  
Лысвасö чуманö öкта.

Кок дорын вильшасьö понйöй,  
Радысла леститчö, никсö.  
Тöвруыс тэрыб, оз конъясь,  
Нигөн кодь кымöрсö нискö.

Югыдыс ойдöдiс ягсö,  
Вөр-ваыс шызис да пузис,  
Быттьökö шондiыс ачыс  
Мыр вылö шойччыны пуксис.

\* \* \*

Алөй кыаыс паськөдө борд,  
Войыс кымөр моз кок шытөг саялө.  
Мыссьө лысваөн өшинь ув бор,  
Кага потан моз бобөнянь лайкъялө.

Со и асылыс шевкнитіс сыв,  
Өшинь-синъясөн чужан грезд нюмъялө.  
Джуджыд юкмөсысь томиник ныв  
Сюмөд чепняөн асывсө гумлалө.

Шоныд ывлаыс абу нин чөв,  
Лэбач гөлөсөн мыйкө мен висьталө.  
Эжва ю весьтөд гөнъялысь төв  
Югыд гожөмсө ньөжйөник листалө.

\* \* \*

Небыд бордъя төвру  
Серлөдлө ю выв.  
Чери пыдди тані  
Кыя сьыланкыв.

Югъялө сөдз юыс  
Быттьө чери сьөм.  
Кокалө руд пышкой  
Енэжлысь лөз рөм.

Лэччыв муас, пышкой,  
Кокав юмов оз,  
Лысваөдыс көмтөг  
Келалышт ме моз.

Гөлөсүд сэк лоас  
Лысва кодьыс сөдз.  
Оз кыйдыссө эрдас  
Енэжсянныс кодз.

Сэсса лэбзыыв поэяд,  
Ныв-пиянтө верд,  
Пышкай, ичөт пышкай,  
Лэбалысь поэт.

\* \* \*

Өш моз буалігтыр кымөр  
Чардөн воліс кыськө.  
Ыджыд стынъяса важ грездөс  
Шливгысь зэрыс мыськис.

Өшкамөшка вомөнасис  
Эжва васө юны.  
Моля сир кодь бара югыд  
Лои гожся луныс.

Быгтьө керканымлөн синкым —  
Өшиньын виль карниз.  
Ок и лөсьыд: абу өвад,  
Абу ёна жар ни.

Капуль, көчан, лук и сёркни  
Вежөдоны йёрын.  
Зэрыс чужтас гоб и ельдөг  
Гажа, гулыд вёрын.

Зарни югөръястө, шонді,  
Вөр-ва вылас пыркнит,  
Парма-мамлы көса помас  
Лента пыдди шыркнит.

\* \* \*

Быттьö тулысын бөръя лым пласт,  
Кышыд кымөр лöz енэжын сылö.  
Ачыс вөр-ваыс лыддьöдлö кад —  
Көклөн көкөмыс ю сайсянь кылö.

Паськыд эрдъяссö шупöдö тöv,  
Посни гыясөн серöдö юсö...  
Сиктса ёртöйлысь кори ме вöv,  
Öшинь улысь мед небзьöдны мусö.

Гнедöй меринлөн лöсталö гөн.  
Сувтлас лолыштны — гораа гөрдлö.  
Ёна изгармөм муас куш йөн,  
Гөрйыс шыблöдлö менö, но гөра.

Олö-вылö на ичötик сикт,  
Көнi чужлi ме — Виктор Напалков.  
Ассьым гижa на тан медбур стих,  
Тан жö ас мортөн лоис Наталко.

Кыла меринлысь корснитлөм шы,  
Коньөр джөмдылас, паськөдлө нырборд.  
Кыптö гөрөм му — гы бөрся гы,  
Быттьö му вылас гижa виль кывбур.

## ШОЙЧЧИГӨН

Гөгрөс пызан кодь Эжва дор виддзыс,  
Турун зорөдным быттьо нянь чөвпан.  
Ёрө синнымос ывла выв мичыс,  
Чөскыд дукъяссө морөсө чөвтам.

Лыа көсаыс быттьо пось паччөр,  
Крепыд чай ради бипур сэн пестам.  
Дзоля дырйи моз купайтчам гачтөг,  
Сөмын кинаным тупкыштам...эсты.

Тонө пыжаөс лайкйөдлө гыыс,  
Кливзысь каляяс сунлөны юө.  
А ме турун сі някляліг кывза  
Кыдзи Эжваыс чайникын пуө.

## КОТРАЛӨ ЛУН ТӨВ

Көчиль моз котралө лун төлыс,  
Гильөдө кызлысь веж коръяссө.  
Ва гөптын пышкайпи суналө,  
Нимкодъла шевкнитлө бордъяссө.

Аняяс, Машөяс, Валяяс  
Ворсігтыр мунөны вотчыны.  
Енэжсянь быгъеджыд каляяс  
Челядьлы кливзігтыр өвтчөны.

Ю вылын нөгыль ру мөвкъялө,  
Зонпосни вуграсьны мунөны.  
Вадорас кузь бөжа вөвъяс со  
Уль русө азыма юөны.

## ВУГРАСИГӨН

Лун төлыс небыдик,  
Тыдавтөм бордъяса.  
Вугырөс дэбөдө  
Кельчипи коръяс кө.

Нюмъялө Эжваыс  
Шондйлөн дзирдъясөн.  
Туруна эжаыс  
Тырөма чиркъясөн.

Ю весьтын каляяс  
Гажаа тивзöны.  
Луд вылын баляяс  
Оз мудзны ризъявны.

Сё ногөн ывлаыс  
Шыалö-вералö,  
Быттьökö кыла ме  
Пармалысь сералөм.

Кывзышта водөмөн  
Кайяс кыз сильгöны,  
Тöлыс кыз борд йывнас  
Вөр-васö гильөдө.

Эжвалөн визулын  
Кельчи мед юркъялө...  
Пармалысь мичлунсö  
Морөс тыр вуграла.

Кымөр чукөр — лудö лэдзöм ыжъяс —  
 Люкасьоны, сыркмунолö веж эрдыс.  
 Эжва весьтын вожа бöжа джыджъяс  
 Туналісны тшöтш жö шоныд зэрсö.

Енэжланыс чургödöма кисö,  
 Корис зэрсö весиг пöрысь пожöм.  
 Кодзувъяссö мый-ö Енмыс изö:  
 Биа ньöвсö сявкйö уна вожөн.

Зэрыс пырис сиктö кывтыдпомсянь,  
 Мыськис керка öшиньяс и ывла.  
 Кötödіс съод юрсисö и Тося,  
 Коскөдз көса быдмас медым сылөн.

Гулыд ягын гөрд гоб уна петас,  
 Юмов сözөн пöльтчас парма вотös.  
 Нöрыс бокö шылькнитчöм кос эрдас  
 Öзйысь озйыс чуньтö весиг сотас.

Ворсысь челядь эновтісны кобув,  
 Öда зэрысь ваймис ывла жарыс.  
 Алöй бордья лэбö тонö бобув —  
 Чужан мулөн быттö алöй парус.

## **РЫТГОРУВ**

Рытъя енэжыс шевкнитіс сойбордсö,  
 Шонді помалö лунтырся кытш.  
 Вөрлөн вуджöрыс Эжваö ойбыртіс,  
 Васö борд йывнас гумлалö джыдж.

А ме кыр йылас нимкодъла нюмъяла,  
Юа сынӧдсӧ доз бӧрся доз,  
Ывла мичлунсӧ синъяснам гумлала  
Мудзӧм съӧлӧмӧс шойччӧдӱгмоз.

## **КИТШ-КИТШ-КИТШ!**

Кыськӧ лӧбзис варов катша.  
Йӧрӧ пуксис: китш-китш-китш!  
Градъяс костӧд мунис тшапа,  
Китшъялӱгтыр вӧчис кытш.  
Китш-китш-китш!

Кадыс водз на, сиктыс узьӧ,  
Эз на мыччысь геб ни ном.  
Синнас мурталыштӱс мусӧ  
Тэрыб катша-агроном.  
Китш-китш-китш!

«Бобӧняня эжа бокас  
Пукта капуль да морков.  
Кодӱ кортӧг татчӧ локтас —  
Перъя сылысь мустӧм лов.  
Китш-китш-китш!

Танӱ анькытш, эстӧн сӧркни,  
Вывтасӱнас лоӧ лук.  
Ставсӧ ӧтнам кута сӧйны,  
Катша-ракакӧд ог юк».  
Китш-китш-китш!

Өшинь улас петіс Оля:  
«Ноко, катша, весась сэсь!..»  
Катша вёлөгатөг колис,  
Коньөр нимкодясис весь.  
Китш-китш-китш!

## **СЕРПАС**

Помасис кокньыдик платтьоа гожомыс,  
Ыркалө, букыдмө руд синма ывла выв.  
Унзильө вөйтчөны гожъялөм пожомъяс,  
Чөв-лөняс оз нин кыв кайяслөн сьыланкыв.

Шондїс быттьөкө вошөмысь повзьөма,  
Уліті вөр весьтгі дзоръялө-кытшлалө.  
Муртса на асылыс синъяссө восьтө-а,  
Гьөрзьөм платтьө нин том кыз пу кышалө.

Вижөдөм коръясысь муыслөн джодждөра,  
Жов куст гөрд шондїсө водз тырыс вотөма.  
Арыс со локтөма төвйыны сад йөрө,  
Ойбыртөм пуяслөн кок улө водөма.

Град йөр кушмис. Аттьö мулы  
 Лукйысь, сэтöрысь и озйысь...  
 Аттьö тшöтш и пельсь пулы  
 Биа молля уна розйысь.

Воас тулыс — шоныд пöра,  
 Ловзяс йöрын дзоридз алöй.  
 Öнi стöрöж пыдди йöрын  
 Киссьöм гача полокалö.

## ВÖВЪЯС

Тэрыбось да вынаось да  
 Яра гöрдлысь пемосьяс.  
 Сийöсөн да мегырөн да  
 Кольö налөн нэмныс со.

Мудзöмысла дудасны да  
 Синваныс кöть доршасьлö,  
 Коньöръясöй вöвъясöй дай  
 Оз тай кужны норасыны.

Рытьявылыс самöвар моз  
 Руалöны-пузьöны,  
 Лыа кöса вылын сувтсөн  
 Ружтiгтырйи узьöны.

## **МАЗІ**

Пөртмасьоны вижөн, лөзөн  
Дзоридзьясыс эрдас, тан.  
Лысва дзирдөн сэн жө öзйö  
Еджыд юра бобöнянь.

Югыд шондi лöня уйö,  
Раскын тивзö колипкай.  
Дзоридз вылын мазі юö  
Бобöняньон юмов чай.

## **ПЕТУК**

Галип гача, кокни кöма,  
Дөрöм небыд шöвкысь.  
Бöжыс югзьö сизим рöма,  
Быттьö öшкамöшка.

Öшинь увтi ветлö тшапа,  
Кыпöдöма сорссö:  
Сюся видзö петук-папыс  
Сильöяслысь ворсöм.

## **АКВАРИУМ**

Стеклö дозйын быдса море,  
Зарни чери сэнi ворсö:  
Сьöмысь вурöм дөрöм-гача,  
Быттьö ёлкавывса чача.

Öдйö шлывъялö сэн гуппи:  
Уна рöма сылөн юбка,  
Пöктöг, ловйөн чужтö арпи,  
Нимыс чериыслөн Марпа.

Лыа-изъя море пыдöс,  
Сета сёян: нидзув, шыдöс.  
Чери сом сэн — зэв кузь уска —  
Медся зiля сёйö-нускö.

Стеклö дозйын быдса море,  
Уна чери сэнi ворсö...  
Кöсья босьтлыны ме воддзö,  
Да оз сюрöдчыны соддзö.

## **МУРКА**

Кор на ичöt вöли каньыс,  
Нывка вердiс сiйöс паньысь.  
Кымын водзö — Мурка ышмис,  
Сэсся-й дзикöдз сiйö дышмис.

Ачыс кынöмпöt оз перйы,  
Сёйö сöмын йöv да чери,  
Абу нимкодьыслы помыс:  
Пельысь пельöдз каньлөн вомыс.

Уссö шыльöдас и Мурка  
Водас крöватьö да мургö,  
Гöбöчын кöть пыдi жыръяс  
Йöктöны сэк вельмöм шыръяс.

Кор нин ас ку письыс петiс,  
Налькъяс вöчис нывлөн дедыс.  
Яндзим лои Мурка каньлы:  
Öнi кутасьö, оз ланьтлы.

## ЧЕРАНЬ

Чери кыянінысь воис  
Өшинь костө черань.  
Өдва кыскө сьökыд нопсö,  
Ачыс көмтөм, сера.

Нопсьыс кыйдөссө кор ректис,  
Гуткөд воліс косьö...  
Черань везйыс — быттьö ботан —  
Шонді водзын косьмө.

## БЕС

(А.Уваровлөн кывбур)

Повзьөдчигмоз Петя вок  
Меным шуис аслыс ног:  
«Некор гөбөчө эн пыр,  
Сюра бес сэн курччас ныр.  
Бессö аддзылөма өтчыд  
Аслас синнас пöрысь пöчыд...»

Ог ме ошйысь ни ог соссьы:  
Воклөн шуöмысь эг повззы.  
Ставөн муніс коді кытчö,  
Мунісны и кань да кычи.  
А ме некытчö эг пет,  
Бескөд аддзөдчывны мед.

«Эй, тэ, сюра бесöй, көн?  
Руд-ö, еджыд тэнад гөн?  
Гөбөчысь, вай, пыр жö пет,

Содз тыр кампет сета тэд!..»  
Виччысьнысö выной быри,  
Ачым гөбөчад ме пыри:  
Кималасөн шур да гур,  
Некод ки улö эз сюр.

...Медым Петя повзяс ачыс,  
Киö босьті ыджыд пач лыс.  
Синкымөдзым пеля шапка,  
Саөн чужомбанос ляки.  
Вылö чөвті гуга пась, —  
Вокос повзёдни ме дась.

Кыла: кодкө чышкө коксö,  
Кок шы серти төді вокос.  
Тэрыба зэв сёлөм чеччö,  
Бара гөбөчö ме лэччи.  
Пырас керкао кор Петя,  
Сэки-й сайөдінысь пета.

Дзуртовмунис керка өдзос,  
Көмсö порог дорö пөрччис.  
Вомос векушти, и ме  
Ыж моз бакөсті сэк: «Бе-е-е!»

Места вылас кынмис вок,  
Воши кыв-ворыс: ок-ок!  
Повтөмлуннад эн тэ ошйысь,  
Кодыр ачыд көч кодь полысь.

## ЛОКТӨЙ, МИЧА ВӨТЪЯС

(А.Суворовлөн кывбур)

Парма пасьта: карö, сиктö, ягö  
Öшлö зэрсö косьтыны октябрь...

Чачаыскöд узьö менам кага,  
Чужöмсяньыс кодлы куим ар.

Зэрыс косьмас, пöрас еджыд лымйö,  
Муыс зэрсьыс лоöма нин пöt.  
Менсьым пиöс босьт тэ аслад сывйö,  
Лым кодь кокни, мича, гажа вöt.

Пиöй чеччас, öшинь улысь аддзас  
Арыс пыдди дзор юрсиа тöv:  
Усьысь лымйыс ньöжйöникön гартчö.  
Гөгөр еджыд. Гөгөр сэтшöм чöv.

Кузь кө нэмыс — уна тöv на тöдлас...  
Пызан вылысь кусöда ме би.  
Узьлан жырйö локтöй, мича вөтъяс,  
Узигтырйи нюмъялас мед пи.

\* \* \*

Кöка часi лыддьö олан кад,  
Мам нень чурскö пузчужöм на кага.  
Сьöла-тарла мунис сьлөн бать —  
Лэчьяс кыйны мунис кынмöм ягö.

Гöбöч вылас куткырвидзö кань.  
Пöрысь морт моз вомгорулас кургö.

«Өввө» сьылö пиукыслы ань,  
Пачводз позйын ко-ко!-кайтö курөг.

Керка джоджыс аканьясөн тыр,  
Накөд ворсö ыджыдджыкыс — Тася.  
Ворсигчöжыс варовитö пыр,  
Аканьяслөн мамөн шуö асьсö.

Кадыс лэбö - коляс уна во,  
Коркö дугдас көкны важмём часі.  
Месö, гашкö, сэки ог нин ло,  
Мед жö лоас шуда мамөн Тася!

\* \* \*

Ичөтик грездыс со синъяссö куньöма,  
Лунтыръя удж-нокыс войтырлөн эштöма.  
Тöлыслөн югöрыс Эжваö сунöма:  
Тöлысьыс челядькөд вуграсьны петöма.

\* \* \*

Алöй дөрöма, алöй чужöма,  
Пуксис пос помö алöй асылыс.  
Алöй дзоридзлысь, соссö пуджёмөн,  
Сöзсö юöны алöй мазияс.

\* \* \*

Гөрда-еджыд юра бобөньяняс  
Детскöй садйын быттьö посни челядь.  
Сэн жö кыззяс — беринось том аньяс —  
Öта-мöдкöд вашкöдчöны пеляс.

\* \* \*

Войыс югыд, быттьö югыд вöт:  
Восьса синмөн узьö гожся войыс,  
Чöвлунсö кöть кöшысь ю — он пöт.  
Со и асыв лысва юны воис.

\* \* \*

Енмыс вомөн ног енэжсö мавтис  
Мича краскаөн, зэрыс кор лöнис.  
Öшкамöшкаыс сэтшöм со матын:  
Кинад судзöд и пыр жö кöть вöняв.

## ПОП ПИ

Поэма

1

Збодер кыйсьысьён вөвлі  
Пиля дедным зэв томсянь.  
Собліс арын и тōлын  
Пемыд яг-нюръяс вомөн.

Парма чуркйын вөр керка,  
Орччөн из горъя пывсян.  
Читкыль бōжа пон Серко  
Дедкōд уна во кыйсис.

Бур кōзьяин моз дедным  
Ветліс чōс туйяс вывті.  
Койтысь тар-сьōла лыйны  
Киыс некор эз кыптив.

Йōзлөн капканысь кōчōс  
Аслас нопйō эз босьтлы.  
Шоныд банькалысь öдзōс  
Тōдтōм кыйсьысьлы восьтліс.

Бордтōм кайпиōс вōрын  
Сійō пуксьōдліс позъяс.  
Медым вотчысь эз йōрмы,  
Уна ёль сійō посйис.

Сюмōд чибльōгъяс кольліс  
Нимтōм ключ ваяс дорō.  
Лэбач чукōрлысь дзользьōм  
Сійō кывзывліс сёрōдз.

Оти кывйөн кө, Пиля  
Чужліс пармалён пиён.  
Вөчны бурторъяс зільліс  
Пөльтчөм сөнгъяса киён.

Сэссия-й арлыдыс век жө  
Сійөс вермыны мөдіс.  
Көть и зэв ясыд вежөр,  
Чиніс кокъяслөн өдыс.

Өні сьөкыд нин сылы  
Урлы веськавны синмас.  
Сөмын вөравтөг, быттьө,  
Абу сьөлөмыс инас.

Төвся асылө чеччас,  
Босьтас важиник лазсө,  
Паськыд лямпаён сетчас  
Эждім юбокса раскө.

Оз босьт капкан ни ружье,  
Наысь гажыс көть бырлө.  
Тошкөн ройсялөм чужөм  
Еджыд гыөрөн тырлө.

Посни внукаяслы сьөрысь  
Ваяс «көч гөснеч» лазъяс.  
Да и мыш вылас вөрысь  
Гөлик росъяс на ваяс.

Некод оз сяммы сы моз  
Вөчны челядьлы дадыяс.  
Мог кө кодөскө суас,  
Корас быть Пиля дядьөс.

Вөчас лайкан и потан,  
Өшинь стеклөяс пуктас.

Зарни кияса мортлөн  
Отсөг быдёнлы чуктас.

Ковмас — вурунтө летас,  
Вөчас улөс и пызан...  
Частө корлөны дедөс  
Сиктса школаө ныв-зон.

Сэки öзйөны биөн  
Пиля дедлөн медальяс.  
Война воясө сйө  
Уна-уна верст талис.

Өнөдз зөлитан дойөн  
Сиктным гусьөник бөрдлө:  
Кызь вит воинысь ловйөн  
Воис өтносөн бөрсө...

Пырас ньөжйөник классө,  
Нюмдас, малыштас уссө.  
Көть и сизимдас сайө,  
Абу паметыс чусмөм.

Косьмөм рос кодь нин нач со,  
Сөмын важ кодьыс варов —  
Быттьө локтөма татчө  
Ачыс пөрысьмөм парма.

2

Дедлөн том дырйи Эждім  
Вөвлі гажа да мича.  
Өні коньөр кодь грездным,  
Өшинь-өдзөстөм вичко.

Уна во сәні попөн  
Вөвлі Пилялөн батыс.  
Мышкас ичөтик ноппён  
Сійөс нуөмны татысь.

Юөр эз волы гортас.  
Огө төдөй, көн гуыс.  
Мыжтөг лыйлөмны морттө...  
Гөн кодь лоас мед муыс!

Сиктса вичкоын пыртны  
Эз нин удитны менө.  
Уска Сталинөс мырдөн  
Шуны тшөктисны енмөн.

Ме кодь арлыда челядь  
Сідзи-й пернатөг олім.  
Перна пыддиыс галстук  
Пионерскөйөс новлім.

Кремльса енмыд кор куліс,  
Эгө яндысьөй бөрдны.  
Вөлі кадыс водз тулыс,  
Джуджыд лым куйліс йөрын.

А сэк радысла Пиля, —  
Сійө висьтасьны кужө, —  
Петас пос помас зія,  
Шковгас пищальысь кушас.

Шонъян батыслөн лолыс  
Мед пө лыйөмсө кылас.  
Гашкө, кылас да волас  
Вичкодорса кыр йылас.

Сталин-ен пыдди Кремльын  
 Бара виль чужліс енмыс...  
 Сөмын Эждім тай нэрмө,  
 Йөзыс мырсьо көть нэмыс.

Коді мыжаыс, коді?  
 Олом гажтөма рөдтө.  
 Сэн, көн шептасьліс шобді,  
 Мусө йонтурун пөдтө.

Видзьяс тырөны роскөн,  
 Дука турун көн куртлім.  
 Эжва черилысь көрсө  
 Дзикөдз вунөдны кутім.

Кутшөм гундыр нө нырө,  
 Кисьтө-жугөдө вөр-ва?  
 Миян пармаысь бырө  
 Тулан, дозмөр и йөра.

Тадзнад коляс өд сөмын  
 Китшсьысь катша да рака.  
 Коми парма — тэ өні  
 Быттьө мам-батьтөм кага.

Матігөгөрысь кыйны  
 Он нин звер-пөтка вермы.  
 Тані том йөзыс мый нө  
 Аски кутасны керны?

Со тай Ен-образ водзын  
 Пиля молитва ропкө.  
 Шогсьө ставторсьыс дедным —  
 Дзормөм ус-тошка поп пи.

Гырысь толаяс вöчис  
 Февраль — урасян тöлысь.  
 Гөгөр уна лым кöдзис  
 Кузя нюжалысь тöлыс.

Уна лымъя кö тöлыс —  
 Лоо гожöмыс зэра.  
 Öнi ывлаын тулыс,  
 Көть и шондiыс нэр на.

Луннас ньöжйöник тёлкö  
 Югыд йинёнъысь ваыс.  
 Регыд съод рака локтас,  
 Съорсъыс шоныдсö ваяс.

Небыд лун тölөн öвтö  
 Топыд чарöма асыв.  
 Пышкай кывбурьяс лөвтö  
 Еджыд гыöра раскын.

Көр кыс эжöда лызя  
 Пиля дзурликтö яггi.  
 Көть и юкалö лысьöм,  
 Частö ветывлö татi.

Лазйын козъянас черыс,  
 Коскас пуртöсын пуртыс.  
 Коркö татöнi Серко  
 Увтлiс эз этша урöс.

Серко ройö эз увтлы,  
 Вöвлi кокъясас эбöс.  
 Сэсса пöрысьмис, кулiс.  
 Банька дорö и дзебис.

Со и козъяин воис,  
Шонді туктасö кисьтö.  
Кузьмöс кольяса козйыс  
Вердö кайясöс кисьыс.

Лыдтöм-тшöттöм сэн уркай  
Бытгö воёмны пиньö:  
Ылөдз гөлöсныс юргö —  
Көлököльчик моз трингö.

Лэбач падвежа нырнас  
Сирöd коляссö кильö.  
Аддзö тайöс и радлö  
Ичöt зонка моз Пиля.

Коз пу лап вылысь коллыс  
Муö гылалö горөн,  
Чирас-шоммас и коляс  
Урлы чöсмасянторйөн.

Пиля тödö зэв бура,  
Тшöтш и висьтавліс меным:  
Уркай бöрысь пö урыд  
Ветлö-вöтлысьö нэмсö.

Тайö сёрдсяньыс матын  
Вöвлі чös туйлөн кытшыс.  
Дедö дозмөръяс татөн  
Кыйліс пемыд вөр пытшкас.

Öні гоньвидзö кушин,  
Гөгөр поноль да конда...  
Чужём Пилялөн рушмö,  
Да и сьölөмсö ёнтö.

Гөгөр важ и выль керас,  
Оз кыв понъяслөн увтём.  
Мортос гажтөмтан серпас  
Дедлөн син водзö сувтö.

Сэк жö водзö на кайö,  
Мудзла эз на тыр лолыс.  
Тасянь дас кык верст сайын  
Банька, пывсян да лобöс.

Кравзö енэжын рака,  
Шондi ыръялö шаня.  
Выйим лаз нопъяс сакар,  
Истөг көрöб и, нянь и.

Быттьö кокыс кө нуас —  
Гашкö, банькаöдз кайлас?  
Пöртйын чай пыдди пуас  
Сэни тусяпу лапъяс.

Пиля пернапас чöвтис,  
Шуис Енлы моз гусьöн:  
«Кувтöдз нöшта көть öтчыд  
Муса банькаын узя».

## 5

Зарни лым чирйөн ыпйö  
Кынмём юдорса эрдыс.  
Сэни коскөдзыс лымйын  
Лöня узьö вөр керка.

Пиля восьлалö чожа,  
Чышкö ус-тошкысь гыөр.

Джуджыд коз пулөн тожө  
Лазъя пöльлөн кодь мыгөр.

Гөсьтлань чургөдө кисө,  
Быгтьө чолөм кыв шуө.  
Дедө тільыштө синсө,  
Сыын нимкодьлун туө.

Пöрысь кыйсьысьлы ягас  
Быд пу ловъя да дона.  
Со и тыдовтчис банька —  
Воськов кызь сайын, тонө.

Лымсө шыблаліс зырийөн,  
Восьтіс — дзуртыштіс өдзөс.  
Чөвтіс пернапас жырийын,  
Сьөлөм тіпкөмыс өддзө.

Порог пельөсын пескыс,  
Часлы, ломзьөдас пачсө.  
Кодыр шоналас — сэки  
Косьтас тюнисө-й, гачсө.

Лазсө өшөдіс тувйө,  
Чышкис кикарнас кымөс.  
Пөртийө гумовтіс чукийөн  
Көчлөн кок туйысь лымсө.

Тонө пуркөдчө уркай,  
Рыглань ыркалө шонді.  
Тшыныс трубаысь пуркийө,  
Пачсянь онялө шоныд.

Тайө керкаас дедлөн  
Өнөдз томлуныс олө.

Тайо керкаас петіс  
Серко понйыслон лолыс.

Пиля нурьясис сэсса,  
Ырскис тусяпу чайсö.  
Дзедьсысь шондыс — эзысь,  
Вöрын лонисны кайяс.

Дедос унзильыс кыскö,  
Лысом воль выло водіс.  
Гашкö, вöтö на кыськö  
Кулом Аннукыс локтіс.

Гашкö, локтіс да орчөн  
Сыкөд съола-тар куштö?...  
Вөвлі гөтырыс чочкөм,  
Некор эз овлы уджтөг.

Гашкö, гөлөссö кылö —  
Сэтшөм мусаник, мелі:  
«Тэ өд пöрысь нин, мыйла  
Татчөдз лым питі келін?»

Кыйсян сияс он окты,  
Оз шед капкантөг көчыд...  
Вай жö, ме дорö лок тэ,  
Тэтөг гажтөм и көдзыд...

Ырöш чужваысь вöча,  
Кута шыльöдны тоштö...  
Тэтөг гажтөм и көдзыд,  
Вай жö, ме дорö лок тэ...

Аслад нэм чөжөн, Пилюк,  
Мыйта звер куяс сетін!

Көтө век мырсин да тільсин,  
Тыртөм век вөлі зептыд.

Рөдтө нюждоны сетін  
Аслад внукъяслы овтө.  
Пукты киястө крестөн,  
Сэссия ме дорө лок тэ...»

Лэччысь шондлөн биыс  
Пужъя вөр весьтын кусіс.  
Збыльысь, кресталөм киа,  
Пиля вөтасиг узис.

Эз кыв сьөлөмлысь бытшкөм,  
Куліс сьөлөмыс здукөн...  
Өвтіс вөр керка пытшкын  
Пуом тусяпу дукөн.

## 6

Овліс тан, вольной светын,  
Поп пи — Пиля дед — овліс.  
Өні дзор парма весьтын  
Сылөн лэбалө лолыс.

Медым сьөлөмыд өзйис,  
Медым шыаліс олөм,  
Чужан мутө и йөзсө  
Дед моз лелькуйтны колө.

*1973-1991 вояс.*

# Коммодонтъяс



## Сергей ЕСЕЧИЧ

---

\* \* \*

Төв сьылö — гора чуксасьö,  
Лым пася вöрас пуксьöма  
Сё шыа гулыд гор.  
И шога öвтчиг пуяслы,  
Зэв ылі тöдтöм муясö  
Со кымөр кывтö дзор.

А турöб гартчö-восьлалö,  
Шöвк джодждöраөн вольсалö  
И яг, и кильчö дор.  
Веж кöдзыдыс нач дурмöма,  
Руд пышкой весиг турдöма,  
Оз кывзысь сьлөн борд.

Скөр турöбысь оз пышйыны,  
А вугралöны пышкайяс  
Кын öшинь бердас тан.  
И вöталöны тулыслысь —  
Яр шондi рöма кадыслысь  
Зэв мича чужöмбан.

1910.

\* \* \*

Гыбадъяс да нюръяс,  
Енэжлөн лөз от.  
Тронякылысь пуяс  
Шевгөдöны борд.

Пыста сьылöм шыөн  
Лыска вöрыс тыр.  
Коз пуяслы вöтö  
Усис ытшкандыр.

Тыдовтчис тай кыськө,  
Вөрзё нисьö оз:  
Видз вывтi со кысьö  
Дзуртигтыр обоз.

Шутьялöмсö төвлысь  
Кывзö вöсни бадь...  
Эновтöм кöть му тэ,  
Ас мулы ме рад.

1914.

1914

1914

\* \* \*

Оз, оз кымөр рыныш саяс  
Шөйт со,

Аслас пины көвдүм  
Ен-мам көтис.

Быд чөскыднас няньсө  
Эссыя шугтис.

Пөжалис да потанас и  
Пуктис.

Кага ворсө, көть и синмыс  
Куньсьө.

Зарни көвдүм идзас выло  
Усис.

Гөгыльтчис сэк көвдүм —  
Лоис суюн.

Енлысь сьөлөм дойдис  
Кага синва.

Велөдана шуис пины  
Ен-мам:

«Нем эн жалит, юсьпийөй тэ  
Менам.

Кага кодьось му вылас  
Став йөзыс.

Мед көть өти радлун  
Налөн өзйис.

Пемыд вөрын шуштөм овны  
Йөзлы,

Көвдумыслы ним ме сеті —  
Төлысь».

1916.

Төлөй, төланөй, лым сора төлөй,  
 Менам олөмысь лёксө тэ тырт.  
 Сөстөм зонкаөн лоны ме көсья  
 Либө дзоридзөн пырысьтөм-пыр.

Көсья: сьөлөмөй кувлас мед весиг,  
 Кодыр пөлянөн тутсө пастук.  
 Öти кок йылын сулавны эськө,  
 Кыдзи туй бокын сулалысь пу.

Көсья: вөвъяслөн корскөм шы улын  
 Пөся кутлыны шордорса куст...  
 Югыд төлысьөй, шоглунөс гумовт,  
 Медым шогсьөмла некор эг кус.

1919 (?)

## СТАНСЪЯС

*Сиома П. Чагинлы*

Ассыым сямлун муртавтөг ме төда.  
 Кывбур гижөм — абу сьөкыд удж.  
 Чужан муөс радейттөг ме пөда,  
 Радейттөгыс овны ме ог куж.

Кодзув, төлысь, нывка йылысь кывбур  
 Гижны, гашкө, вермас и быд морт.  
 Но дзик мөдтор сьөлөм менсьым кырө,  
 Мукөд думысь өдва юр оз пот.

Көсья лоны сьылысь гражданинөн,  
 Быдөнлы мед лоа бур пример.

Мөд-мөд батысянь эг мед ло ме пион,  
А мед пион шуис СССР.

Пышйи ме Москваысь вель дыр кежлө:  
Юсьом бөрын эг нин веськав мед  
Сэтчө, көні быдөн пиньсө кеслө,  
Вина-сур көн некод мен оз сет.

Көні узыла чорыд лабич вылын,  
Лыддя кывбур, көть и ачим код.  
Лыддя шудтөм канарейка йылысь,  
Клетка пытшкын коді жуглө борд.

Но ме абу кенар! Ме — поэт!  
Абу пөв ме кутшөмкө Демьянлы.  
Корсюрө көть юла, эг на янав,  
Бурө эскөм синъясысь эз берд.

Ставсө аддза, гөгөрвоа төлксө:  
Выль нэм — сійө абу фунт изюм.  
Ленин — тайө нимыс шувгө төв моз,  
Чужтө юрын ышөдана дум.

Төлк пө лоас — колө зия овны.  
Ме — племянник, ті мен ставныд пөльяс.  
Маркслысь книга киө босьта чөла,  
Мывкыдлунсө видла гөгөрвоны.

Лунъясыс, кыз шоръяс, котөртөны юө.  
Шыпасъяс моз вирдалөны каръяс.  
Со, Москвасянь воим ми Бакуө,  
Көні ставыс пуө кыпыда и яра.

«Видзөд... — шуө Чагин. — Оз сюр весиг кыв:  
Вичкоысь на мича мусир перьян вышка.

Аддзанторйыс пыддөз йиджө морос пытшкө,  
Съыв, поэт, став збыльсө. Съөлөмсяньыд съыв».

Муסיрыс ва вылас — быттьө перслөн шебрас.  
Кодзувъяссө рытыс койис быдса куль.  
Паськыд сывъя, восьтө чужом серсө  
Югыд пöнаръясөн пöртмасъысь Баку.

Индустрия вынийөр миян содö,  
Йöзлөн ыджыд вынөн съөлөм тыр.  
Тырмас съывны тöлысь, кодзув, шондi.  
Тан, му вылын, тема юр выв тыр.

Ачым аскöд сёрнитышта сэсса,  
Маркслысь книга киö босьтны рад:  
Гажтөм строкаяссыс, эскöй кöть эн эскöй,  
Мывкыдлунсö тöдмавны мен кад.

1924.

## ТУРÖБ

Печкöй, лунъяс, бөрö кольөм кадсö...

Олан сямсö

Некор оз веж морт.

Ачым аскöд

Некор ме эг ладмыв,

Ачым аслым

Быттьö вуджөр-орт.

Менам кийсь книга весиг усьö,

Босьтö ойбыр,

Сидзи-й личкö ун...

Öшинь сайын —

Быттьо регыд кувся —  
Тöлыс лимзö-бöрдö  
Лунысь-лун.

Кушмöм клён  
Сьöd йывнас киргö-нускö,  
Вöчны эськö сыысь  
Пачö пес.

Абу пу, а сюръя —  
Мисьтöм, мустöм,  
Кöсьян öшöдчыны:  
Шыркнит сэтчö гез.

Мышку сайö кияс кресталöмөн  
Öшöдчыны  
Талун жö көть мун:  
Сыысь, мый ме чирöм сыланкылөн  
Чужан мулысь торклі  
Чöскыд ун.

Ог ме радейт  
Петукъяслысь горзöм.  
Вын кө тырмис,  
Лёк көть тайö бур:  
Войясын эз косявны мед горшсö,  
Кералі ме эськö  
Налысь юр.

Көть и ачым  
Петук кодь жö вöвлі  
Асывъяснас, кор ме гижлі стих.  
Кывзысьлі, мый шуліс  
Аслам сьölöм  
И мый гижліс  
Бумаг выlö ки.

Начкан порсь моз  
Руксö кылö турöб,  
Мөвкъялыштö кöдзыд, йиа ру.  
Ывла вылын  
Мороз-пöлыс дурö,  
Немтор дзик оз тыдав:  
Вөр ни ю.

Тöлысьыс оз тыдав  
Енэж банын —  
Гашкö, сийöс важөн сёйис пон.  
Печкан сайын  
Пукалö со мамö,  
Чöрсас гартчö  
Кудельысь шöрт пом.

Гöбöч вывсянь  
Мамлань дзоргö каньным,  
Кургö-мойдö —  
Мыйлакö оз узь.  
Весьшөрö оз шуны суседъясным:  
Тиян каньныд  
Быттьö пö съод сюзь.

Куньтырта кор син  
И тупка книга,  
Вемöсөн ме збыльсö  
Аддза тадз:  
Лапанас кань петкөдлö мен  
Пига,  
Мамöй сэки  
Кöдунья кодь нач.

Дзоньвидза-ö ачым? —  
Ог и тöд ме.

Мөвпгъясойлы оз сюр нин

Бур кыв.

Пельын —

Көлөкөльничалөн бөрдөм,

Кувсьөм мортос

Гуө дзебан шы.

Куйла гортйын, —

Серпас татшөм сувтис, —

Аллилуйя сьылөм шы

Оз чин.

Ыргөн деньга

Син лап вылам пукта,

Топыдджыка тупкыяс мед син.

Кулөм сингъяс вылысь

Босьтас зептас

Гуалысьыс деньгастө. Мед!

Сэсса сийө,

Мыйөн менө дзебас,

Юас вина,

Гашкө, стөкан-мөд.

Шуас:

Оліс му вылын эз весь,

Быдтор позис виччысьны

Поэтлысь.

Но эз вермы өдөлитны, эз,

Весигтө вит лист бок

«Капиталысь».

1924.

## БРЮСОВӨС КАЗЬТЫЛӨМ ВЬЛӨ

Ми кулам, лоам сэн,  
Кысь некытчө он усь.  
Но миянөс  
Оз некор вунөд Русь.

Вель уна вөвлі мусук —  
Том и пöрысь ань.  
И корысь мортлөн ноппысь  
Сейлім нянь.

Эг радейтлөй ми  
Кодлөн вузөс юр.  
Тэ, олөм — төвззы,  
Шөгөляйт да ю.

Важ рифмаясөн  
Вөдитчылім ми.  
Мый чужліс юрын —  
Сійөс гижліс ки.

Ми өтка йөзөн вөвлім,  
Дона ёрт.  
Эн элясь и эн жалит  
Нинөмтор!

Со кувсис Брюсов.  
Чинө нэм, оз сод, —  
Голь мортлөн ноппысь  
Луньястө он босьт.

Ми кулам, лоам сэн,  
Кысь некытчө он усь.  
Валерий Яклевич,  
Сэн лөня узь.

*1924, октябрь 9-10.*

\* \* \*

Гартчигтыр лымйыс чужомө койө,  
Эрд вомөн төвзью йөзлөн нин тройка.

Тройкаөн төвзью йөзлөн нин томлун.  
Көни нө аслам радлігтыр олөм?

Збой, гартчысь төвныр ставсө тай нуис,  
Татшөм жө тройкаөн кыккокийыв муніс.

*1925, октябрь 4-5.*

\* \* \*

Лөзоват рытө, төлыся рытө  
Том вөвлі, мичаник. Олөмөй кывтіс...

Эг вермы кутны, вольтөм вылө  
Ставыс тай лэбис... бокыті... ылө...

Ыркаліс сьөлөм, и синмөй нин воймис...  
Лөзоват шудөй! Төлыся войяс!

*1925, октябрь 4-5.*

\* \* \*

Эн тэ сэні шпынняяв, кыдз гажыд тэ ов,  
Радейта ме мөдөс, меным тэ он ков.

Ачыд өд тэ төдан, висьтала көть ог —  
Тэ динө оз кыскы, тэ динө ог лок.

Маті вөлі муна, эг ме вошты ин —  
Ошиньланьыд прөстө чөвтлі ассьым син.

1925, октябрь 4-5.

## **Николай АБРАМОВ**

---

(Карелия, Петрозаводск)

### **ЭСКА**

Кывбур динө көдзалёны войтыр,  
Гашкө, сылы кодйёны нин гу?  
Сэтшөм кадыс: кывбур лоис ковтөм,  
Но ме эска, эз на помөдз кув.

Кывйыд овлө чорыд — быттьö пуля,  
Овлө небыд — быттьö дзользьысь шор.  
Кыдзи тусьяс корсьö-өктö гулю,  
Сідз жö корсьліс кывъяссö и морт.

Воис кад, и зумышмисны йöзыс,  
Олöмыслөн воймис воддза рöм.  
Кыпыдлуныс сьöлöмын оз öзыы,  
Кыв йыланым сöмын: «сьöм да сьöм».

Юммас коркö вомысь курыд көрыс,  
Озырмас на ловнас коркö морт.  
Паськöдас на коркö енэж шöрас  
Тури борд моз кывбур ассыс борд.

## **КÖН МЕНАМ ШУДЛУНÖЙ?**

Көн менам шудлуно́й? Вынийöрöй көни?  
Сьöлöмысь кыла ме личавтöм дой...  
Тшöкмуни көкöмысь, мыйлакö, көкинь —  
Мый ваяс аскöдыс көка лөнъ вой?

Көн менам шудлуно́й? Вынийöрöй көни?  
Курыдсьыс öтарö зöлитö мус.  
Мыччысис кодзув со: дзирдалö тонö,  
Кодзулöй, югыдöй, дырдзык эн кус.

Көн менам вынийöрöй?.. Сьöлöмöй нормö,  
Морöсын важөн нин сийö оз пу.  
Медбöрти казытышта медбöрья корöм:  
Кула да, косинö кодойй мен гу...

*Веп кыв вылысь.*

# Мийкул ПАХОМОВ

(Карелия, Петрозаводск)

## КОДИ МЕ?

Гыёра паськөма пожөма вöрыс,  
Вералысь кодзулөн енэжыс тыр.  
Тöлысьыс сэтöни - быттьökö йöра,  
Котöртö меланьö дзöрьялігтыр.

Коді ме? Кытысь ме? Кылан-ö, Енмöй?  
Воча кыв некыдзи меным оз сюр.  
Войвывса вөр-вай, жалит вай менö,  
Кокняммöд думъясөн сьöктаммöm юр.

Кылі сэк гөлөссö кынмывтöм ёльысь:  
«Помтöм енкөлаын бус чир кодъ тэ,  
Ичöтик Му вылас — нянь тусь кодъ олысь,  
Ассыд вужвойтырöс сьылысь поэт».

## ВИР ДА МУ

Коді ыззьö кисьтны вир,  
Коді көсийö сотны Мусö —  
Сэтшöм мортыс медся мустöм.  
Ставы колö сöмын — мир!  
Муыс ставнымлөн дзик öти,  
Уна кывъя йöз сэн көть и.

Паськыд миян енвевт ув,  
Татчö кыськö боқысь волім,

Сэссия му выв йӱзӱн лоим.  
Олӱм, кадысь водз эн кув!  
Мӱдар югыдӱ ог муной,  
Кытчӱдз ангелъяс оз нуны.

*Люди́ковско́й кыв вылысь.*

## *Армас ХИЙРИ*

---

### **КАД**

Котӱртысь кадыс  
оз чуж некор, оз.  
Чужӱны кодзувъяс,  
каръяс  
да йӱз.

Котӱртысь кадыс  
оз пӱрысьмы, оз.  
Вежсьӱны кодзувъяс,  
каръяс  
да йӱз.

Котӱртысь кадыс  
оз кув некор, оз.  
Кувсьӱны кодзувъяс,  
каръяс  
да йӱз.

Котөртысь кадыс  
оз весьшөрö ов —  
кад серти олоны  
быд ловъя лов,  
кодзувъяс,  
каръяс  
да йöз.

## ЙÖЛÖГА

Уна лов шыөн  
ойдöма ывлаыс,  
тöдтöм ныв-зонлысь  
гөлöсъяс кыла со.  
И ме дзөръяла  
öтарö-мöдарö,  
быттö веськалі  
кытчökö мöд карö.

Томöсь,  
мичаöсь,  
веж вөрөн шувгёмөн,  
йöзыс пырöны  
выль шыа олöмас.  
Варов ныв-зонлөн  
збоялан гөлöсысь  
Кыла аския луныслысь  
йöлöга.

Кыдзи вижөдө кор — аддзан ачыд.  
Юлысь ямөмсө висьталас бадь.  
Ставыс олөмас вежласьö-гартчö —  
Сэтшөм олөмлөн ас нога стать.

Кодкө чужö, а кодкө и кулö,  
Дырөн потласьö медчорыд из.  
Сöмын кодзула енэжыс Мулы  
Лыддьö-висьталö öтнога висьт.

Нэмъяс төлысьыс енэжöd уяс,  
Нэмъяс оз вежлы уялан öд.  
Кытчö нуödö кодзула туйыс?  
Кытчö вайодас?  
Некод оз тöd!

\* \* \*

Кольём сюрс во чөжөн киссис  
уна пось  
да уна вир,  
вөвлі лача,  
лөглун,  
шог и,  
нимкодълун  
и муслун дзирд.

Выль сюрс волөн чужөмбанө  
мый нин пасьяс,  
гижас морт?  
Медым эськө  
воысь йөзыс  
эз жө вөчны  
Мулы горт!

*Финн кыв вылысь.*

## ЮКӦН НИМЪЯС

<b>Чужан муӧй, сьӧлӧмшӧрӧй .....</b>	<b>5</b>
<b>Куслытӧм йӧлӧга .....</b>	<b>65</b>
<b>Томлуныд — ловъя поэма .....</b>	<b>109</b>
<b>Туйвежъяс (поэма) .....</b>	<b>159</b>
<b>Локтӧй, мича вӧтъяс .....</b>	<b>187</b>
<b>Комиӧдӧмъяс .....</b>	<b>236</b>

**Виктор Егорович Напалков**

**О, БОЖЕ!..**

*Стихи и поэмы на коми языке*

Художник А. А. Попова  
Компьютерная верстка – Л. Т. Попова  
Корректор Г. Н. Васильева

Подписано к печати 20.09.2007. Формат 70x100/32. Печать  
офсетная. Усл. печ. л. 10, 32. Тираж 1000 экз. Заказ № 5081.

**Издательство «Эском».**  
1679 2, Сыктывкар, ул.К.Маркса, 229.

Отпечатано в полном соответствии с качеством  
предоставленных материалов в ОАО «Дом печати — ВЯТКА».  
610033, г. Киров, ул. Московская, 122.



